


Barnoota Afaan Oromoo

Qajeelcha Barsiisaa

Kutaa 10



Rippaabiliika Dimookiraatawaa Fedaraalawaa Itiyooophiyaatti
Ministeera Barnootaa

Kutaa 10

Barnoota Afaan Oromoo

Qajeelcha Barsiisaa

Ministeera Barumsaa Bara 2005



Rippaabiliika Dimookiraatawaa Fedaraalawaa Itiyooophiyaatti
Ministeera Barnootaa

ISBN: 978-99944-2-280-7

Gatiin: Qar. 30.80



Barnoota Afaan Oromoo

Qajeelcha Barsiisaa

Kutaa 10

Qopheessitoonni

Salamoon Gadaa (MA)

Tashoomaa Taaffasaa (MA)

Tasfaayee Jimaa (MA)

Gulaaltonni

Addunyaa Barkeessaa (MA)

Alaamirroo Kaasaahun (MA)

Tarraqany Mokonnin (MA)

Tashoomaa Egeree (MA)

Madaaltonni

Guutaa Fayyisaa (MA)

Hasan Waaqayyoo (BA)

Nagaasaa Hundee (MA)

Nuuriyaa Ibraahim (MA)



Rippaabiliika Dimookiraatawaa Federaalawaa Itiyoophiyaatti

Setting a New Trend in Book Publishing

Ministeera Barnootaa Bara 2005

Galata

Qopheessi, maxxansiifi raabsiin kitaaba barataafi qajeelcha barsiisaa kanaa fandii dhaabiilee qulqullina barnootaa 1-12, manneen barnoota mootummaa keessatti kennamanirratti hojjetan, kanneen akka Fooyyessa Qulqullina Barnoota Waliigalaa (FQBW) irraa argameeni.

Federaalli Riippaabiliika Diimokiraatawaa Itoophiyaa Fooyyessa Qulqullina Barnoota Waliigalaatiif qarshii liqaan Waldaa Guddina Internaashinaalaa (WGI), Fandii Faasti Inisheetiivii Kaataalikii (FFIK)fi kanneen guddinarratti hojjetan biroo-Koorporeeshiinii Guddina Fiinlaandii, Xaaliyaanii, Deggersa NiizarlaandiifiUK kan Muummee Guddina Internaashinaalaatiif dhaabbatan irraa argateen kitaabni barataafi qajeelchi barsiisaa kun akka qophaa'u taasise. Kanaafuu, Ministeerri Barnootaa Itoophiyaa namoota, gareewaniifi qaamolee qophii kitaaba barataafi qajeelcha barsiisaa kanarratti kallattiinis ta'ee alkallattiin hirmaachuun deggersa taasisan nigalateeffata.

© Federaala Riippaabiliika Diimokiraatawaa Itoophiyaatti Ministeera Barnootaa
Maxxansa jalqabaa- 2005/2012

Mirgi abbeentaa gama suurawwaniifi fakkiiwwanii, dokimentootaafi meeshaalee kanneen biroo odeeffannoofi ragaalee isaan of keessaa qaban waliin Ministeera Barnootaa Itoophiyaatiif kan dhiyaate yoo ta'u, mirgichis waggoota shaniif hojiirra oola.

Qopheessaa, Maxxansaafi Raabsaa

Dhaabbata Maxxansaa MK

L.S.P. 12385 Kaampaalaa

L.bil. +256 414-269150

Toora intarneetii www.mkpublisher.com

Kaampaalaa-Yugaandaa

ISBN 978-99944-2-280-7

Mirgi hunduu seeraan eeggamaadha. Hayyama barreeffamaan abbaa mirgaarraa kennamuun ala, gamisa ta'ee guutummaa kitaaba kanaa irraa hir'isuun, itti dabaluu, gamisaan ykn guutummaatti maxxansiisuun, waraabanii raabsuun dhimma dhuunfaafis ta'ee hawaasaaf oolchuun dhorkaadha. Kanaafuu, hayyamni seeraan osoo hinkennamin gochaawwan kanarratti bobba'uun seeraan nama gaafachiisa. Labsii Gaazexaa Nagaariita Federaalaa lak.410/2004, Labsii Ittisa Mirga Abbentaafi Kanneen Isaan Hidhata qaban, Waggaa 10ffaa, Lak.55, Finfinnee, Adoolessa 12, 19996(July 19, 2004).

Daangaa Mirga Abbeentaa

Hanga danda'ametti, mirgi abbeentaa meeshaalee kitaaba kana keessatti dhimma itti ba'amanii heeruu yaallee jirra. Kanneen osoo itti hinyaadamin bira darbamaniif ammoo dhiifama jechaa, maxxansa itti aanu kamiinuu keessatti galateeffachuuf qophaa'oodha.

BAAFATA

Fuula

Seensa Waliigalaa	iv
Boqonnaa 1: Afaan Akkamitti Jalqabame?	1
Boqonnaa 2: Dhukkuboota Wal-Qunnamtii Saalaatin Darban	17
Boqonnaa 3: Sirna Fuudhaaf Heeruma Oromiyaa Bahaa	33
Boqonnaa 4: Toltuuf Hiree Ishii.....	39
Boqonnaa 5: Burqaaf Dureettii	45
Boqonnaa 6: Onismoos Nasiib	51
Boqonnaa 7: Faayidaa Bosonaaf Bineensotaa.....	57
Boqonnaa 8: Garaa Kaasaa	61
Boqonnaa 9: Sirna Gadaa	69
Boqonnaa 10: Guddifachaa	77
Boqonnaa 11: Kunuunsa Qabeenya Uumamaa.....	81
Boqonnaa 12: Jireenya Baadiyyaaf Magaalaa	87
Boqonnaa 13: Sheek Bakrii Saaphaloo.....	93
Boqonnaa 14: Afoola Oromoo	97
Boqonnaa 15: Durba Morma Lamaa	103
Boqonnaa 16: Gaabbii.....	107
Boqonnaa 17: Xalayaa	111
Boqonnaa 18: Barreeffama Odeeffannoo (Wabiitti fayyadamuu)	113



SEENSA WALIIGALAA

Kaayyoon barnoota afaanii (Language Education) inni guddaan akka waliigalaatti barattoonni afaan baratan sanaan hojjechuu akka danda'aniif ogummaawwan afaanii warra bu'uuraa (the basic language skills) horachiisuudha. Xiyyeeffannoon barnoota afaanii Itoophiyaas, meeshaalee ogummaawwan kanarratti ga'umsa gonfachiisuun wal-qunnamtii, barnootaaf jireenya hawaasummaa garaagaraa keessatti akka itti fayyadamaniif haala mijeessuudha. Kaayyoo kana galmaan ga'uuf carraaqqiiwwan taasifaman keessaa inni tokko qophii kitaaba barnootaati.

Kanaafuu, tokkoon tokkoon kitaaba barataa qabiyyeewwan garagaraarratti boqonnaalee garagaraatti qoodamuun barattoonni afaanii irraa caalaa ogummaawwan afaanii afran dhaggeeffachuu, dubbachuu, dubbisuuf barreessuu boqonnaalee hunda keessatti xiyyeeffannoon akka gabbifataa deemaniif haala mijessa. Itti dabalees, boqonnaalee hunda keessatti qabiyyeewwan sadarkaa barnootaaf umrii barataatiin wal-gituun aadaa hawaasichaa bu'uureffachuun dhiyeessuuf carraaqqii guddaatu taasifame. Kitaabni barnoota Afaan Oromoo kunis kaayyoo adeemsa kana bu'uureffachuun qophaa'e.

Boqonnaaleen kitaabaa barataa keessaas kan qophaa'an sirna barnootaa biyya keenyaa kan yeroo ammaarratti hunda'aniiti. Isaanis kaayyoo gooroo gooree barnootaa afaanichaa galmaan ga'uurratti xiyyeeffatu. Qajeelchi barsiisaas kaayyoo, qabiyyee, mala baruuf barsiisuurratti odeeffannoo ga'aaf barbaachisaa ta'an dhiyeessuun kitaaba barattootaatti fayyadamuuf Afaan Oromoo akka afaan tokkooffaatti barsiisuuf haala mijeessa. Barsiisaanis hanga isaa/ishii danda'ametti haala sissi'eessaa garagaraatti dhimma ba'uun (fayyadamuun) barnoonni gammachiisaa barbaachisaaf bu'a qabeessa ta'uu isaa barattoonni akka hubatan taasiisuu qaba. Qajeelchi barsiisaas, gilgaalaa shaakala garagaraa dhiyeessuuf meeshaalee deeggarsaa eeruun kaayyoo barumsichaa galmaan ga'uurratti hojii barsiisaaf tumsa. Gilgaalonni kitaaba barataa keessatti dhiyaatanis kaayyoo gosa garagaraa qabu. Kaayyoon isaanii, barsiisaas deeggaruun fedhii barattoonni barumsicharratti qaban kakaasuuf onnachiisuudha.

Qophiin kitaabaa kana sirna barnootaa bu'ura taasifachuun, odeeffannoof hubannoo garagaraa dhiyeessuun, akka barsiisaan malleen baruu barsiisuu garagaraa wal-simsiisuun ogummaawwan afaanii hunda boqonnaalee dhiyaatan keessatti haalaan shaakalsiisuu gochuuf. Tokkoon tokkoon boqonnaalee keessatti kaayyoowwaniif meeshaaleen deeggarsa barnootaa eeraman garagaraa nijiru. Gilgaalonniif odeeffannoon dabalataas mata dureewwan boqonnaalee hundaa keessaatti

barsiisaadhaaf dhiyaatanii jiru. Barattoonnis sonaan barachuu kan danda'an yoo waan baratanirratti hirmaatan waan ta'eef, gilgaalonni haala hirmaachisaa ta'een yoo dhiyaateedha. Kanarratti hundaa'uun, malli baruu-barsiisuu barataa giddugaleessa taasifateef malli wal-qunnamtii kitaaba barataas ta'ee qajeelcha barsiisaa keessatti haalaan xiyyeeffataman boqonnaaleen kitaaba barataaf qajeelcha barsiisaa keessaatti qabiyyee barsiifamu irratti hundaa'ee gulantaalee murtaa'oo keessatti dhiyaateera. Fakkeenyaaf, boqonnaalee hunda keessatti, seensi, gulantaa wanta barattoonni beekanirraa ka'uun mata durichaan wal-barsiisanidha. Kunis, kan ta'u, fakkiwwan garagaraa ilaaluun waan duraan beekan yaadachuun qabiyyee haaraa booda itti aansee dhufu hubachuuf bu'uura ta'a.

Barsiisaan afaanichaas, qabiyyeewwan boqonnaalee duraan barsiifaman keessaa isa barsiifamaa jiruun wal-qabsiisuuf yaadachiisuun akka barattoonni muuxannoo isaaniitiin wal-qabsiisuun tajaajila afaanichaan dinqisiifatan jajjabeessuu qabu. Kunis, seensa boqonnaalee keessatti kan raawwatamaniidha. Haalli dhiyeessa akkanaa kun akka barattoonni jechootaaf caasaa afaanichaa duraan itti fayyadaman yaadachiisuun dhimma amma irra jiraniin itti fufinsaaf wal-simsiisaa gilgaalotaaf barnoota afaanichaa keessatti mirkaneeffachaa akka deeman taasisa. Karoora qabiyyee barnootaaf haala qindoomina gochaawwanirratti fakkaattiin qophaa'e karoora guyyaa qopheeffachuuf dalagaalee barnootaa qindeeffachuun, kaayyoon baruu-barsiisuu yeroo hundaa galmaan ga'uuf karaa saaqa.

Barsiisaan Afaan Oromoos, tokkoon tokkoon daree barnootaa keessatti qabxiileen ka'an mala baruu-barsiisuu adda addaa ykn cunqaa'aa (eclectic) ta'een barsiifamuu barbaachisuu isaanii hubachuun yeroo yerootti haalichattii of madaqsuu qaba. Kana malees, fedhii barataa tokkoo tokkoon addaan baafachuun kanneen fedhii adda qabaniif deeggarsa addaa gumaachuutu irraa eegama. Qabxii kana booda bal'inaaf xiyyeeffannoo addaa itti laachuun barattoota fedhii addaa qabaniif yaada jedhuun nikaafna.

Kaayyoon guddaan barnoota afaanichaa kan sadarkaa gara garaatti dhiyaatee, ogummaawwan dhaggeeffachuuf dubbachuu barattoonni maatiirraa barachuu jalqabanii gara mana barumsaa dhufanitti dabalee ogummaa dubbisuuf barreessuu akka horatan taasisuudha. Kana jechuun ammoo, si'uma tokkicha martuu akka ogummaa goorooti barsiifamu jechuu miti. Tokko ykn lama yoo gooroo ta'e kaan ammoo isuma dahoo taasifachuun shaakalamu. Qabxiileen kanaan gaditti dhiyaatan kitaaba barataaf qajeelcha barsiisaa keessatti itti fayyadamuun akka barattoonni afaanicha guddifachaa deemaniif haalli mijaa'ee jira.

1. Qo'annaa fakkii
2. Shaakala dhaggeeffannaa
3. Ijaarsa barreeffamaa to'atamaa
4. Shaakala qubeessuu

Qabxiileen olitti ka'an, yoo gilgaalotaaf deeggarsa baruu barsiisuu garagaraatiin wal-simsiisuun dhimma itti ba'ame akka barattoonni ogummaawwan afaanii hunda gabbifachuun daree keessaaf dareen alatti itti fayyadaman gochuurra darbee ogummaawwan biroo kanneen akka ogummaa gadi fageenyaan yaaduu, ogummaa qaaccessuu, ogummaa dhuunfaaf garee hojjechuudanda'uuf, geggeessuu akka gonfatan taasisa. Kaayyoo afaan dhalootaatiin barachuu hojiirra oolaa jiru inni guddaanis kana bu'uureffata.

Itoophiyaa keessatti afaan dhalootaatiin barachuun kan xiyyeeffatu barattoonni ogummaawwan afaanii afran kana gabbifachuun afaan isaanii kan saayinsiiif teekinoolojii taasisuu akka danda'aniif karaa saaqa. Kitaabni kunis kaayyoo kana galmaan ga'uurratti yoo xiyyeeffatu xumura barnoota dhiyaatan irratti barattoonni.

- Ogummaawwan afaaniitti fayyadamuun of if naannoo isaanii ibsu.
- Yaada mata duree tokko deeggaruun ykn mormuun falmii dhiyeessu.
- Odeeffannoo fudhachuuf kennuuf sirriitti dubbisu .
- Barreeffama qulqullinaaf qindoomina qabuun yaada isaanii dabarfatu.

Ogummaawwan Afaanii Afran

Dhaggeeffachuufi Dubbachuu

Barnoota Afaan Oromoo keessatti ogummaan dubbachuuf dhaggeeffachuu akkuma ogummaa dubbisuuf barreessuu xiyyeeffannoo argachuu qabu. Bu'uuruma kanaan kitaaba kana keessatti shaakala adda addaa jalatti dhiyaatanii jiru. Kaayyoon isaa barattoonni ogummaawwan kana maatiirraa baranii kan dhufan yoo ta'ellee tooftaaf haxa (methods & techniques) garagaraati fayyadamuun karaa saayinsawaa ta'een odeeffannoo argachuuf kennuuf akka itti fayyadamaniif haala mijeessa. Jireenya qabatamaa (in real life situation) keessattis ogummaawan kunneen irra deddeebi'amuun waan tajaajilaaniif xiyyeeffannoon akka laatamuuf ta'ee jira.

Barattoonni yeruma mara waan haaraaf gammachiisaa, kan jireenya qabatamaa keessatti bu'aa isaaniif qabu dhaga'uu barbaadu. Kanaafuu, barsiisaan fedhii barattoota isaa kana guutuuf hanga danda'ametti yeroo hunda waan gammachiisaaf bu'a qabeessa ta'e qabatee dhiyaachuu qaba. Wanti hubatamuuf xiyyeeffatamuu qabu inni guddaan

daangaan xiyyeeffannoo daa'immaniif dargaggeeyyii afaanicha baratani, murtaawaa ta'uu isaati. Haala kanaan, hanga danda'ametti, barsiisaan yeruma hunda shaakalaaf gilgaalota fedhiif qalbii barattoota hawwataniif akkasumas, haala qabatamaa keessaa bu'aa qaban dhiyeessuun akka isaan dhaggeefataaf dubbataa gaarii ta'an qopheessuudha. Kitaaba barataaf qajeelcha barsiisaa keessatti gilgaalonni garagaraa ogummaa waan kana shaakalsiisuuf dhiyaatanillee, barsiisaan kana qofarratti of dagatuu hin qabu. Haala barbaachisummaa isaaniiraatti hundaa'ee shaakala garagaraa kanneen akka waliin dubbii, tapha jechootaa (word game), qubeessuuf wkf dhiyeessuun ogummaawwan akka gabbifatan taasisuu qaba. Gilgaalonni akka yaadachuu, gahee taphachuu, durdurii himuus barsiisaadhaaf eeramanii jiru. Kanneen kanaan gadiittif xiyyeeffannoon kennamuu qabu.

1. Sagaleessuu
2. Jabinaaf laafna
3. Ol ka'iinsaaf gadi bu'iinsa sagalee
4. Ilaalcha garagara akka dubbii keessatti dhiyaatanitti

Hub: Barsiisaan akka barattoonni ogummaawwan afaanii gabbifatan taasisuuf carraaqii godhu keessatti dhiibbaan loogaaf afaanota naannootti dubbatamanii jiraachuu isaanii hubachuu qaba. Haala kanaan, barattoota gara sagaleessa isa waalta'eetti dhufuu dadhaban obsaan akka isaan sirreeffatan taasisa. Barattoota dhaggeeffachuuf dubbachuurratti rakkoo qaban malaan qabuun akka isaan dhawaataan ogummicha gonfatan jajjabeessuu qaba.

Barsiisaan Afaan Oromoo kanneen armaan gadii keessatti akka barattoonni dammaqinaan qooda fudhatan jajjabeessuu qaba.

1. Afaanichaan namoota fuul dura ba'anii bilisaan dubbachuu
2. Marii garee
3. Sagantaa gaaffif deebii keessatti
4. Falmii keessatti
5. Seenaa himuuf gosa seenessaa garagaraa keessatti .

Dubbisuufi Barreessuu

Ogummaawwan dubbisuuf barreessuu walitti hidhatanii gabbifatamuu waan ta'eef, waliin dhiyaatanii jiru. Barattoonni ogummaawwan kana lamaan sagantaa idilee keessatti mana barumsaatti shaakaluu eegaluu. Kanaafuu, waa'ee ogummaawaan kanaa muuxannoon isaan qaban hanga warra lamaan kanaan dura ilaaltee hinga'u. Namni afaanichaan dubbisaa gaarii ta'e tokkoo barreessaa gaarii ta'uu danda'a. Wal-

simannaan ogummaawwan kanneenii cimaa ta'uuf Afaan Oromoo barachuurratti qofa osoo hintaanee, Afaan Oromootiin barachuurrattiillee gumaacha guddaa qaba. Xiyyeeffannoon flannoof itti fayyadama jechootaa, irraa-jalummaaf duraa-duubummaa caaseffamee afaanichaa, ogummaa barreeffamaatiin wal-qunnamuuf haala barreeffamaa garagaraatiif kennamuu qaba. Itti dabalees, ijaarsa himotaa, itti fayyadama sirna tuqaaleef haalan itti fayyadama afaanichaa isa hawaasa keessaarratti ga'umsa horachiisa.

Barattoonni ittiin of gammachiisuufs ta'ee shaakala dareetti taasifamu keessatti carraa barreessuuf dubbisuu wal-qabate argachuu qabu. Haalli barattoonni daree keessatti sagalee ol fuudhaniif callisaan dubbisan jiraachuun barbaachisaadha. Barattoonni tokko tokko qubaan akeekaa dubbisuun ariitii isaanii waan xiqqeessuuf barsiisaan haala akkasiirraa akka of qusatan taasisuun barbaachisaadha. Jabeessuu, sagalee isaanii ol fuudhuuf gadi buusuun akka dubbisan barsiisaatu haala mijeessa. Akkasumas, akka barattoonni barruu kalaqaa garagaraa kanneen akka walaloo, seenessaa, walaloo sirbaa, faaruu, xalayaa asoosama gabaabaa barreessan jalqabarraa kaasee jajjabeessuun ga'ee barsiisaati. Kun ammoo akka barattoonni ijoollummaa isaaniitti ga'umsa jechootaa caasaa afaanichaa barachuurratti fedhii dubbisuuf barreessuu horachuu kakaasa. Barattoota bitaadhaan barreessaniifs xiyyeeffannoon adda kennamuu qaba. Haalli teessuma daree keessaa barattoota akkasii kan akka isaan harka hiiqfatanii barreessan taasisu ta'uu qaba. Kun ammoo, teessoo nama lama sadii qabatu yoo ta'e gara moggaa osoo taa'aniis wayya.

Mala Waliigalaa (Dimshaashaa)

Malli waliigalaa asitti dhimma itti ba'ame (fayyadame) kan barattoota giddu-galeessa taasifatee f hirmaachisaadha. Barsiisaan akka barattoonni hirmaatan kan haala mijeessu malee kan ofi waa mara dhiyeessu miti. Kun ammoo, akka barattoonni ogummaawwan barbaachisoo ta'an wal-simsiisanii akka gabbifatan kan taasisuudha. Kanaafuu, adeemsa baruu-barsiisuu keessatti malleen dhimma baasan (fayyadan) adda addaa flachuuf itti fayyadamuu keessatti barattoonni hirmaachuu qabu. Qabxiileen kanaan gadii Afaan Oromoo barachuuf Afaan Oromootiin barachuuf malleen eeramaniidha.

- i. Mala argannoo Qajeelfamaa (guided discovery method)
- ii. Mala marii/hirmaachisaa
- iii. Mala agarsiisaa
- iv. Mala gaaffif deebii
- v. Mala sammuu kakaasuu
/ sissi'eessuu/
- vi. Mala jechaaf gochaa
- vii. Mala do'ii

Mala Argannoo Qajeelfamaa

Malli argannoo kun mala baruu barsiisuu keessaa isa tokkoo ta'ee kan barsiisaan tattaaffi barattoonni ogummaawwan afaanii guddifachuuf taasisan keessatti akka qajeelchaatti tajaajiludha. Malli kun barattoonni wanta naannoo isaaniitti argamaniirraa ka'anii daawwannaaf yaalii geggeessuun odeeffannoo barnoota isaaniirraa argatan haala qabatamaadhaan wal-simsiisuun akka waan haaraa tokko argatan carraa laataaf. Barsiisaanis akka barattoonni isaa waan isaanii hin gallee gaafatan godha. Yoo isaan dogoggora uumanis akka ofi sirreeffatan walii sirreessaniif ofi isaafi sirreessuu barnootaaf haala mijeessa. Asittis xiyyeeffannoo argachuu kan qabu, barattoonni dhaggeeffachuu ykn daawwachuu qofa osoo hin taane, hojjechaa barachuuf barachaa hojjechuu akka danda'an taasisuudha. Kana jechuun ammoo dubbisuudhaan dubbisuu barsiisuu, barreessuudhaan barreessuu barsiisuu, fedhuudha.

Mala Marii

Malli kun marii barattootaaf barsiisaa akkasumas, barattootaaf barattoota gidduutti yaada wal-jijjiiruun akka geggeeffamu taasisa. Barsiisaan mata duree dhiyeessuun akka barattoonni irratti mariiyatanii yaada itti laatan, falman, deebii laatan, mormaniif deeggaran taasisa. Marii isaanii kanas niqindeessa. Kun ammoo, barattoonni ogummaawwan gurguddoo afaanii cinatti ogummaa gadfageenyaan yaaduu, ogummaa seccessuu, ogummaa gareef namootaan waliin hojjechuuf ogummaa dhiyeessan akka gabbifatan gargaara.

Mala Agarsiisaa

Barattoonni umrii daa'imummaa isaaniitti, irra caalaa akkeessuudhaan baratu. Barsiisaan haala afaanichi hawaasa keessatti, ittiin tajaajilu barattootaattii agarsiisuu qaba. Barsiisota isaanii fakkaatu waan ta'eef, haalli dhiyeessaaf dhiyeenya barsiisaa, kan ogummaa jireenyaa jara gonfachiisan ta'uu qaba. Walirraas waan hedduu baru danda'uu waan ta'eef, haalli itti fayyadama ogummaa afaanichaa jarri qaban keessaa inni bu'a qabeessa ta'ee jajjabeeffamuu qaba.

Mala Gaaffiifi Deebii

Mala kana keessatti barsiisaan gaaffiwwan garagaraa fayyadamuun shaakala dhiyaateef akka barattoonni isaa ogummaawwan barbaachisaan gabbifatan taasisa. Gaaffiwwan barattoonni kaasaniis ni deebisa. Barsiisaan akka barattoonni isaa karaa garagaraatin yaaduun qabiyyees ta'ee uunka barnoota argaaniirratti gaaffi kaasan jajjabeessuun haala mijeessa. Ofi isaatii gaaffiwwan akka barattoonni yaada kaasan taasisuu ykn gaaffiwwan deebii tokkoof tokkoo ol qabachuu danda'an haala barbaachisaa keessatti dhimma itti baha.

Mala Sissi'eessuu/Fedhii itti Uumuu/

Barsiisaan mala kanatti gargaamee akka barattoonni muuxannoo isaanii gara dhimma barbaadutti akka fdataniif gaaffiwwan dimshaasha ta'an kaasa. Gaaffcha keessattis mormuun ykn deeggaruun akka barattoonni hirmaatan taasisa. Mata dureen barattoonni yaada irratti kaasanii kan kallattii adda addaattin ilaalamuuf kan sadarkaa barattootaatiin wal gitu ta'uu qaba.

Mala Do'ii/Daawwii/

Haala dhiyeessa kana keessatti barattoonni akka abbaa dhimmaatti qooda fudhatu. Ijaara gocha ykn seenaa barsiisaan dhiyeesse tokko faana bu'uun akka suuraan dhimmichaa sammuu isaanii keessatti ka'utti waliin dubbii, o fin dubbii, gahee taphachuu fa'iin daree keessatti dhiyeessu.

Mala Jechaafi Gochaan Dhiyeessuu

Asitti barattoonni sochiilee qaamaa isaanii dhimmichaan walitti qindeessuun dhiyeessuuf qindaa'u. Gilgaalonni haala kanarratti qophaa'an walaloo hibboof jechoota dubbachuurratti arraba namaa takaalan dhiyeessuun barsiisaas ta'ee barataan dhimma itti bahu. Barsiisaan akka barattoonni gareen cimdiin akkasumas dhuunfaan dhiyeessan affeeruun flannooni akkasii akka barattoonni

- i. Jechoota sirritti akka dubbisaniif barreessan gargaara.
- ii. Saffsaan dubbisuu isaanii akka fooyyeeffatan taasisa.
- iii. Barruulee garagaraa hubachuurratti dandeettiin barttootaa akka dabaluu gargaara.
- iv. Hiiika jecha ykn gaaleewwanii galumsarraa akka tilmaaman
- v. Hima sirriitti akka dubbisan
- vi. Jabinaaf laafna, dheerinaf gabaabina, olka'iinsaaf gad bu'iinsa sagalee akka dinqisiifatan haala mijeessa.

Hojii Garee (Marii)

Hojjin garee mala barattoonni gareedhan ta'uun dhimma kennameef tokkorratti yaada mataa isaanii mormuun ykn deeggarun itti ibsaniidha.

Dhimmoonni yaada keessa galuu qaban

- i. Umrrii barattootaa
- ii. Dandeettiif ogummaa
- iii. Dhimmoota korniyaan hidhata qaban
- iv. Muuxannoof yaada barattootaa dinqisiifachuu

- v. Qajeelfamoota ifa ta'an kennu
- vi. Fedhii qabaachuu barattootaa
- vii. Jijjiirama jiruuf jireenya hawaasa keessaa.

Qindoomina garee

Daree barattoota 40 qabu keessatti barattoota 10 garee tokko taasisuun nidanda'ama. Ta'uu baannaan, garuu garee nama 4 ykn 6 qabu ijaaruu wayyaa. Kunis, barattoonni teessoo tokkorra 2 ykn 3 ta'anii kanneen isaan duuba taa'aniitti gara galuun akka mariyatan taasisuudha. Marii isaanii kan hoogganu barataa cimaaf laachuun dhimmi tokkoon tokkoon barattootaatiin akka galmaan ga'an barbaadame fixa ba'uu danda'a.

Bu'aa hojii garee

- Barattoonni sodaatan ykn leeyya'an(saalfataniif), suuta waa hubatan akka si'aa'inaan hirmaatan jajjabeessa.
- Oftti amantaa dabala
- Gilgaalota bal'aa yeroo murtaawaa keessatti shaakalsiisa
- Bilisaan of ibsuu barattootaa saff'essisa
- Aadaa wal-gargaarsaa barattootaa gabbisa.
- Odeeffannoo akka walii hiran taasisa
- Miseensonni garee hunduu hubatamuu waan barbaadaniif wal-dorgomsisuuf haala mijeessa.
- Barattota giddu galeessa taasifata
- Barsiisaanis akka barattoota isaarraa baratu taasisa
- Hirmaannaa tokkoo tokkoo barattootaa cimsa
- Odeeffannoo dabalataa kennuuf keessa deebiidhaaf mijataadha.

Rakkoo hojii garee keessatti uumamu akkamiin furuun danda'ama?

- Dursanii garicha qindeessuu.
- Barattoota dandeettii f fedhii isaaniitiin gareetti qooduu
- Nama garicha to'atu isaanuma keessaa akka flatan gochuu
- Barsiisaan dalagaa gareewwanii haalaan hordofuu
- Dhiyeessi baay'ee ta'uu
- Dogoggora uumamu sirreessuun akka marii isaanii mata duricharra taasifatan taasisuu
- Qajeelfama ifa ta'e kennuuf ammaa ammaa barattoota to'achuurraa of qusachuu.
- Dalagaan fedhii barattootaa kakaasuuf barbaachisaa ta'e kennamuuf qaba.

Qo'annaa Fakkii

Fakkii qo'achuun akka barattooni haalicha ilaalanii hubatan godha. Barattoonnis akka fakkiicha ilaalanii ibsan jajjabeeffamu. Gilgaalotaaf meeshaalee deeggarsa barnootaa afaanii kan haala qabatamaa keessaa dhimma baasu waan ta'eef, gilgaalonnii meeshaaleen deeggarsa barnoota Afaan Oromoo baay'ee barbaachisaadha. Barattooni barumsa haala kanaan baratan muuxannoo isaanii gabbifachuun jijjiirama agarsiisuu qabu. Meeshaan deeggarsaa kunis kan addunyaa dhugaa keessatti bakka bu'aa qabuuf kan yaadaan jiru ta'uu mala. Hanga danda'ametti garuu dalagaalee daree keessaa isa jireenya qabatamaatiin wal-qabsiisuun barbaachisaadha.

Caasluga afaaniif seera isaa walxaxaa ta'e barsiisuu keessatti illee haala hawaasa keessatti hojiirra oolurraa addaan baanaan bu'a qabeessa hin ta'u. Tajaajilli deeggarsa barnootaaf gilgaalotaas dhimma kana galmaan ga'uuf tajaajilu. Muraasni isaanii warra kanaan gadii yoo ta'an kitaaba barataa keessattis dhiyaachuun qajeelchi barsiisaa ammoo hojji kalaqaa kanneen birootiin wal-qabsiisuun hojiirra oolchuu yaala.

Deeggarsa baruu barsiisuuf kanaan dhiyaatan kun salphaaf yeruma hunda daree barnoota afaanii keessatti itti fayyadamuun kan danda'amu ta'uullee qarshii xiqqoo baasuuf kaan ammoo barattoonniif barsiisonni ofumaa qopheessuu kan gaafataniidha.

Meeshaalee Deeggarsa Barnootaa

Wantoota Qaamaan Jiran

Meeshaaleen deeggarsaa kunneen kan barattooni jireenya dhugaa keessatti argatan, kan akka kubbaa, dhagaa, ulee, nama, gaazexaaf wkf ta'uu malas.

Gilgaalota Baruu-Barsiisuu

Shaakala Dhaggeeffachuu

Ajajni maatiif barsiisonni barattootaaf kennan baay'een isaanii kan dhaggeefatamanidha. Qajeelfamoonni kunneen ammoo barattoota hubama dhageettii qabaniif mallattoodhaan kan dhiyaataniidha. Qajeelfamni kun gabaabaatti shaakala dhaggeeffachuu kan milkeessanidha.

Sadarkaalee Dhaggeeffachuu

Dhaggeeffachuun Dura

- Qabiyyee barnootichaatiin kan qunnamtii qaburratti barattoota qopheessuu
- Fedhii barattootaa kakaasuu
- Qabiyyee barnoota darbee yaadachiisuu

Yeroo Dhaggeeffachuu

- Shaakala sasalphaa kan barattoonni dhaggeeffachaa dalagan (fkn kan dhaggeeffatan keessaa waan sadii akka barreessan taasisuu. Kaayyoon isaas, xiyyeeffannaa isaanii cimsuuf.
- Barruu qophaa'e si'a lama ykn si'a sadii dubbisiif.
- Sagalee giddugaleessa ta'ee barattoota hundatti dhaga'amuun dubbisiif.

Dhaggeeffachuun Booda

- Gilgaalota dhiyaatan shaakalsiisi.
- Hordoffi walitti fufnsa qabu taasisi.
- Barruu dhaggeeffatan irratti hundaa'uun gilgaalota ogummaawwan adda addaa gabbisan shaakalsiisi.

Dalagaaleen kanaan gadii ammoo, barattoonni afaaniichaa ogummaa dhaggeeffachuu isaanii akka gabbifataniif tumsa godhi.

- Waliin dubbii
- Falmii
- Teeppii ykn televiijiinitti gargaaramuu
- Doo'ii (daawwii)
- Kennaa ykn ibsa ajajaa
- Ibsa kennuu

Shaakala ibsa kennuu keessatti barsiisaan barattoonni dhaggeeffatanii akka barreessan taasisa. Kaayyoo isaa ogummaa dhaggeeffachuuf barreessuu barattootaa madaaluuf barattoonni wanta ibsamu dhaggeeffatanii ariitiidhaan yaadannoo barbaachisaa ta'e akka qabatan taasisa.

Gulantaalee Barsiisuu

Gulantaa

1. Osoo barattoonni dhaggeeffachaa jiranii ati ammoo, si'a lama dubbisiif.
2. Barattoonni shaakala barreessuu hima himaan akka barreessan qajeelchi.
3. Barruu san gabatee gurraacharratti barreessuun akka barattoonni isa barreessanii wal-bira qabanii sirreeffatan taasisi.
4. Barattoonni dubbisicha hubachuu isaanii mirkaneeffachuuf afaaniin gaafadhu.

Qo'annaa Fakkii

Kitaaba barataa keessatti jalqaba (mata dureewwan) boqonnaalee hundaarratti fakkiif gaaffiwwan karaa agarsiisaniin itti seenamee jira. Barsiisaanis akka barattoonni fakkiwwan dhiyaatanirraa wantoota, bineeldotaaf namoota haala garagaraa keessaa addaan baafatan gaafachuutu irraa eegama. Kaayyoon isaas akka barattoonni waan beekanirraa ka'anii isa hinbeekne barachuu danda'aniif haala mijeeessuudha. Kana malees, barattoonni yoo fakkii ilaalanii ibsan dhugaa hawaasa keessatti kan duraan beekan jechootaaf caasaa afaanichaatti gargaaramanii ibsuun aadaaf duudhaa hawaasichaa ka'umsa taasifatu. Kanafuu, wanta arganii beekan tokko irratti yaada kennuun dhugaa hawaasa keessaa gara dareetti fduurra darbe fedhiin isaanii akka daran dabalus godha.

Gulantaalee

- Matadureen wal-barsiisuu
- Barattoonni gaaffi ati kaafu mararratti mariyatu.
- Fakkii qo'atu.
- Barattoonni wantoota /bineeldota/namoota/haallan fakkicharraa argan ibsu.
- Gaaffiwwan karaa agarsiisuuf kitaaba barataa keessatti dhiyaates nideebisu.

Tapha Jechaa(word game)

Barnoonni jalqabaa muraasni jechoota haarawaa kanneen loogawwan keessa ba'aniin barattoota wal-barsiisan jechoonniif caasaan haaraan ammoo hanga danda'ametti meeshaalee deeggarsa barnootaa fayyadamuun barsiifamuu qabu. Meeshaaleen deggersaa kunis, waan hunda dura akka qalbiin barattootaa gara dhimmichaatti luucca'u taasisuun salphaatti hubachiisa. Kun ammoo akka isaan waa'ee meeshaa deeggarsaa sana waan addaan baafachiisurra taree, gara kamitti akka inni yaada isaanii harkise irratti akka yaada wal-jijjiiran taasisa. Fakkeenyaaf, kanaan dura barattoonni waa'ee halluu barachuu malee gosni halluu dhiyaateef isa irratti hundaa'uun waa'ee isaa barachaa, halluun inni kaan ammoo akka jara garaa nyaate yaada isaanii dhiyeessuuf haalli mijataa hinturre. Meeshaaleen kun ammoo, haala kanarratti hubannoo cimsu. Kanaafuu, meeshaalee deggersa barnootaa garaagaraatiin deggeruun dhimma tokko dhiyeessuun wantootaaf waa'ee isaanii irratti hubannoo cimsa

Itoophiyaan biyya barattoonni afheddee (multilingual)f aadheddee (multicultural) ta'an keessatti barataniidha. Kanaafuu, barattoota muuxannoo garagaraa qabantu gara mana barumsaa dhufu. Fakkenyaaf, baadiyaaf magaalaa haallan adda addaa barnoonni keessatti kennamu. Barattoonnis naannoowwan garagara. Bakka wantoota

addunyaa qabatamaa keessa akkuma jiranitti daree barnootaatti fduun ittiin barachuun rakkisaa ta'utti, fakkiwwanii gabatee gurraachaa kitaaba barataarraa jechootaa yaad rimeewaan ciccimoo ta'an salphaatti hubachiisuun nidanda'ama. Jechoonni haala kanaan barsiifaman ammoo caasaa afaanichaa kan sadarkaa garagaraa keessatti itti fayyadamuuf haala mijeessa.

Adeemsa

- Meeshaalee deeggarsa barnootaa dursanii barattootatti agarsiisi.
- Jechoota haaraaf akkaataa isaan itti sagaleessan barattootaan wal-barsiisi.
- Haala jechoonni sun keessatti tajaajilan ibsi.
- Akka barattoonni sifaana bu'anii sagaleessan taasisi.
- Himoota garagaraa keessatti jechichatti gargaarami.
- Barattoonni hima ofi isaanii keessatti akka jechoota sana gargaaraman taasisi.
- Hima barattoonni ijaaran harkaa fuudhiitii gabatee gurraacharratti barreessi.
- Dhumarratti, akka barattoonni gilgaala kitaaba barataa keessaa ofi isaaniitii flatanii barreessan jajjabeessi.

Hub. Dhumairratti gilgaala barreessuu shaakalsiisuun dirqama miti. Afaaniin daree keessatti mariyachuun gahaadha.

Shaakala Qubeessuu

Shaakala qubeessuu keessatti barsiisaan jechoota garagaraa dubbisuun barattoonni akka barreessan taasisa. Kunis, jalqaba barnootarratti kan shaakalamuudha.

Tapha Jechootaa (word game)

Taphni jechootaa akka barattoonni ogummaa xiinxaluuf gadi fageessanii yaaduu gabbifatan taasisa'. Tooftaan kun, akka barattoonni bashannanaa salphaatti hiika jechoota baratan taasisa

Adeemsa Tapha Jechootaa

Taphni jechootaa adeemsa garagaraa keessa darba.

- Qabxiilee taphaaf qophaa'an barattoonni barruulee isaaniirratti ni- barreeffatu
- Eertota gaaffiwwan sana keessaa niqo'atu.
- Eertota sanarraa ka'anii deebii laachuun taphicha guutuu taasisu.
- Bakka barattoonni gargaarsa fedhanitti cinaa dhaabachuu qaba.

- Barattoonni akka yeroo biraas tapha jechoota garagaraatti fayyadaman qajeelchuun gaariidha.

Waliin Dubbii

Waliin dubbiin kan qophaa'u akka barattoonni ogummaa of ibsuu gabbifatan, oftti amanamummaa horatan, jechootaaf caasaalee afaanichaa shaakalan gargaara. Xiyyeffannoon isaa garuu ogummaa dubbachuuf dhaggeefachuu gabbisuurratti ta'a. Akkuma ija jabinaaf oftti amanamummaa horachaa deemaniin ogummaa do'ii qopheessuuf isa qophaa'e keessatti qooda fudhachuun bashannansiisuu horachaa deemu.

Faayidaa waliin dubbii ogummaa dubbachuu barsiisuu keessatti

- Barattoota waan giddugaleessa taasifatuuf barattoonni hojii isaaniirraa baratu.
- Ogummaa dhaggeefachuu barattotaa gabbisa.
- Barattoonni waan dhugaaf hiika qabeessa ta'e akka dalagan taasisa.
- Afaanicharratti akka barattoonni ga'umsa dubbii horatan gargaara.
- Ogummaa dubbisuuf barreessuu horachuuf jara qopheessa.
- Oftti amanamummaa gonfachiisa.
- Barumsicharratti akka barattoonni fedhii horatan taasisa.
- Hiika gaaleewwaniiif cirowwan guutummati akka argatan godha.
- Hiikni jechoota haaraaf wkf akka barataman karaa saaqa.

Waliin Dubbiin Barsiisuu

Barsiisaan Afaan Oromoo, hunda dursee waa'ee waliin dubbiirratti ibsa ifa ta'e kennuu qaba. Kun ammoo, seenduuba isaa, qooddattoota achi keessatti qooda fudhataniif wkf ilaalchisee ta'uu danda'a. Barsiisaan dursee waa'ee waliin dubbii sana waan hubachiisuuf, barattoonni waa'ee kanaa beekan, kun ammoo, hojicha keessatti qixaan akka hirmaatan karaa saaqa.

Adeemsa Waliin Dubbii

Gulantaa 1

- Waliin dubbicha haala flatamaa ta'een dhiyeessu.
- Fakkeenyaaf fakkii haala bittaaaf gurgurtaarratti qophaa'e barattootatti agarsiisuu.
- Qabxiilee ijoo fakkicharratti barattoonni waliin mariyachuu.
- Akka barattoonni waliin dubbii beekamaa tokko shaakalan taasisuu.

Gulantaa 2

- Waliin dubbicha akka barattoonni dhaga'anitti dubbisuu.
- Yeroo dubbisaa sagalee haalarratti hundaa'uun jijjiiruu.
- Gochaawwan qoddattootaa barattootatti himuu.
- Waliin dubbicha si'a lama irra deebi'uun dubbisuu.

Gulaantaa 3

Caaccalee afaanii waliin dubbicha keessaa qixaan barsiisuu.

Gulaantaa 4

- Barsiisaa faana bu'uun akka barattoonni waliin dubbicha sarara sararaan irra deebi'an taasisuu. Kanaafuu,
- Barattoota kee bakka lamatti qooduun qoddattoota taasisi.
- Osoo addaan hinkutin akka gareewwan kan dhuunfaa isaanii dubbisan sochii qaamaatiin ajaji.

Gulantaa 5

- Waliin dubbicha cimdiin shaakaluu.
- Waliin dubbicha akka barattoonni lama lamaan ija keessa wal-ilaalaa shaakalan qindeessuu.
- Akka isaan sagalee ol fuudhanii dubbatan hayyamuu.

Gulantaa 6

- Barattoonni waliin dubbatu.
- Uffatanii akka qophaa'an taasisuu(yoo danda'ame)
- Warrii qophaa'an akka jalqaban taasisuu.

Sirbuu

Barattoonni akka mukuu, dadhabbii, nuffif wkf irraa baraaramaniif, jaruma keessaa kan sirba danda'u tokko ka'ee akka walaloo sirba dhageessisu taasisuun ga'ee barsiisaati. Barattoonni akka walaloo sirbaa barreessaniif dubbisan taasisuunis ogummaa isaanii kana cimsa.

Walaloo

Walaloon mucaan cimaan tokko barreessuu dha'atas, dhikkisas qaba. Walaloonis amala muuziqaa waan qabuuf baay'ee barbaachisaadha. Walaloon kun daree barnootaa keessatti yeroo barbaachisaa ta'etti dubbifamuuf jechoonni haaraan achi keessaa ba'anis baratamuu qabu. Kana cinattis haalli walaloon waraqaarratti itti dhiyaate kan hololoorraa adda waan ta'eef, uunki isaa nibaratama.

Barattoonni akka walaloo barreessan jajjabeeffamuu qabu. Sagantaa barattoonni walaloo barreessuun itti walii dubbisan barsiisaan qopheessuu qaba. Kun ammoo dubbisuuf barreessuu irratti akka isaan fedhiif jaalala horatan taasisa. Walaloo qophaa'e tokko akka barattoonni dubbisan taasisuun dura, barsiisaan ofi isaatii dubbisuu qaba. Barattoota sadarkaa hundaaf walaloon sagalee muuziqaa fakkaatuun dhiyaate daran bashannansiisaa ta'a.

Adeemsa Walaloon Ittiin Dhiyaatu

Gulantaa 1

- Akka barattoonni walaloo beekamaa tokko dubbisan taasisi.
- Walaloo sana haalaan sagaleessuuf gochaanis agarsiisuu akka danda'an gochuu. Barattoonni walalicha keessa isaaniitti beekuun jijjiirraa jechaa irraa of qusachuu qabu.

Gulantaa 2

- Si'a tokko gaalee walaloo tokko barsiisi
- Ofi keetii dubbisuun ykn jechuun akka barattoonni sijalaa qaban taasisi.
- Barattoonni hundi akka irra deebi'anii jedhan kakaasi.

Gulantaa 3

- Gareewwan keessaa gareen tokko si'a tokko akka walalicha irra deebi'an qajeelchi.
- Barattoota 2 ykn 3 kaasuudhaan akka walalicha irra deebi'anii dubbisan taasisi.

Xiyyeeffannoo

Jechootaaf caasaa afaanichaatiin alatti ogummaaf duudhaan hawaasichaa kan barataman ni jiru. Fakkeenyaaf, barattoonni oftti amanamummaa, obsa, waldanda'uuf rakkoo ykn mudama jireenyaa jala dhaabachuu danda'u. Jaalala itti gaafatamummaa fudhachuu, kalaqaaf uumama dinqisiifachuu, wal-qunnamtii ga'aa gaggeessuuf wkf gonfachiisuu kan danda'an barachuu qabu. Ogummaawwaan kana akka barattoonni gonfataniif kitaaba barataa keessatti gilgaalonniif fakkiwwan gosa garagaraa, qajeelcha

kana keessattis haalli hojiirra oolmaa isaanii dhiyaatee jira. Kaayyoon kanaas, sonaaf duudhaa hawaasa keessatti ijoolummaa isaaniitiin akka guddatan taasisuudha.

Gulantaalee

- Barsiisaan qabxiilee qajeelcha barsiisaa keessatti dhiyaatan dubbisuun haala hawaasa keessaatiin wal simsiisee barsiisa.
- Marii haala qabatamaa naannoorratti taasifamurratti barattoota hirmaachisa.
- Barattoonnis hirmannaa barbachisaa ta'e taasisu.

Seenaa Himuu

- Seenaa himuun wantoota afaaniin dhalootaa dhalootatti daddarbaa har'a ga'an himuun ykn kan barreeffame dubbisuun akka barattoonni irratti hojjetan taasisuudha.
- Dalagaaleen dhimma kana jalatti ka'an akka barattoonni dabareedhaan seenaa himan, kaan ammoo, akka dhaggeeffatan taasisuuf ofis keessatti hirmaachuun barsiisaarraa eegama.

Bu'aa Seenaa Himuun Qabu

1. Akka barattoonni barnoota isaaniitti gammadaniif fedhii horatan taasisa.
2. Ogummaa afaaniin ibsuu, marii keessatti hirmaachuu, sirbuu, do'ii dhiyeessuu gonfachiisa.
3. Ogummaa dubbachuuf dhaggeeffachuu barattotaa gabbisuun barnoota daree irratti akka xiyyeeffatan taasisa.
4. Kalaqaa hirmaannaan barattootaa akka dabaluu taasisa.
5. Ga'umsa barattoonni gama yaaduutiin qaban akka dabaluu taasisa.
6. Akka barattoonni aadaa isaanii dinqisiifatan jajjabeessa.

Haxawwan Seenaan Ittiin Himamu

- Do'ii
- Dhiyeessa sirnaawaa
- Gaaffi afaanii dhiyeessuun barattoota seenaa himuu keessatti hirmaachisuu
- Haala irratti hundaa'uun barattoota gareetti qoodu
- Sirba seenaa dhiyaatuun qunnamtii qabu fayyadamu.

Dalagaalee Dhuma Seenichaarratti Dhiyaatan

- Do'ii qooddattootaa
- Irra deebi'anii seenicha himuu
- Bilisaan gaaffi afaanii deebisuu
- Marii
- Seenicha akkeessuu
- Fakkiitti jijjiiruu
- Barreessuu

Gahee Taphachuu

Dalagaa akkanaa keessatti barattoonni seenaa, tapha, haalaaf wkf tokko fudhachuudhaan himuu eegalu. Jechoota achi keessaa bahanitti haalaan madaqu. Adeemsi akkasii ammoo akka isaan ogummaa waa kalaquun afaanichatti dhimma ba'uun caala mudannoo ibsuu, dubbatanii amansiisuu, yaadolee walitti araarsuuf wkf gabbifatan taasisa. Barsiisaanis haala mijeessaa akka barattoonni isaa keessatti gahee taphatan, fkn haala gabaa, mana yaalaa daawwachuuf wkf mijeessa.

Falmii

Malli kun akka barattoonni mata duree isaanitti toluuf sadarkaa sadarkaa isaaniitiin wal-gitu flatanii irratti wal-falman carraa laata. Kunis gama lama qabachuudhaan gamni tokko mormee, gamni biraa ammoo deeggaruun keessatti hirmaatu.

Falmiin akka barattoonni dhimmoota adda addaa irratti yaada kaasuun ga'umsa afaanichaa fooyyeffataa deeman godha. Kanaafuu, barsiisaan mata duree salphaa ta'erraa akka eegalan taassuu qaba. Barattoonni darichaas garee lamatti qoodamuun akka dhimmicharratti falmii isaanii dhiyeessuu danda'an itti qophaa'u. Dhiyeessaaf falmii akkasii keessatti ogummaawwan afaanii hunda gabbifatu. Kana malees, wal-danda'uu, wal-kabajuuf walitti dhufeenyi gaariin akka argamu taasisa.

Yeroo Wacuun Mariyatan

Asitti, barsiisaan akka barattoonni dhimma daricha keessaa tokkorratti hiriyoota ykn akkuma wal bira jiranitti mariyatan taasisa. Dareen marii sanaas wacaa falmuuf deeggaruutiin guuta. Gar malee akka hin taane barsiisaan ni to'ata.

Yeroo Battallee

Yeroo kana ammoo barsiisaan gaaffiwwan gaggabaaboo qopheessuun deebii gabaabaa

akka kennan taasisa. Kun ammoo hibboo fa'iin qunnamtii mata dureewwan qaban hedduu of keessatti hammachuu kan danda'uudha. Yeroon battallee kanaaf kennamus gabaabduu ta'uu qaba.

Fakkiifi Faayidaa Isaa

Fakkiin odeeffannoo fudhachuuf ta'ee dabarsuuf ga'ee guddaa qaba. Akka barattoonni ogummaa fakkii kaasuus ta'ee dubbisuu horatan taasisuuf barsiisaan gilgaalota qopheessuun keessatti hirmaachisuu qaba.

Gilgaalonni qophaa'an kun ammoo, fakkii dhiyeessuun akka barattoonni barreeffamatti jijjiiran ykn barreeffama gara fakkiitti jijjiiramu tokko dhiyeessuun akka isaan yaada barreeffamicha fakkiitti jijjiiruu danda'an taasisuu qabu. Kun ammoo, ogummaa waan ilaalan tokko ibsuuf waan yaadaan jiru tokko gara waan mul'atuutti jijjiiruu akka guddifatan gargaara.

Piroojeektiiwwan Dhuunfaafi Gareen Hojjetaman

Akka barattoonni gareef dhuunfaadhaan piroojeektii garagaraa hojjetan taasisuun ogummaaf ga'umsa yoomessa kalheddee keessatti tajaajilus akka gabbifatan godha. Hojii barattoonni gareen ykn waliin hojjetan kennuun, akka barattoonni suuteyyii f ija laafeyyiin oftti amanamuummaa horataniif isa kophaa kophaatti hojjetanii fooyya'anii akka argaman taasiisa. Kana malees, waliin hojjechuun walitti dhufeenya isaaniiratti, wantoota qaacceessuurratti, gadi fageessanii yaaduurratti, qindeessuurratti ga'umsa akka horatan taasisa. Kana galmaan ga'uufs akka barattoonni falmii, mariif wkf keessatti qooda fudhachuun yaadaan morman, deeggaran, akkasumas, yaada wal-jijjiiran taasisuutu barsiisaarraa eegama.

Adeemsi itti dhiyaachuu qabu ammoo barattoota qabxii olaanaa qabaniif qabxiin isaanii gadaanaa ta'e, dhiiraaf dubara akkasumas magaalaa f baadiyyaa jiraatan waliin makuun odeeffannoo barbaachisaa ta'e kanneen akka fakkii haasawaa taasifame, waan barreeffameef wkf walitti qabachuun gareedhaan akka dhiyeessan taasifamuu qabu.

Teeknoolojii Qunnamtii Odeeffannootti (TQO) Gargaaramuun Barachuu

Barnoota mala ammayyaa bu'uura taasifateen barachuuf barsiisuun odeeffannoo saayinsiiif teekinoolojiirraa argametti gargaaramuun barbaachisaadha. Odeeffannoo kana argachuuf ammoo, raadiyoonii, televiijiiniif interneetiitti gargaaramuun dirqama ta'a. Barsiisonni afaanii odeeffannoo ykn yaada namoonni dirree qo'annoo garagaraa qaama mala baruu-barsiisuuf qabiyyee barnootaatiin qaban argachuuf itti fayyadamuuf

meeshalee sub-qunnamtitti fayyadamuu qabu.

Barnoota afaanii saffsiisuuf, meeshaalee sab-qunnamtiitti kanneen akka televijinii teephiidhaan waraabuun dhaggeeffachiisuuf daawwachiisuun ogummaa dhaggeeffachuuf ilaalani ibsuu akka danda'an taasisa. Kun barattoonni odeeffannoo meeshaalee wal-quunnamtii kanarraa argataniin waan barataniif haala itti baratan fooyyeffachuun isa duraan kitaaba barnootaa qofaan gaggeeffamurraa adda ta'uu danda'u.

Fedhii addaa daree baranoota afaanii keessatti miidhamni qaamaa, hubama sammuu miti. Barattoonni shaakala gilgaalota garagaraa f gargaarsa addaa barbaadan dagatamuu hinqaban. Barattootuma wajjiin ta'uun gargaarsa addaa yoo argatan haala gaarii dhaan barachuu kanneen danda'an xiyyeeffannoo bakka barbaachisutti gaaffiwwan akka barattoonni karaa garagaraa deebii itti laatan kakaasu gaafadhu.

Hanqina Xiyyeeffannoo

Barattoonni tokko tokko waan tokkootti xiyyeeffannoo kennuu dadhabu. Kanneen akkasiitiif ammoo,

- Gilgaalootaaf dalagaalee ifaaf salphaatti xiyyeeffannoo isaanii hawwachuu danda'an qopheessuu .
- Gilgaalotaaf dalagaalee haala garagaraa keessatti barbaachisan waliin makuun dhiyeessuu.
- Haala isaanii hubachuun gosa gargaarsa kennamuu jijjiiruu
- Gargaarsa barattoota akkasiitiif taasifamu keessatti hiriyoota isaanii warra miidhama qaamaa hinqabne hirmaachisuu.

Hanqina Yeroo Dheeraaf Yaadachuu Dhabuu

Barattoota yeroo gabaabaa qofaaf yaadachuu danda'aniif qabxiileen itti aanan barbaachisoodha.

- Gilgaalota irra deddeebii qaban hojjechiisuu; osoo qabiyyee barachuuf deeman sanatti hinseenin waa'ee isa duraan barataniif gaafadhu.
- Barreeffama ifaa, salphaaf gabaabaa ta'e kennuufin akka qajeelfamicha yaadatan taasisu.
- Akka isaan tasgabbaa'uun gaaffi dhiyaateef deebii kennan yeroo ga'aa kenniif.
- Akka isaan dafanii yaadatan hindoorsisin.

Miidhama Qaroo (visual impairment)

Qabxiileen kanaan gadii barattoota miidhama qaroo qaban gargaaruuf eeraman.

- Fuuldura teessisuu
- Barreeffama gurguddisuu
- Yoo gonkumatti hinargan ta'e akka bireeliitti gargaarman taasisi. Kanaaf ammoo haala itti fayyadama bireelichaarratti leenjiin addaa kennamuuf qaba. Kanaafs nama ogummaa kanaan leenji'e qopheessuun haaldureedha.

Miidhama Dhageettii

- Kallattiidhaan barattootuma sanatti dubbachuu
- Fuuldura teessisuu
- Itti agarsiisuun akka dubbatan jajjabeessuu (gabatee, fakkii wkf)
- Irradeeddeebi'uun jechoota ergicha baatan xiyyeeffachuu.

Yoo barattoonni miidhama cimaa qaban jiraatan ammoo, daree baranoonni addaa ykn gargaarsi addaa itti taasifamaniif baruun barbachisaadha.

Miidhama Qaamaa

Barattoonni miidhama qaamaa ykn miilli citaa ta'an daree keessatti fuuldura akka taa'an gochuun gaariidha. Barsiisaan bulchiinsa mana barumsaatiin waliigaluun karaa isaan irra deeman ykn kursiin ittiin deeman akka tolfamu gochuuf barattoota hanqina akkanaa qaban, manni barumsaa akka baru taasisuu qaba.

Barattoota Daran Cimoo Ta'an.

Inni kun mudaa miti. Haata'u malee gargaarsa addaa barbaada. Barattoonni dafanii waan baratan hubatan haala warri suuta hubatan itti barataniin barachuun danqaa ykn nuffsiisaa itti ta'uu mala. Warra akkasiitiif barsiisaan gilgaala dabalataa kennuu qaba. Kana malees, barattoota warra kaan akka gorsan, karaa qabsiisan barsisaan jaratti fayyadamuu qaba. Dura bu'aa ykn qindeessaa garee taasisuunis barnoota isaanii saffsiisa. Kun ammoo, daran dammaqaa taasisuun dalagaa baruu barsiisuuf haala mijeessa.

Korniyaafi Barnoota Afaanii

Daree barnoota afaanii keessatti yeroo mara ta'uu baatullee, barsiisaa afaaniitiif ka'umsa tokko. Barattoonni dubaraa yeroo tokko tokko warra dhiiraa dursanii, yeroo kaan ammoo jara biraa baay'ee duubatti hafanii argamu. Kun dhiiraaf dubara gidduutti adda addummaa uuma.

Barattoonni dubaraa baay'inaan dubbachuu keessatti qooda fudhachuurratti yoo of-qusatan warri dhiiraa garuu baay'ee dubbachuuf gochaan agarsiisuu keessatti qooda fudhatu. Haata'u malee, lamaan isaaniyyuu wal-qixa haala hunda keessatti hirmaachisuun ga'ee barsiisaati. Itti dabalees, dalagaalee ciccimoo kanneen akka wacanii dubbachuu tapha jechootaaf wkf keessatti qooda fudhachiisuun bu'aa qaba. Hojii garee keessattis dhiiraaf dubaraa waliin makuun lamaanuu akka wal-qixa qooda fudhatan taasisuun wal-qixxummaa isaanii mirkaneessaa deemuu ta'a.

Sissi'eessa Barataafi Barsiisaa

Sissi'eessi baranoota afaanii keessatti iddoo guddaa qaba. Barsiisaas ta'ee barataan sissi'aa'uu qabu. Bakka barachuufs ta'ee barsiisuuf sissi'aayinni hinjirretti galma ga'uu kaayyoo barnoota afaanii eeguun rakkisaadha. Kanaaf ammoo barsiisaas ta'ee barataan wal-dammaqsuus ta'ee of dammaqsuun dirqama isaaniiti. Kanaafs tooftaa garagaraatu jiru. Isaanis, kan kanaan gadiiti ta'u.

Jajuu

Barattoonni yeroo deebii deebisan ykn hojii bu'a qabeessa hojjetan jechaan jajjabeessuun bu'aa guddaa qaba. Barattoota jajjuun akka fedhiin isaan barnootarratti qabaniif jajjabina argachiisa.

Qabxiifi Yaada Jajjabeessu Kennuu

Barsiisaan qabxii barattoonni argatan qixaan kaa'uuf yaada jara jajjabeessu biratti barreessuufi qaba. Barsiisonni tokko tokko qabxii barattoota irratti hundaa'uun yaada abdi jara kutachiisu kennu. Yeroo yaaddeebiin laatamu 'gaarii, baay'ee gaarii, ga'aa, akkasumaan itti fuf' jechuun fayyadamuun milkaa'inaaf bu'uura. Karaa biraatiin, 'dadhabaa, gadhee, gadaanaa, homaa gochuu hindada'amuuf wkf' fayyadamuun gaarii miti. Qabanni isaa barattoota mogolee buusuun abdi waan kutachiisuuf. Waan hundaafuu akka garaa wanta gaarii ta'e tokkootti deemsisuun jajjabeeffamuu qabu.

Sissi'eessa Barsiisaa

Barsiisaanis kaayyoo barnootaa galmaan ga'uuf gammaduu qaba. Gammachuun kanaaf ammoo dhimmoonni kanaan gadii barbaachisoodha.

- Barsiisaan/barsiistuun ogummaa isaatiif/ishiitiif kaayyoo f mul'ata ifa ta'e tokko qabaachuu qaba/qabdi.
- Walitti dhufeenyi inni ykn ishiin barsiisota biroo wajjin qaban gaarii ta'uu qaba/qabdi.

- Bu'aa ba'ii jirenyaa jala dhaabbachuuf akkamitti akka keessumsiiisan irratti ga'umsa qabachuu.
- Barsiisaan/barsiistuun yeruma mara milkaa'ina jiru jajjabeessuu, itti gammaduu qaba/qabdi.

Madaallii barnoota afaanii keessatti adeemsa baruu-barsiisuu, barataaf barsiisaa madaaluun bu'aa guddaa qaba. Kunis, bakka fooyya'iinsiif hiri'inni jiru addaan baasuun jajjabeessuuf fala barbaaduuf haala mijeessa. Kun ammoo, qulqullinni akka jiru addaan baafachuurratti fayyada.

Madaallii Barataa

Barsiisaan adeemsaaf dhuma barnoota wayitii tokkootti barattoota isaa madaaluuf gilgaalota garagaraa shaakalsiisuu qaba. Dhuma semisteraa irrattis ta'ee waggatti barattoota madaaluun dirqama barsiisaati. Kanneen armaan gadii tooftaalee barsiisaan barattoota isaa ittiin madaalu.

Haala Barattoonni Irra Jiran Sakatta'uu

Barattoonni maalirra akka jiran addaan baafachuuf hojiiwwan isaanii daawwachuufi sakatta'uun barbaachisaadha. Kun ammoo, karaa alidilee ta'een hirmaannaa isaanii bu'uureffachuun ta'uu mala. Gilgaalonni gahumsa isaanii kana sakatta'uuf gargaaran kitaaba barataa keessatti haalaan dhiyaateera. Barsiisaanis gilgaalota kanatti dhimma ba'uun waan barattoonni isaa irra ga'an madaaluu qaba. Deebii tokkoon gilgaalota kanaa qajeelcha barataa keessatti dhiyaatee jira.

Barsiisaan Madaaluu

Barsiisaan gilgaalota qabiyyee barnootaa jalatti dhiyaatan hunda booda tooftaa mataa isaatti gargaaramee barattoota isaa madaaluu qaba. Kun ammoo, bakka hiri'inni jirutti fala barbaaduuf bakka fooyya'inni jirutti jajjabeessuuf gargaara.

Boqonnaa 1: Afaan Akkamitti Jalqabame? (Wayitii 10)

Dheerina wayitii tokkoo daqiqaa 40

Seensa Boqonnichaa

Boqonnaa kana keessatti barattoonni yaadxiina namoonni waa'ee afaanirratti kaasan muuxannoo duraan qaban wajjin waliitti fdanii bakka hubannoo isaanii itti gabbifataniidha. Adeemsa kana keessa ogummaawwan afaanis nigabbifatu. Akkasumas, caasluga afaanichaani hubatu. Fakkeenyaaf, faayidaa ammeennaaf amsiiqaa, akkaataa jechoonni itti birsagaahan, faayidaa sirni tuqaalee barreeffama keessatti qabuuf barreeffamoota jalqabamanii hafan xumuruun hubannoo isaanii nicimsatu.

1. Kaayyoo: Barnoota Boqonnaa Kanaatiin Booda:

- faayidaa afaanii muuxannoo hanga ammaa qaban wajjin walitti fduun hubannoo cimsatu.
- afaan ulaagaalee sabni tokko saba biraarraa adda baasuuf dandeenyu keessaa isa guddaa ta'uu hubatu.
- faayidaa (tajaajila) afaan hawaasa keessatti qabu hubatu
- yaadota afaan akkamiatti jalqabame ibsuu yaalaan keessaa isaan gurguddaa ta'an lamaan adda baafatu.
- afaan guddina namaa kan hojiirratti hundaa'ee wajjin walqabatee akka dhufe hubatu.
- haala jechoonni ittii birsagahaan hubatu.

Fkn. Jechi tokko kan uumamuu sagaleeleen walitti dhufanii yemmuu ta'u, sagaleeleen kun ammoo birsaga uumu. Jechi tokko birsaga heddu qabaachuu danda'a.

Fkn. Waaqa _____ birsaga lama qaba

Laga _____ birsaga lama qaba

Birsaga _____ birsaga sadi qaba.

Faayidaa sirni tuqaalee yaada xumuraa qaban hubatu.

Fkn. Sirna tuqaalee sadeen gurguddaa dhumatti yaada galan nihubatu.

(tuqaa (.), (mallattoo gaaffi (?), (mallattoo raajeffannoo (!)

- Sirni tuqaalee yaada xumuraaf oolan eenyufaa akka ta'e nihimu.
- Barreeffama keessatti mallattooleen sirna tuqaalee osoo jiraachuu baatee maaltu akka uumamu niqalbeeffatu.

Jechoota kophaatti bahanii kennaman kan hiikan walfakkaatan dubbisicha keessaa barbaadani niargatu.

Yaada (seenaa) jalqabamee hafe tokko haala fudhatamuu qabuun nixumuru Gosoota hennaa keessaa lama hubatu.

2. Qabiyyee

- Dhaggeeffachuuf Dubbachuu
- Barreeffama “Maatii Afaanota Afroo-eeshiyaa” jedhu
- Hiika jechoota
- Barreessuuf dubbachuu
- Dubbisuuf Dubbachuu
- Dubbisa “Afaan Akkamiitti Jalqabe?” jedhu
- Shaakala yeroo dubbisuu
- Qayyabannoo
- Hiika jechootaa akka galumsaatti
- Caasluga
- Jechoota birsageessuu.
- Sirna tuqaalee
- Hennaa ammeennaaf amsiiqaa hubattu.
- Barreessuu.
- Yaada jalqabamee tokko xumuruu.

3. Mala Baruu-barsiisuu

Barannoo 1: Dhaggeeffachuufi Dubbachuu

Gilgaala 1: Shaakala Dhaggeeffachuun Duraa

Kaayyoon shaakala dhaggeeffachuun duraa (gilgaala 1A) kanaa wanta barattoonni barachuuf yaalan tokko wanta isaan hanga guyyaa sanaatti beekan wajjin walqabsiisuuf. Kanaafuu, kanatu sirriidha yookiin kanatu sirrii miti osoo hin jedhiin barattoonni wanta isaaniitti fakkaatu gaaffiwwan shaakala dhaggeeffachuu duraa kana jalatti ka'an irraitti yaada isaanii soda malee akka ibsan jajjabeessuuf gargaaruuf yaali. Akkasumas hiika jechoota osoo gara dhaggeeffachuu ce'in hubannoo gufachiisan jedhaman kana hiika isaanii tilmaamsisi.

- (1) qu'annoo adeemsisu
- (2) hawaasa
- (3) milkaa'ina dhabuu

Kana booda qajeelfama ifa ta'e afaaniif barreeffamaan barattoota kennuuf n barbaachisaadha.

Gilgaala 2: Shaakala Yeroo Dhaggeeffachuu

Shaakala kana jalatti barattoonni gaaffiwwan gilgaala 2A jala jiru akka dabtara isaanirratti garagalwatan itti himi. Mata duree akka dhaggeeffataniif qophaayee gabateerratti barreessi. Sana booda barreeffama ati dubbisituuf irratti hundaa'anii iddoo duwwaa isaaniif laatame akka guutan godhi.

Barreeffamicha si'a 2 ykn 3 irra deebi'i dubbisiif. Kana booda deebii isaanii hiriyoota isaanii wajjin walitti agarsiisuun akka isaan of madaalan erga gootee booda dareef yaa dhiyeessan. Kana booda deebii isaa gabateerratti barreessiif.

Maatii Afaanota Afroo Eeshiyaa

Afaanonni Afroo Eeshiyaa biyyoota Kaaba Afrikaatiif jiddugaleessa Baha Afrikaatti afaanota baay'inaan dubbatamaniidha. Afaanonni kun 250 yemmuu ta'an dubattoota miliyoona torbaatamaa ol ta'an qaba.

Afaanonni Afroo Eeshiyaa bakka shan gurguddaatti qoodamuu danda'u. Isaanis: Afaan warra Misraa/Gibtsii/, Afaan warra Kuush, Afaan Barbaar, Afaan Chaadiif Afaan Seematikiti.

Afaan warra Misraa durii dhaloota kiristoos dura waggoota kuma sadiif dubbatamaa ture; yeroo ammaa garuu, mana amantaa keessatti itti fayyadamaa jiru. Afaan warra Kuush ammoo, biyyoota akka Suudaan, Itoophiyaa, Suumaaleef Keenyaatti kan bal'inaan dubbatamuudha. Afaanonni kunis, Afaan Orommoof Afaan Sumaaleeti. Afaan Barbar ammoo, bal'inaan Aljeeriyaa, Morokkoof Nijeeritti dubbatama. Afaanonni kunis Tureegi, Tamazaayit, Zeenagaaf Kabalaayi kanneen jedhamaniidha. Inni biroo ammoo, Afaan Chaadik yoo ta'u kunis, kan dubbatamu, Naayijeeriyaaif Chaad keessattiidha. Afaan kunis Afaan Hawusaati. Maatiin biroo ammoo, Afaanota Seematiiki. Isaanis, Afaan Hibruu, Afaan Baabiloonota afaan Moo'abitee, Afaan Amaaraaf Arabaati. Afaanonni kun kan beekaman hundeen jecha isaanii dubbifamaa ta'uudhaani.

Afaanonni har'a addunyaa kanarra jiran kun kan dhalate dhalatee, kan du'e du'ee sadarkaa har'a gahe kana irraa gahee jira. Hawaasni afaan isaatiin dubbachuu, barreessuu, dubbisuu, qorachuu, walumaagalatti ittiin hojjechuu yoo hindandeenye guddinni hawaasichaa siyaasan, aadaan dinagdeen, barnootan hawaasummaan gufateera jechuudha.

Gilgaala 2B

1. soba. Bakka gurguddaa shaniitti qoodama
2. soba. Maatii seem keessatti ramadama
3. soba. Aljeeriyaa, Morokkoof Nijeeritti dubbatama
4. soba. Misraatti dubbatama
5. dhugaa

Gilgaala 3: Shaakala Dhaggeeffachuun Boodaa

Gulantaan kun barattoonni shaakala dhaggeeffachuun duraaf yeroo dhaggeeffachuu wanta qayyabataniin muuxannoo isaanii akka gabbifachuu danda’an bakka itti taasistuudha. Kanaaf, gilgaala qayyabannaaf dhiyaate akkuma ajaja isaattii hojjechiisi.

Barannoo 2: Dubbisuufi Dubbachuu

Gilgaala 4: Shaakala Dubbisuun Duraa

Kaayyoo shaakala dubbisa duraa kanaa(gilgaala 4) wanta barattoonni barachuuf yaalan tokko wanta isaan amma guyyaa sanaatti beekan wajjin walqabsiisuuf. Kanaafuu, kanatu sirriidha yookiin kanatu sirrii miti osoo hin jedhiin barattoonni wanta isaaniitti fakkaatu gaaffiwwan shaakala dubbisa duraa jalatti ka’aniirratti yaada isaanii sodaa malee akka ibsan jajjabeessuuf gargaaruun sirraa eegama. Jechoonni yeroo dubbisaa hubannoo isaanii hir’isuu danda’an hiika isaanii akka tilmaaman gochuun hiika isaanii barreessuuf barbaachisaadha.

Deebii Gilgaala 4B

Fkn. Falaasama – tilmaama xiinsammuu wajjin walqabate.

Saba- lammii /ummata /

Gadda – naasuu

Gilgaala 5: Shaakala Yeroo Dubbisuu

A jalatti gaaffleen hojjetaman osoo gara dubbisuutti hinseenin dura qajeelfama kennuufn barbaachisaadha. Kunis, dubbisa dhiyaateef osoo dubbisuu hineegaliin gaaffiwwan yeroo dubbisaa akka dubbisanii qalbiitti qabatan itti himi. Kana booda saffsaaf cal’isaan daqiiqaa 7-8 yeroo ta’u keessatti akka xumuraniif, yeroo qabuufn barbaachisaadha.

1. Afaan ilmaan namaa akkamitti akka eegale ibsuudha.
2. Keeyyata 3^{ffaa}
3. Keeyyata 2^{ffaa}
4. Yaanni ka’uu danda’u.
 - Afaan kennaa Rabbiiti
5. Yaanni lama jiraachuu isaa:

- Rabbitu afaan uumee fedhii isaa tanaan carraaqii dhalli nama Waaqaan qixxachuuf godheetti afaan isaanii gargar baase.
 - Warri yaada saayinsii hordofumoo namoonni bakka adda addaatti faca’anii jiraatan looga adda addaa uumuudhaan yeroo dheeraa keessa afaan adda addaa dubbachuu jalqaban jedhu.
- B. Gaaffiwwan dhiyaatan ergaa dhugaa ykn soba jedhanii deebisanii booda sababa dhugaa ykn soba jedhaniif akka ibsan taasisi.**
1. Soba
 - Yaanni ka’uu danda’u:
 - Gaaffi afaan akkamaitti jalqabame jedhuuf kan warra yaada kana qofa qabantu sirriidha jechuun hindanda’amu. Sababni isaas, yaadonni ka’an hundi isaatu akka yaadatti deeggartoota mataa ofi qabu waan ta’eef kana qofatu sirriidha kan jedhamu hinjiru . Yaadonni hunduu ciminaaf dadhabni mata isaa qaba waan ta’eef.
 2. Soba.
 - Yaanni ka’uu danda’u:
 - Daa’imni saba kamiirraayyuu dhalatte haaluma tokkoon nyaachuu deemuus barti. Gochi godhamu walfakkaata. Afaan garuu akkas mitii. Afaan waalfakkaatu hindubbatan daa’imman iddoo adda addaati. Saba adda addaarraa dhalatan afaan tokko hin dubbatan.
 3. Dhugaa.

Yaanni ka’uu danda’u:

 - Aadaan baattuu afaaniiti.
 - Afaaniin aadaa ofi ibsatan
 - Yoo afaan guddate aadaan guddata
 4. Soba

Yaanni ka’uu danda’u:

 - Yaada tokko qofatu sirriidha jechuun hin danda’amu
 - Yaanni kamiyyuu deeggartoota isaa biratti sirriidha.

5. Soba

Yaanni ka'uu danda'u:

- Yaanni kun akka garee warra Rabbiitu addaan baase jedhuutti sirriidha. Garuu gareen biroo kan yaada kana hin deeggarre waan jiruuf sirriidha jechuun rakkisaadha.

Deebii Shaakala C.

1. Kana ykn sanatu sirriidha jechuu osoo hinta'iin, barattooni deebii isaanii sababa amansiisaa ta'een deeggaruun akka ibsan jajjabeessi.
2. Sabni tokko aadaa isaa kan ibsatu afaan isaatiini. Aadaan ammoo eenyummaa saba tokkoo ibsa. Akkasumas, sabni tokko afaan dubbatuun saba biraarraa adda bahee beekama.
3. Afaan meeshaa wal-qunnamtii uummataa waan ta'eef, seenaa keessatti sochii jireenyaaf taasisaa ture keessatti afaan dirqama barbaachisa waan ta'eef.
4. Namoonni kaan akka beektota afaaniitti itti dhimmamanii waa'ee barbaachisummaa afaanii hinyaadan. sababni isaas, afaan hagana maraa faayidaa qabeessa jedhanii wanta hinyaadneef.

Deebii Gilgaala 6: Shaakala Hiika Jechootaa

Jechoonni haala adda addaa keessatti hiika adda addaa qabaachuu danda'u.

Kanaaf akkaatuma gaafatamaniin akka deebisan godhi.

Deebii gilgaala 6:

1. A. Callaa
2. B. qaabachuu
3. D. Faayidaa
4. A. Dallanuu
5. B. Walgituu

Gilgaala 7: Shaakala Dubbisuun Boodaa

Deebii gilgaala 7

- A. Dubbisa dhiyaateef erga dubbisan booda muuxannoo duran qaban bakka itti guddifatan qofa osoo hinta'in iddoo itti yaada ofi calaqqisiisan, yaada biroos kaasuun bakka namoota itti amansiisuuf carraaqaniidha. Kanaaf, akkaatuma

ajaja kennameef irratti hundaa'uun gaaffiwwan dhiyaatan akka deebisan godhi.

- B.** Gaaffiwwan kanneen erga afaaniin daree keessatti irratti mari'atanii booda, yaada ofi barattoonni itti dabaluu keeyyata tokko tokko akka irratti barreessanii dareef dhiyeessan taasisi.

Dubbisa “Afaan akkamitti jalqabame?” jedhu erga dubbisiistee booda. Yaada dubbisichaa gabaabsanii keeyyata lamaan barreessanii dareef akka dhiyeessan godhi.

Barannoo 3: Caasluga

Gilgaala 8: Shaakala Birsagaa

As jalatti dhimmoota seera caaslugaa qabiyyee adda addaa jalatti kaafta. Isaanis, faayidaa birsagaaf haala itti uumamu, haala itti fayyadamiinsa sirna tuqaalee barreeffama keessattif gosoota henna keessaa lamaan tokko (faayidaa ammeennaaf amsiqaa) adda baasuun akka qayyabatan gochuudha.

Gilgaala 8

- A.** Gilgaala kana jalatti barattoonni yaada isaanii muuxannoo qaban irratti hundaa'uun akka ibsan godhi.

Yaadannoo

Birsaga Afaan Oromoo

Afaanonni Caasaa birsagaa eeyyamaniin, xiimsagaatiin (Phonologically) gargar bahu. Afaan Ingilizii (Fkn. Screen), Jarmanii Fkn. Angst) qindoomina /irra buta (clusters) lamaa ol jalqabaaf dhumarratti birsaga eeyyamani ala, afaanonni hundumtuu caasaa birsaga qabu.

Birsagni gurmuu jechi kamiyyuu ittiin addaan qoodamu irra caalaa duraan yookiin boodaan kan dubbifamaaf dubbachiiftuu tokko qabatu jedhama. Birsagni Afaan Oromoo dubbifamaa ykn dubbachisaan kan jalqabuudha. Jechoonni hundeen Afaan Oromoo dubbachisaa dheeraa qaban

kamiyyuu caasaa kanneenin ala hin ta'an.

Fkn.

- | | | |
|-----|---|---------------|
| (a) | Sun (d _m d _s d _m) | birsaga tokko |
| (b) | Deemmaa(d _m d _s d _m ,d _m d _s) | birsaga lama |
| (c) | Qullubbii (d _m d _s d _m , d _m d _s d _m ,d _m d _s) | birsaga sadi |
| (d) | Obboleettii (d _s d _m , d _m d _s , d _m d _s d _m , d _m d _s) | birsaga afur. |

- B.**
- | | | |
|-----|-------------|---------------|
| (a) | Kam | birsaga tokko |
| (b) | Tokko | birsaga lama |
| (c) | Lama | birsaga lama |
| (d) | Shan | birsaga tokko |
| (e) | Aadaa | birsaga lama |
| (f) | Qullubbii | birsaga sadi |
| (g) | Obboleettii | birsaga sadi |
| (h) | Maqaa | birsaga lama |
| (i) | Odaa | bisaga lama |
| (j) | Gadaa | birsaga lama |
| (k) | Ejersa | birsaga sadi |
| (l) | Finfnnee | birsaga sadi |

Gilgaala 9: Shaakala Sirna Tuqaalee

Sirni tuqaalee barreeffama tokko barreeffama guutuu taasisuu ykn himni tokko hima guutuu taasisuuf faayidaa hanga kana hinjedhamne qabu. Boqonnaa kana keessatti sirna tuqaalee yaada xumuraa qaban irratti xiyyeeffannaa kennuun faayidaa isaanii calaqqisiisi.

Deebii Gilgaala 9

A: Gilgaalli kun muuxannoo barattootaa gara mata dureetti fduuf waan ta'eef barattoonni sodaa tokko malee muuxannoo isaanii akka ibsan jajjabeessi yookiin gargaari.

B: Himoota armaan gadii barattoonni yaada isaa guutuu taasisuuf sirna tuqaa

iddoo barbaacissuutti galchuu isaanii mirkaneeffadhu.

1. Qalbeessaan kaleessa Finfnnee gale.
2. Haati Eebbaa, Eebbaan barumsa isaatiin tokkooffaa baanaan, ishoo! yaa korma koo jetteen.
3. Qormaanni Heeregaa kan kaleessa qoramne sun niulfaata.
4. "Ee banne !" jedhe Guddataan leenca argee.
5. Gadaan Oromoo waggaa saddeetin marsa.
6. Har'a moo boru gara Arsii deemta?

Yaadannoo Sirna Tuqaalee Yaada Xumuruuf Oolan.

A. Tuqaa (.)

Mallattoon tuqaa yaada tokko ykn hima tokko barreeffama keessatti guutuu taasisuuf mallattoo dhimma itti baanuudha. Akkasummas, mata duree guddaa mata duree xiqqaarraa adda baasuuf, lakkoofsa gargar qoonnee dhimma adda addaa itti bahuuf nufayyada.

Fkn. Hima golabuuf:

- Tolaan dhufe.
- Biiftuun kaleessa gale.

Mata duree guddaa isa xiqqaarraa adda baasuuf :

Fkn.

1. Sirna tuqaalee yaada xumuraaf oolan

1.1. Mallattoo tuqaa / /

1.2. Mallattoo gaaffi (?)

1.3. Mallattoo raajeffannoo (!)

- Lakkoofsa armaan olii kana haala kanaan adda qooduuf nufayyada.

B. Mallattoo Gaaffi (?)

Barreeffama keessatti dhimmoota gaaffi ta'aniif nufayyada. Akkasumas, himoota gaaffi ta'an dhumarratti galuun yaada ittiin goolabna.

Fkn

- Har'a moo boru dhufata?
- Qormaanni kaleessaa sun niulfaata mitii ?

C. Mallattoo Raajeffannoo (!)

Dhimmoota raajii ta'an, yeroo gammanne, gaddinee, ajaa'ibsifanne ittiin mul'isuuf mallattoo dhimma itti baanuudha.

Fkn. Yaa Waaq! Situ beeka.

Ishoo! Yaa korma koo.

Gilgaala 10: Shaakala Henna

Deebii Gilgaala 10

- A.** Gaaffleen gilgaala kana jala jiran muuxannoo barattoonni mataduree kanarratti qaban kanneen gaafataniidha. Gaafflee kana barattoonni sodaa tokko malee akka yaada isaanii ibsataniif dhimma itti bahi, malee deebii sirriin isa kana kun sirrii miti gara jedhutti hindeemin. Dhumarra itti deebi'anii akka mirkaneeffatan godhi.
- B.** Gochoota Henna ammeenna agarsiisan
- (a) Tulluun nisirba.
 - (b) Ibiddi niguba.
 - (c) Abbaan koo baadiyyaa jiraata.
 - (d) Feeneet ganamaan gara mana barumsaa deemti.
- C.** Gochoota Henna amsiiqa agarsiisan
- (e) Ani barachaan jira.
 - (f) Tolaan qotaa jira.
 - (g) Magartuun sirbaa jirti.
 - (h) Laaqana kiyya nyaachaan jira.

Yaadannoo Waa'ee Ammeennaafi Amsiiqaa Henna

Gochi tokko yeroodhaan raawwatama. Gochi kan kanaan dura raawwatame yookiin gara fuulduraa kan raawwatamu ta'uu danda'a.

Gochi kan dabre kanaan dura kan raawwatame hoggaa ta'u, dabrennaa, amma kan raawwatamaa jiru hoggaa ta'u ammeenna gara fuulduraa kan raawwatamu hoggaa ta'ummoo duranaa jedhama.

Ammeenna

Ammeennaan gocha amma raawwatamaa jiru yookiin yeroo maraa dhugaa ta'e (universal truth) yookiin yeroo maraa raawwatamu, yookiin gara fuulduraa raawwatamuuf jedhu mul'isa.

- Fkn. (a) Tulluun ni sirba
(b) Ibdiddi niguba
(c) Abbaan kiyyaa baadiyyaa jiraata
(d) Biiftuun ganamaan gara mana barumsaa deemti.

Himoota a, c f d keessatti wixina gochimaarratti latii (-a) fufuudhaan gocha amma raawwatamaa jiru yookiin gara fuulduraaf raawwatamuu jedhu mul'isa. Himni b. waan yeroo maraa dhugaa ta'e agarsiisa.

Amsiiqaa

Amsiqaan gocha hinraawwatamne yookiin yeroo gabaabaaf ta'e yeroo dheeraadhaaf raawwatamaa jiru mul'isa.

- Fkn. (a) Dhiyana kiyya nyaachaan jira.
(b) Ani barachaan jira.
(c) Magartuun sirbaa jirti.

Himoota a, b, c, f d keessatti latiin / -aa/ wixine gochima muummeerratti fufamee akkasumattis himoota a, b, c, keessatti latiin / -a/ wixina tumsiirratti fufame amsiqaa mul'isa.

4. Waa'ee madda afaanii qu'achuuun hojii Waaqaa keessa galuudha.
5. Afaan addunyaa kanarratti wanti adda adda ta'eef, waan namni walirraa fagaatanii jiraniif.

B. Jechoota armaan gadii birsageessuun agrsiisi.

- | | |
|--------------|------------------|
| 1. aanaa | 2. faallaa |
| 3. hinkoo | 4. adeemsagochoa |
| 5. aammeenna | 6. fuullee |
| 7. madda | 8. magaalaa |
| 9. Adaamaa | 10. bareeda |

C. Himoota henna ammeennaaf amsiiqaa agarsiisan shan shan barreessi.

Ammeenna:

- | | |
|----------|----------|
| 1. _____ | 2. _____ |
| 3. _____ | 4. _____ |
| 5. _____ | |

Amsiiqaa

- | | |
|----------|----------|
| 1. _____ | 2. _____ |
| 3. _____ | 4. _____ |
| 5. _____ | |

5. Madaallii

Seensa

Madaalliin gosa barnoota kam keessattuu barbaachisaadha. Keessaayyuu barnoota afaaniif, daran murteessaadha. kunis, barnoonni afaanii madaallii guyyaa guyyaan goonu baay'ee barbaada. Kanaaf madaalli itti fufnsa qabu gochuun kaayyoo kee galmaan gahuuf baay'ee si fayyada. Boqonnaa kana keessatti ogummaawwan afaanii hedduutu madaalama. Fkn. Haala jechoonni bakka galusaatti qabaatan, akkaataa jechoonni itti birsageessaman, faayidaa sirni tuqaalee barreeffama keessatti qaban, yaada jalqabamee hafe xumuruuf

faayidaa hennaa ammeennaaf amsiiqaa ogommaawwan gurguddaa afaanii yeroo galmaan gahuuf deemnu adeemsa keessa isan kanas madaaluun baay’ee bu’a qabeessa nutaasisa

5.1 Dhaggeeffachuuf Dubbachuu

Ogummaan kun shaakala dhaggeeffachuu duraa keessatti kan madaalamuudha. Iddoo kanatti barattooni gareen ta’uun muuxannoo isaanii karaa ittiin gara dhaggeeffanatti fnuudha.

5.2 Barreeffama “Maatii Afaanota Afroo Eeshiyaa” jedhu yeroo dubbistuuf barattooni gilgaala kennameef hojjechuu isaanii mirkaneeffadhu.

Barreeffamicha si’a lamaa–sadi irra deebi’ii dubbisiif yeroo kana barattooni hojii kennameef hojjechuu isaanii to’achuuf akka deebii isaanii dareef dhiyeessan taasisuun mirkaneeffadhu.

5.3 Jechoota akkaataa galumsa isaaniitti itti fayyadamu isaanii mirkaneeffadhu.

5.4 Ogummaa barreessuuf dubbachuu.

Barreeffamicha erga dhaggeeffatan booda gilgaalota hubannoo wanta dhaggeeffataniif muuxannoo qabaniin walitti fduun akka barreessaniif dubbatan gochuun ykn akka mari’atan godhuun barbaachisaadha.

5.5 Ogummaa Dubbisuuf Dubbachuu

Akkuma yemmuu dhaggeeffachuu, shaakala dubbisuun duraa keessattis barattooni soda tokko malee yaada isaanii akka afaaniin ibsatan jajjabeessi.

5.6 Dubbisa “Afaan akkamiitti jalqabame?” jedhu

5.6.1 Dubbisicha yeroo ati kennituuf keessatti cal’isaaniif dhuunfaan dubbisuu isaanii too’adhu.

5.6.2 Dubbisicha dubbisaatii gaaffiwwan kennameef hojjechaa deemu isaanii mirkaneeffadhu.

5.6.3 Dubbisicha erga dubbisanii booda gaaffiwwan ati dubbisichaa muuxannoo isaanii walqabsiiste gaafattu akka barreeffamaaf dubbachuudhaan dareef dhiyeessan taasisi.

5.7 Jechoota

- Jechoonni dubbisa keessaa bahan akkaataa galumsa isaaniitin galchuu isaanii miarkaneeffadhu.

5.8. Caasluga

5.8.1 Jechoota birsageessuu

- Birsagni Afaan Oromoo keessatti maal akka fakkaatu hubachuuf gilgaala 8 Af B qophaayee kennuufin akka deebii isaan dareef dhiyeessan taasisuu mirkaneeffadhu.

5.8.2 Sirna tuqaalee yaada xumuraa qaban

- Mallattoolee yaada xumuuruuf oolan kana barreeffama keessatti dhimma itti bahu isaanii mirkaneeffadhu.

5.8.3 Gosoota henna keessaa faayidaa ammeennaaf amsiiqaa gilgaala 10Af B jalatti gaaffiwwan qayyabannoo dhiyaatan kennuufn akka adda baafatan taasisi.

5.9 Ogummaa Barreessuu

- Seenaa (yaada) jalqabame hafe adda addaa gilgaala 11AfB jalatti laaataman hojjechisuun barattoonni karaa sirrii ta'een xumuruu danda'uu isaanii hubadhu. Barattoonni wanta kana hinqayyabanne yoo ta'e gilgaala biroo qopheessuun irra deebi'anii deebii isaan kennan to'achuun gaariidha.
- Mata dureewwan adda addaa kennuufn akka keeyyata adda addaa ijaaruun dandeettii barreessuun ergaa isaanii dabarfachuu danda'uu isaanii hubadhu.

Boqonnaa 2: Dhukkuboota Wal-Qunnamtii Saalaatin Darban

(wayitii 11)

Seensa Boqonnichaa

Boqonnaa kana keessatti barattooni dhukkuboota walqunnamtii saalaatiin darban akkaataa isaan ittiin daddarbaniif haala ittiin ofrraa ittisuun danda'amu bakka itti hubannoo isaanii cimsataniidha. Keessumaa dhukkubni bara kana dhala namaa fxaa jiru/HIV/AIDSiin/haala dhaggeeffachuuf dubbisa keessatti dhiyaachuun isaa xiyyeeffannaa kennamuufn dhimma qabu waan ta'eef. Fakkii dhiyaate akka irratti mar'atanii gochuun baay'ee barbaachisadha. Adeemsa kana keessas, dandeettiinwan afaanii nicimsatu. Fakkeenyaaf, maalummaaf gosoota fufuu, akkaataa uumamsa tishoo,hennaa raawwima ammeennaaf darbennaa, gosootaaf maalummaa latii irratti hubannoo cimsatu.

1. Kaayyoo: Barattooni boqonnaa kana erga xumuran booda:

- Muuxannoo beekumsa kanaan dura mata duree kana irratti qabun gumaachu.
- Jechootaaf hiika kallattii/moggoo/ kennu.
- Maalummaaf gosoota maxxantoota addaan baafatu.
- Jechoota tishoo akkaataa jechooni tishoo itti ijaaraman hubatu.
- Hennaa raawwiima ammeennaaf darbeennaa adda baafatu.
- Maalummaa latiiif gosoota isaa gabbifatu.

2. Qabiyyee

- Ogummaa dhaggeeffachuuf dubbachuu.
- Gilgaaloota hubannoo kanneen ogummaa barreessuuf dubbachuuf oolan.
- Gilgaaloota hubannoo kanneen dogummaa barreessuuf dubbachuuf oolan
- Fuftoota boodaa.
- Jechoota akka galumsaaf moggoo isaanii.
- Akkaataa uumamiinsa jechoota tishoo.
- Faayidaa hennaa raawwiima ammeennaaf darbeennaa.

- Waliin Dubbii
- Maalummaa barreessuu.

3. Mala Baruu-Barsiisuu

Barannoo 1: Dhaggeeffachuufi Dubbachuu

Gilgaala 1: Shaakala dhaggeeffachuun Duraa

Kaayyoon shaakala dhaggeeffachuun duraa kanaa wanta barattoonni barachuuf yaalan tokko wanta isaan hanga guyyaa sanaatti beekan wajjin walqabsiisuuf. Kanaafuu, kanatu sirriidha kun ammoo sirrii miti osoo hin jedhiin barattoonni wanta isaaniitti fakkaatu gaaffiwwan shaakala dhaggeeffachuun duraa kana jalatti ka'an irratti yaada isaanii sodaa malee akka ibsan jajjabeessuuf gargaaruu yaali. Kana booda qajeelfama ifa ta'e afaaniif barreeffamaan barattootaa kennuufin barbaachisaadha.

Gilgaala 2: Shaakala Yeroo Dhaggeeffachuu

- Shaakala kana jalatti barattoonni gaaffiwwan gilgaala 2A jala jiru akka dabtara isaanirratti garagalfatan itti himi.
- Mata duree akka dhaggeeffataniif qophaaye "HIV/AIDSii" jedhu gabateerratti barreessi. Sana booda /barreeffamma ati dubbistuuf irratti hundaa'anii iddoo duwwaa isaaniif laatame akka guutan godhi.
- Barreeffamicha (HIV/ AIDSii" jedhu. Kana si'a 2 yookiin 3 irra deebi'ii dubbisiif. Kana booda deebii isaanii hiriyoota isaanii wajjin walitti agarsiisuun akka isaan of madaalan erga gootee booda dareef haa dhiyeessan. Kana booda deebii isaa gabateerratti barreessiif.

HIV/AIDSii

Addunyaa kana irra dhibeewwan hedduun turaniiru, ammas hedduun jiru. Dhibeewwan kanneen keessaa tattaaffi ilmaan namaatiin kana to'ataman, kan dhabamsiifamaniif kan yeroo yerootti dawaa barbaachisuun ittifaman jiru. Haa ta'u malee, waggoota muraasaa as, dhibeen qoricha ittiin fayyan hinqabne badadaman, ilmaan nama badachu tokko balaa cimaa geessisaa jira. Dhibeen kunis HIV AIDSiidha.

Dhibeen HIV/AIDSii hanga yonaatti akka qoratameetti karaa adda addaa darba jedhama. Isaanis: gudeeddii to'annaa malee raawwatamu, dhiiga haadha dhukkuba kana qabu irraa dhalatti darbu, dhiiga nama dhukkuba kanaan faalame fudhachuuf sibiila qara qaban adda addaa kan namni dhukkuba kana qabu ittiin fayyadametti fayyadamuudha.

Akka ragaan qorannoo ibsutti, namoonni umriin waggaa 15 hanga 49 jiran keessaa baay'een isaanii balaa dhibee kanaaf salphaatti saaxilamu. Sababni isaas namoonni umrii caqafame kana keessa jiran, qunnamtii saalaa gochuu kaka'umsa cimaaf gahumsa waan qabaniif. Umriin kun yeroo itti baratani beekumsa horataniif dandeettii gonfatan akkasumas yeroo hojjetanii oomisha gaarii argataniif tajaajila quubsaa itti kennan ta'uun isaa beekamaadha.

Walumaagalatti, dhibeen HIV/AIDSii kan walgargaaranii of irraa faccisan dhibee balaa du'aa fdu ta'eera. Haalli ittiin of irraa faccisan kun, dura karaa inni ittiin darbu beekani argamuudha. Karaa isaa beeknaan immoo of eeggannoo gochuudhaan balaa irraa of baraaruudha.

Mammaaksis "Lubbuun abbaan hineegne lama hinbultu ". Jedha mitiree? Kanaafuu, balaa kana irraa of eegnee kaawwanis akka of eegan gochuun dirqama yeroo ammaa keessa jiru ta'uu isa hubachuun barbaachisaadha.

Deebii Gilgaala 2

- A. 1. ammas 2. darba
3. baay'een, balaa, salphaatti 4. beekanii
5. eeganii, hubachuun
- B. 1. A 2. A 3. B 4. D

Gilgaala 3: Shaakala Dhaggeeffachuun Boodaa

Gulantaa kana jalatti barattoonni shaakala dhaggeeffachuun duraaf yeroo dhaggeeffachuutti wanta qayyabatan muuxannoo isaanii guddifachuu akka qaban iddoo itti taasisituudha. Kanaaf, gilgaala qayyabannoof dhiyaate kana akkuma ajaja isaatti hojjachiisi. Gaaffiwwan gilgaala 3 jala jiran deebii tokkoof

tokko qofa hinqabaatu. Iddoon kun iddoo yaanni dhuunfan itti calaqqisu waan ta'eef barattooni tokko tokkoon gaaffiwwaniitiif akka yaada mataa isaanii calaqqisisan taasisi.

Barannoo 2: Dubbisuufi Dubbachuu

Gilgaala 4: Shaakala Dubbisuun Duraa

Kaayyoon shaakala dubbisa duraa kanaa wanta barattooni barachuuf yaalan tokko wanta isaan hanga guyyaa sanaatti beekan wajjin walqabsiisuuf. Fakkeenyaaf gilgaala 4 jalatti gaaffiwwan dhiyaatan kanatu sirriidha yookiin kanatu sirrii miti osoo hin jedhiin barattooni wanta isaaniitti fakkaatu yaada isaanii sodaa malee akka ibsan jajjabeessuuf gargaaruu yaaluudha. Jechuuni yeroo dubbisaa hubannoo isaanii gufuchisun danda'an hiika isaanii akka tilmaaman gochuun hiika isaanii barreessuufn barbaachisaadha.

Fakeenyaaf, gilgaala 4B jalatti.

1. hedduminaan, baay'inaan
2. beekaa
3. qaama hormaataa

Gilgaala 5: Shaakala Yeroo Dubbisuu

Gilgaala 5A jalatti gaaffleen hojjataman osoo gara dubbisuutti hin seenin dura qajeelfama kennuufn barbaachisaadha. Kunis dubbisa dhiyaate osoo dubbisuu hin dhaqiin gaaffiwwan yeroo deebisaa akka dubbisanii qalbiitti qabatan itti himi. Kana booda, saffsaaf cal'isaan daqqiqa 7-8 ta'u keessatti akka xumauraniiif yeroo qabuufn barbaachisaadha. Kana booda gaafflee dhufan hojjatan akka irratti mari'atanii dareef dhiyeessan gochuutu sirraa eegama.

Deebii Gilgaala 5

- A. 1.** Yaanni ka'uu danda'u:
- Addunyaa kanarra dhibeen hedduun dhala nama rakkisan jiru. Isaan keessaa ammoo kanneen walqunnamtii saalatiin darban tokko ta'usaa
 - Dhukkuboonni beekamoon walqunnamtii saalatiin darban: Cobxoo, fanxooo, Abbaa Seeruu yoo ta 'an HIV/Eedsiinis karuma kanaan

- C.**
1. Tokkoof tokko ta'uu, qulqullina ofi eeguu, dhukkubsannan dafanii mana yaalaa dhaquu.
 2. Guyyaa 3-5tti naannoo qaama saalaa faalameetti madaan mala'uuf dhukkubuu mul'ata.
 3. Dhabduu /Maseenuu/dandeessi.
 4. Yeroo da'umsaa yookiin da'umsa booda dhukkuba kana gara daa'immaniitti dabarsu.
 5. Dhukkuba onneetiin qabamuu, ijaa jaamuu naafachuuf maraachullee ni danda'a

Gilgaala 6: Shaakala Dubbisuun Boodaa

Gaaffleen as jalatti dhiyaatan gaaflee hubannoo barattoota cimsuuf oolaniidha. Kanaaf, barattoonni dandeettii barreessuuf dubbatanii amansiisuu iddoo itti gonfatan waan ta'eef yaada isaanii hin dangeessin. Yaadota ka'uu danda'an jedhamee yaadamu tokkoon tokkoon gaaffi jalatti.

Deebii Gilgaalaa 6

- A.**
1. Barsiisuu
 - Walmarii/ifaan ifatti akka waliin dubbatan gochuu
 - Gaa'ila dura akka walqunnamtiin saalaa gaarii hin taane itti himu
 - Meeshaalee walqunnamtii saalaaf oolan kanneen akka koondamii fayyadamuu akka qaban barsiisuu.
 2. Gaaffi kana irratti akka walfalaman taasisi/walmorman taasisi.
 3. Dhiibbaa cimaa qabu. Fakkeenyaaf dargaggootaaf shamarran misooma keessatti hirmaachuu danda'anuu waan miidhanuuf.
 4. Deebii adda addaa gaaffi kanaaf barattoonni dhiyeessu nidanda'u.
- B.** Gaaffiwwan gilgaala kana jalatti dhiyaataniif barattoonni namoota naannoo jaraa jiraatanu haasofsiisuun yaada akka sassaabbatanu haata'u. Yaada sassaabanis akka dareef dhiyeessanu godhi.

Deebii Gilgaalaa 6C

Gilgaala kana jalatti odeeffannoo ogeessa fayyaa irraa argatan dareef akka gabaasan jajjabeessi.

Barannoo 3: Dubbachuu

Deebii Gilgaala 7

Gilgaala kana jalatti gaaffleen dhiyaatan gaaffilee dandeettii dubbatanii amansiisuu itti gonfatan waan ta'eef seera falmii eeganii akka walmorman taasisi.

Barannoo 4: Jechoota

Deebii Gilgaala 8: Shaakala Hiika Jechootaa

- | | | |
|-------|------|------|
| 1. D | 2. G | 3. J |
| 4. A | 5. E | 6. H |
| 7. B | 8. C | 9. L |
| 10. I | | |

Barannoo 5: Caasluga

Yaadannoo

1. Danooma

Yaadannoo waa'ee Danoomaa

- Fkn 1 (a) Nu'i nibaranna.
(b) Isaan sun mana ijaaran.
(c) Isaan sun dhufan

Himoota kanneen keessatti latiin danoommii **Fkn.1a** keessatti /-na/, fkn 1b, 1c keessatti /ca) n/ ta'a. Isa fkn 1a keessatti jechi ni + barat- na kana ture froommii sagaleetiin gara ni barannaatti jijjiirame.

Dhamsagni latii danoomaa dura argamu, kan dhamsagni latii danoomaa dura argamu, kan gulantaa /-t-/n, gara /-n-/ itti jijjiirama.

Jechoonni latiin danoomaa itti fufaman, kutaan jechaa (word class) isaan jalatti hiriran gocha waan ta'aniif danummaa (-n/, /-a)/n mul'isu. Haa ta'u malee, maqaa hoggaa ta'an latii danummaa birootini. Fkn 2

- (a) nama _____ namoota
(b) farda _____ fardeen
(c) jabbii _____ jabbilee /Jabboota

A. Addeessaa hoggaa ta'an ammo birdumaan (reduplication) agarsiisu.

Fkn 3

- (a) xinnoo _____ xixinnoo
(b) guddaa _____ guguddaa

Hub:- maxxantoonni jala sararaman baay'ina maqaa agarsiisu

Deebii Gilgaala 9: Shaakala Danoomaa

- | | |
|-----------------|-----------------------|
| 1. daandiiwwan | 9 . warshaalee |
| 2. qubbeen | 10. mukkeen |
| 3. bineensota | 11. laggeen |
| 4. gaalawwan | 12. raaddeen/raadolee |
| 5. gaaffiiwwan | 13. sareelee/saroota |
| 6. mallattoolee | 14. beerreen |
| 7. tooftaalee | 15. gaarreen |
| 8. hoolota | 16. namoota |

Shaakala Fufii

B. Fakkeenya kennameerratti hundaa'uun A fi B hojjechiisi.

A. Gilgaala kana jalatti gaaffleen dhiyaatan gaafflee akka barattoonni muuxannoo isaanii gara mata dureetti fdan taasisuudha, kanaaf akka muuxannoo isaanii waljijjiiran kakaasi.

Yaadannoo waa'ee Fufii

Afaan Oromoo keessatti fufleen gosa lamatu jiru. Isaanis: fufi duraa, f boodaati. Fuftoonni jidduu Afaan Oromoo keessatti heddumminaan hinmul'attu.

Kanaafuu Afaan Oromoo keessatti fufata latii jecha duraati yookiin maayiitti maxxanuudhaan bifaaf ykn hiika jechichaa jijjiiru (affxes), kan biroo ammoo, fufata jecha calqabatti fufamtu (Preffx). Akkasumas fufata xumura jechaarratti ida'amtu (Suffx) jedhamantu jira.

Fkn. nama _____ namoota

Nyaanne _____ hin nyaanne

- B.** (a) frummaa _____ fr –ummaa
(b) fardeen _____ fard-een
(c) hin kaatu _____ hin – kaatu
(d) olkaatee _____ ol – kaata
(e) gadkaate _____ gad– kaata

- (f) saroota _____ sar --- oota
(g) walbeeku _____ wal --- beeku
(h) ijoollummaa _____ ijooll-- ummaa

Jechoota Tishoo

Deebii Gilgaala 10

A. Gaaffleen gilgaala 11A jalatti kennaman muuxannoo barattootaa gara mata dureetti fduuf waan ta'eef, barattooni akka irratti mari'atanii yaada isaanii ibsan gargaari. Fakkeenya gilgaalicha dura kennamu wanta itti aanee dhufuu akka tilmaamaniif waan ta'eef akka qalbeeffatanii ilaalan godhi.

- B.**
- | | |
|--------------------|---------------------|
| 1. dhugaatiilaafaa | 2. sanbataguddaa |
| 3. dafqebulaa | 4. xiinqoqa |
| 5. mathima | 6. sardiida |
| 7. bu'ebahi | 8. sablammii |
| 9. managalme | 10. kubbaasaaphanaa |

Yaadannoo waa'ee tishoo/diigala/ Compounding

Jechooni lama yookiin lamaa ol qindaa'anii jecha hiika adda ta'e qabu hoggaa tolchan jechi tolfame sun jecha tiishoo / compounding/ jedhama. Jechooni tishoo maqaaf maqaa maqaaf maq-ibsa, maqaaf gochima, maqaaf dabalagochimaaf kkf irraa ijaaramuu danda'u.Fkn 1.

- (a) maqaa + maqaa

Biftuun ganamaan mana barumsaa deemte

Hima fkn 1. Keessatti maqaa lama manaaf barumsa qindeessuun jechi haaraa yaada haaraa dabarsu tokko ijaarameera. Kan biroos kubbaa + miila , mana + galmee

- (b) maqaa + adeessaa

Fkn 2. Sanbata + guddaa
bifa + badii

- (c) gochima + maqaa

Fkn. 3 qotee+ bulaa
dafqee + bulaa

- (d) maqaa + dabala gochimaa
Fkn. baha + fagoo

Gilgaala 11: Shaakala Henna Raawwimaafi Amsiiqaa

Deebii Gilgaala 12

- A.** Gaaffleen gilgaala 12A jalatti kennaman muuxannoo barattoota gara mata dureetti fduuf waan ta'eef, barattoonni akka irratti mari'atanii yaada isaanii ibsan gargaari. Fakkeenya gilgaalicha dura kennamu wanta itti aanee dhufuu akka tilmaamaniif waan ta'eef akka qalbeeffatanii ilaalan godhi.
- B.** 1. Guddisaan Afaan Oromoo boqonnaan dura nubarsiise.
2. Waaqumaan kaleessa Finfnneedhaa dhufe.
3. Caalaan rafee jira.
4. Feenet Amboodhaa dhufte.
- C.** (a) Raawwima Ammeennaa
3 f 4
(b) Darbeennaa
1 f 2
- D:** Gilgaala kana jalatti barattoonni fakkeenya gilgaalota 12(A-C)tti jiran irratti hunda'anii himoota isaanii akka ijaaran jajjabeessi.

Gilgaala 12: Shaakala Latoo

Deebii Gilgaala 13

- A:** Gaaffleen gilgaala 13A jalatti ka'an muuxannoo barattoonni qaban gara mata dureetti ittiin fduuf waan ta'eef barattoonni akka yaada isaanii bal'inaan irratti kaasan jajjabeessi.
- B:** Barattoonni fakkeenya kennameeffratti hundaa'anii gosoota latilee irratti hundaa'uun latii walabaaf walabalaa akka fakkeenya adda addaa kennan gargaarii /jajjabeessi/.
- C:** Akkatuma qajeelfamaatiin latii meeqa meeqa akka qaban ammoo akka agarsiisan gochuun mirkaneeffadhu.

Yaadannoo waa'ee Latii

Akaakuu Latiilee

Latiileen afaan tokko keessatti jiran kamiyyuu caasaa saanitiin wixina, willaa akka jedhaman walitti dhufeenya tamsa'ina isaanitiin amala garagaraa qabu. Kanarratti hundaa'udhaanis latiileen qabiyyee saanitiin iddoo lamatti qoodamu. Isaanis latii walabaa (free morphemes) f walabalaa (bound morpheme / jedhamu.

Haata'u malee, akaakuun latiilee biroo, laccii (discontinuous morphemes), latii duwwaa (zero morphemes) akkasumas, birsaga (super segmental) kan hiika jechaa yookiin himaa jijjiiran jiru.

Latii walabaa

Latiin tokko hiika mataasaa kan qabu, kophaasaa of danda'ee kan dhaabbatu yoo ta'e latii walabaa jedhama. Latiin walabaas latiilee tokko ol yoo of keessaa qabaate latii walxaxaa, yoo latii tokko kophaa qabaatemmoo latii qeenxee jedhama.

Fkn 1. (a) Jabbichi hodhe

(b) Fayyisaan qotiyyoosaa nyaachise.

Hima 1a keessatti jabbichi jedhu latilee jabbii + -ichi kan jedhurraa ijaarame. Latiin inni duraa hiika mataasaa kan qabuuf of danda'ee kophaasaa kan dhaabbatu waan ta'eef latii walabaa jedhama.

Hima 1b keessatti jechi nyaachise jedhu latiilee nyaat+-sis- +-e jedhaman latiilee sadirraa kan ijaarame. Inni duraa / nyaacha -/ wixina yookiin latii leexaa hoggaa ta'u /nyaachis-/ latii tokkoo ol waan qabuuf latii walxaxaa jedhama.

Walabalaa

Latiileen kan akka /-ichi/ Fkn. 1b keessatti kan argaman, /-ich/, -e/ kan fkn. 2 keessatti argaman fakkaatan latii walabaaf hidhaman malee, kophaa saanii dhaabbachuu hindanda'an. Hiikaas hinqaban. Kanaafuu, latii wabala jedhaman.

4. Gaaffiwwan Keessa Deebii

A. Jechootaa f gaaleewwan armaan gadii hiika kallattii kennaa

- | | |
|----------------|------------|
| 1. balbaloomse | 2. hiixuu |
| 3. faallaa | 4. qancara |
| 5. yabbuu | |

B. Jechoota armaan gadiirraa fuftoota baasuun agarsiisi.

- | | |
|---------------|----------------|
| 1. frummaa | 2. ijoollummaa |
| 3. fardeen | 4. hindeemu |
| 5. oljedhe | 6. namoota |
| 7. bilisummaa | 8. jabboota |
| 9. sangoota | 10. gaangota |

C. Jechoota armaan gadii tischeessi

1. adeemsa + gocha
2. yoom + eessa
3. jala + bultii
4. mana + keessa
5. irra + jala

D. Jechoota armaan oliitti tischeessite kanneen garee jecha isaan irra uumamanii barreessi.

- | | |
|----------|----------|
| 1. _____ | 2. _____ |
| 3. _____ | 4. _____ |
| 5. _____ | |

E. Himoota raawwima ammeennaaf darbeennaa agarsiisan shan shan barreessi.

Raawwiima ammeennaa

- | | |
|----------|----------|
| 1. _____ | 2. _____ |
|----------|----------|

3. _____

4. _____

5. _____

Raawwiima darbeennaa

1. _____

2. _____

3. _____

4. _____

5. _____

F. Jechoota himoota armaan gadii keessatti jala sararaman irraa latoo walabaaf wabalaa/ofdanda'oof hirkataa addaan baasi.

1. Tolaan abbaa isaa kaleessa huccuu bichisiise.
2. Tulluun kaleessa na sobsiise.
3. Gurbichi deemaa jira.

Daree tokko keessa barattoota gosa gara garaatu jiru. Kanaaf, barattoonni kun mala baruu-barsiisuu adda addaa barbaadu. Kunis, yoo xiqqaate barattoota gosa sadi daree tokko keessaa qabaachuu dandeecha; barattoota kana ammoo, gaaffiwwan armaan gadii kana barattoota inni nimadaala jettuuf kennuufn barattoonni kee akka walqixa deeman gochuun sirraa eegama. Akkasumas, barattoonni muuxannoof aadaa adda addaa keessatti guddatan dare keessatti simudachuu danda'u. Kanaaf, barattoota kee tutooriyaalii kennuufin akka walqixa deeman gochuu hinirranfatiin. Kana malees, meeshaalee deeggarsaa kan mataduree kee wajjin deemu daree f'ddee barsiisuu hinirraanfatiin. Sababni isaas, barattoonni haala adda addaati barachuu waan barbaadaniif!

5. Madaallii

Seensa

Madaalliin barnoota kam keessattuu baay'ee barbaachisaadha. Keessumattuu barnoota afaaniif baay'ee murteessaadha. Kanaafuu, barnoota guyyaa guyyaan adeemsiifamu keessatti barattoota madaalli itti fufinsa qabuun madaaluun murteessadha. Kunis dadhabbinaaf cimina barattootaa adda baasuuf gargaara waan ta'eef. Madaalliin inni dhumaa akkuma maqaa isaa dhumarratti madaallii waliigalaati. Boqonnaa kana keessatti ogummaa afaanii hedduuf caaslugaa adda addaa madaalta. Fakkeenyaaf, jechoota, gosoota fuftuu, akkaataa ijaarsa tishoo, akkaataa ijaarsa raawwimaa ammeennaaf darbeennaaf, akkasumas, gosoota latiiti. Kanaaf, hojii guyyaa keessatti dhimmoota kana karaa itti fufinsa qabuun madaali.

5.1 Dandeettii dhaggeeffachuuf dubbachuu: Dandeettiwwan kun shaakala dhaggeeffannaa duraa keessatti kan madaalamuudha. Iddoo kanatti barattoonni gareen ta'uun muuxannoo isaanii karaa ittiin gara dhaggeeffannatti fdduudha.

5.2 Barreeffama "HIV/AIDS" jedhu yeroo dubbistuuf barattoonni gilgaala kennameef hojjechuu isaanii mirkaneeffadhu.

- Barreeffamicha si'a lamaa-sadi irra deebii'i dubbisiif yeroo kana barattoonni hojii kennameef hojjechuu isaanii to'achuuf akka deebii isaanii dareef dhiyeessan godhi.

5.3 Jechoota akkaataa galumsa isaaniitin itti fayyadamuu isaanii mirkaneeffadhu.

5.4 ogummaa barreessuuf dubbachuu.

Barreeffamicha erga dhaggeeffatani booda gilgaalota hubannoo wanta dhaggeeffataniif muuxannoo qabaniin walitti fduun akka barreessaniif

dubbatan gochuun ykn akka mari’atan gochuun barbaachisaadha.

5.5 ogummaa dubbisuuf dubbachuu

Akkuma yemmuu dhaggeeffachuun duraa, shaakala dubbisuun duraa keessatti barattoonni sodaa tokko malee yaada isaanii akka afaaniin ibsatan jajjabeessi.

5.6 Dubbisa “Dhukkuboota Walqunnamtii Saalaatin Darban” jedhu.

5.6.1 Dubbisicha yeroo ati kennituuf keessatti callisaanii dhuunfaan dubbisuu isaanii too’adhu.

5.6.2 Dubbisicha dubbisaatii gaaffiwwan kennameef hojjechaa deemuu isaanii mirkaneeffadhu.

5.6.3 Dubbisicha erga dubbisanii booda gaaffiwwan ati dubbisichaaf muuxannoo isaanii walqabsiistee gaaffiwwan qayyabannaaf dhiyaatan keessatti akka barreeffamaaf dubbachuudhaan dareef dhiyeessan taasisi.

5.7 Shaakala dubbachuu

Barattoonni Gilgaala 7ffaarratti seera falmii eeguudhaan akka walmorman taasisi.

5.8 Shaakala Caaslugaa

5.8.1 Danooma

Afaan Oromoo keessatti jechoonni akkamiatti akka danoomuu qaban gilgaalota qophaa’an (gilgaala 9) hojjechiisuun dareef akka dhiyeessan taasisi.

5.8.2 Jechoota

Jechoonni dubbisa keessaa bahan akkaataa galumsa isaanitiin hiika isaanii kennuuf mirkaneeffadhu. Gilgaala 8ffaa akka shaakalan mirkaneeffadhu.

5.8.3 Fuftoota

Afaan Oromoo keessatti akkaataa maxxantoonni itti uumaman akka adda baafataniif gilgaala 10^{ffaa} A f B irratti kophaa'an hojjechiisun hubannoo isaanii mirkaneeffadhu.

5.8.4 Akkaataa uumamiinsa jecha tishoo

Afaan Oromoo keessatti jechoonni tishoo haala itti uumaman kan mirkaneeffachuu ta'u gilgaalli 11^{ffaa} (A f B) n dhiyaatanii jiru, kanarratti hundaa'uun shaakalsiisuun mirkaneeffadhu.

5.8.5 Haala hennaa raawwima ammeennaaf darbeenna, gochi tokko haalaaf yeroo itti raawwatu qaba. Kana mirkaneeffachuuf gilgaalli 12^{ffaa} (A, B, C f D)n dhiyaatan hojjechisuun mirkaneeffadhu.

5.8.6 Latoo

Afaan Oromoo keessatti latileen haala itti argaman mul'isuuf gilgaalli 13^{ffaa} (A, B, f C) n dhiyaatanii jiru. Kanaaf, kana shaakalsiisuun hubachuu barattoota mirkaneeffadhu.

BOQONNAA 3: SIRNA FUUDHAAFI HEERUMA OROMIYAA BAHAA (Wayitii 9) Dheerina wayitii tokkoo daqiiqaa 40

Seensa Boqonnichaa

Boqonnaa kana keessatti barattoonni sirna fuudhaaf heerumaa Oromiyaa Bahaa maal akka fakkaatu hubatu. Sirna fuudhaaf heerumaa naannooisaaniirattis oddeeffannoo nigabbifatu. Kana malees, jechootaaf hiika galumsaa kennuu danda'u. Barannoo caaslugaa keessatti ammoo gaaleef ciroo gosoota isaanii waliin adda baasanii hubatu. Dabalataanis sirba fuudhaaf heerumaa naannoo isaanii barreeffamaan dhiyeessu. Dhumarrattis faayidaa hennaa tarsiiqaaf raawwiimaa darbeennaa hubachuun itti fayyadamu.

1. Kaayyoo: Barnoota boqonnaa kanaatiin booda,barattoonni,

- Sirna fuudhaaf heerumaa Oromiyaa Bahaa irratti hubanno cimsatu.
- Sirna fuudhaaf heerumaa naannoo isaanii irratti odeeffannoo ballifatu.
- Jechootaaf hiika galumsaa kennu.
- Gaaleef gosoota isaa hima keessaa addaan baafatta.
- Ciroof gosoota isaa hubatu.
- Sirba aadaa naannoo isaanii irratti hubannoo gabbifatu.
- Faayidaa hennaa tarsiiqaaf raawwiimaa darbeennaa hima keessatti addaan baafatta.

2. Qabiyyee

- Sirna fuudhaaf heerumaa Oromiyaa Bahaa
- Sirna fuudhaaf heerumaa naannoo barattootaa
- Hiika galuumsaa jechootaa
- Gaaleef gosoota isaa
- Ciroof gosoota isaa
- Sirba aadaa naannoo barattootaa
- Faayidaa hennaa tarsiiqaaf raawwiima darbeennaa

3. Mala Baruu-Barsiisuu

Barannoo 1: Dbbisuufi Dubbachuu

Gilgaala 1: Shaakala Dubbisuun Duraa

Deebii gilgaala 1

- A.** Gaaffiwwan gilgaala kana jalatti dhiyaatan gareen akka irratti mari'atan godhi. Kaayyoon gilgaala kanaas barattoonni osoo dubbisa dhiyaatetti hince'iin dura dhimmoota yaada dubbisa dhiyaate wajjin walqabaturratti mari'achuun hubannoo jaraa akka gabbifataniif. Kanaafuu, gilgaalli kun deebii murtaa'aa ta'e tokko hinqabu.
- B.** Hiika jechoota gilgaala kana jalatti dhiyaatan osoo gara dubbisaatti hinseeniin akka barattoonni tilmaamanu godhi. Fakkeenya: bultii =jireenya

Gilgaala 2: Shaakala Yeroo Dubbisuu

Deebii gilgaala 2

- A:**
1. Isaanis:kaadhimachuu, waliin deemuu, butuu, cabsaaf aseennaadha.
 2. Gabbarri maallaqaaf loon warra intalaatiif kennamau. Gabbartiin ammoo tajaajila warra intalaatiif godhamu
 3. Kunis eeyyamaaf fedhii jara lameenii irratti hundaa'a.
 4. Intala fedhii ishii malee boortaan fuudhuudha.
 5. Cabsaan osoo intalaaf warri ishii quba hinqabaatiin harruma itti seenanii intala baafachuudha
- B:** Dubbisa dubbiste irratti hundaa'uun yaada sirrii ta'e "Dhugaa" kan sirrii hintaane ammoo "Soba" jechuun deebisi.
1. Dhugaa
 2. Soba
 3. Soba
 4. Dhugaa
 5. Dhugaa

- C: Dubbisa irratti hundaa’uun deebii barreeffamaan kenni.
1. Dura, warra gurbaatu intala ulaagaa isaan barbaadan guuttu flata. Dhiheenya kana ammoo jaruma lameeniitu walilaallatee warraan gayata.
 2. Inni duraa, osoo jaalalli gurbaaf intalaa jiruu warri intalaa yoo eeyyamu baatan yookiin eeyyama duraanii diiguuf yoo yaalan, jarri lameen waliin badan. Inni lammaffaan, fedhii intalaa malee, fakkeenyaaf, bu’aa argachuuf yoo nama niitii biraa qabuuf kaadhimate, intalli gurbaa jaalattu wajjin deemuuf murteessiti.
 3. Aanteef hiriyoonna isaa loonif qarsii waliti buusuun kaaloo kennuuf.
 4. Tokko, osoo guduunfaa geeffachuuf hinyaaliin haallan butiif gurbaa kakaasan yoo jiraatan. Lammatammoo adeemsa kaadhimmachuurra osoo jiruuis butuuf nimala. Sadi, erga sirni kaadhimmachuu raawwatee boodas yoo warri intalaa ayyaana qabuuf rincican yookiin yoo guyyaa keessa yaada isaanii jijjiran gurbaan butuuf murteessa.
 5. Tokko, gurbaan intala ilaallate sirnaan kadhimmachuuf kurfi cidhaatiif yoo harki gabaabbate cabsaa seena. Karaa biraatiin gurbaan sirnaan kaadhimatee, qophii cidhaa xumuree, intala baafachuuf manaa bahe, yoo sababii kaadhimni isaa butamteef, baddeef kkf milkaa’uu baate harka qullaa galuu mannaa cabsaa seena.
- D: Jechoonni gilgaala kana jalatti kennaman dubbisa mataduree “Sirna Fuudhaaf Heeruma Oromiyaa Bahaa” jedhu keessaa kan bahan. Atis jalqaba barattoonni dhuunfaan akka hiika galumsa jechootichaa akka tilmaaman godhi. Itti aansuun gareen ta’uun akka irratti mari’atan taasisi.

1. hundeessuu, jalqabuu
2. qabeenya
3. dimsha, tajaajila warra intalaaf godhamu
4. waliigaltee, nagaa
5. gargaasa, kennaa, deebii miidhaa tokkoof godhame
6. fra, nama itti dhiyeenya qabu
7. humnaan, dirqamaan, hirreen
8. haasaa, haala
9. gosa
10. haala, aadaa, jireenya

Gilgaala 3: Shaakala Dubbisuun Boodaa

Deebii gilgaala 3:

Gaaffiwwan gilgaala kana jalatti dhiyaataniif deebii murtaa'aa argachuu dhabuu nidandeessa. Xiyyeeffannaa kee ta'uu kan qabu hangam barattoonni yaada dubbisa dhiyaatee haala jireenya isaanii naannoo isaanii wajjin walqabsiisaniiru isa jedhu haata'u. Atis barattoonni yaada isaanii dhiyeessu irratti akka xiyyeeffatan gorsi.

Barannoo 2: Shaakala Caaslugaa

Deebii Gilgaala 4:

- A
1. Namni hamaan (gaalee maqaa) ofuma miidha.
 2. Jaalalli dhugaa (gaalee maqaa) gatii hinbarbaadu.(gaalee gochimaa)
 3. Onismoos Nasiib (maqaa) kitaabota heddu Afaan Oromootiin barreesse (gaalee gochimaa)

4. Daadhiin bardheengaddaa eebbifame.(Gaalee gochimsaa)
 5. Konkolaatichi saffsaan figa (gaalee gochimsaa)
 6. Saafa'een lukkuu diimaa qalte. (Gaalee maqibsaa)
- B. Himoonni isaanii gosoota gaalee hunda kan mul'isan ta'uu isaanii mirkaneeffadhu.

Deebii Gilgaala 5:

1. Yoo gara magaalaa deemte, huccuu naaf biti.
2. Eega isaan rafanii hattuun sangaa isaanii fudhatte .
3. Yemmuu nu'i dhufnu, ishiin deemte .
4. Toltuun eega dhirsi irraa du'ee hinheerumne .
5. Daa'imni dhibee sombaatiin qabamnaan, gara mana yaalaa geessuu qabna .

Deebii Gilgaala 6:

Himoota armaan gadii keessatti, hennaa tarsiiqaa osoo jala hinsarariin, Raawwiimaa darbeennaa ammoo, jala sararuun adda baasii agarsiisi.

1. Yemmuu inni dhalatu, abbaan isaa du'eera.
2. Yemmuu bokkaan roobu, midhaan hammameera.
3. Erga laaqana nyaannee, buna dhugne.
4. Kaleessa osoo aduun hinbahiin, hojii eegalleerra.
5. Erga haati Toltuu duutee, qorichi dhibee ishii argame.

Deebii Gilgaala 7:

Gilgaalli kun barattoonni Afoola Oromoo keessa isa tokko kan ta'e sirba gaai'laa funaanuun akka barreessaniif. Sirbi isaan barreessan kan gaa'ilaa ta'uuf ta'uu baachuu mirkaneessi. Barattoonni dandeettii qaban dareetti sirbaanii akka agarsiisan jajjabeessi.

4. Gaaffiiwwan keessa deebii

A. Gaaffiiwwan armaan gadiif deebii gaggabaabaa kenni.

1. Sirna fuudhaaf heerumaa sabaaf sablammiiwwan Itoophiyaa kan Oromoon alaa keessaa kan tokkoo namoota nibeekan jettee amantu dubbisuun gabaabsii barreessii dareef dhiyeessi.
2. Tokkummaaf garaagartii sirna fuudhaaf heerumaa Oromiyaa Bahaaf kan naannoo keetii afaaniin ibsi.

5. Madaallii

Boqonnaa kana keessatti barattoonni dubbisa matadree “Sirna Fuudhaaf Heerumaa Oromiyaa Bahaa” jalatti dhiyaate dubbisani yada isaa hubachuu isaanii mirkaneeffadhu. Kana malees, sirni fuudhaaf heerumaa aadaa Oromoo keessaatti bakka inni qabu sirriitti addaan baasanii hubachuu isaanii mirkaneeffadhu. Dabalataanis, sirna fuudhaaf heerumaa naannoo isaanii keessaa tokko flachuun irratti barreeffama qopheessanii dareef dhiyeessuu jaraa qulqulleeffadhu. Kana malees, hiika jechootaa haala galumsa isaaniin addaan baasanii kennuu danda’uu jaraa mirkaneeffadhu. Gaaleef gosoota gaalee addaan baafachuu isaanii, ciroofi gosoota ciroo addaan baafachuu isaanii, afoola sirba fuudhaaf heerumaa naannoo isaanii barreeffamaan dhiyeessuu isaanii, hima tarsiiqaaf raawwimaa darbenna qaban hima sirrii ijaaruu isaanii mirkaneeffadhu.

BOQONNAA 4: TOLTUUFU HIREE ISHII (Wayitii 8)

Seensa Boqonnichaa

Boqonnaa kana keessatti barattoonni, dubbisa “Toltuuf Hiree Ishii” jedhu dubbisuun, walqixxummaan korniyaa dhabamuu isaatiin miidhaa hawaasa keessatti shamarranirra gahaa jiru hubatu. Kuni ammoo miidhaa kana hambisuu keessatti gahee isaanii akka gumaachan isaan danddeessisa. Shaakaloonni boqonnaa kana keessatti laataman ogummaawwan afaanii adda addaa akka cimsatan isaan taasisa. Kutaa caaslugaa boqonnaa kana keessatti, bamaqaa, sirna tuqaalee-qub-guddeessaaf qoodduu; akkasumas, hennaa muraannaa hubachuun barreeffama isaanii keessatti akka itti fayyadaman isaan gargaara.

1. Kaayyoo: Barattoonni barnoota boqonnaa kanaatiin booda:

- asoosama dubbisuun ergaa isaa hubatu.
- jechootaaf hiika galumsaaf hiika kallattii kennu.
- bamaqaa faayidaa isaa hubatu.
- sirna tuqaalee keessaa qubguddeessaaf qoodduu barreeffama keessatti sirriitti itti fayyadamu.
- hennaa murannaa hima keessa galchuun itti fayyadamu.

2. Qabiyyee

- Ogummaa dubbisuuf dubbachuu
- Dubbisa, “Toltuuf Hiree Ishii” jedhu
- Hiika jechootaa
- Bamaqaa, ramaddii, saalaa faayidaa isaa
- Qub-guddeessaaf qoodduu
- Hennaa murannaa
- Keeyyata barreessuu

3. Mala Baruu-barsiisuu

Barannoo 1: Shaakala Dubbisuufi Dubbachuu

Gilgaala 1: Shaakala Dubbisuun Duraa

Kaayyoon gilgaala kanaa barattoonni dubbisatti osoo hinseeniin, jechoota/ gaaleewwan dubbisicha keessatti hiika isaanii hubachuuf rakkisuu danda'an dursanii akka beekaniif beekumsa isaanii waliigalaas gara dubbifamichaatti fduun akka dhaamsa dubbisichaa hubataniif. Kanaafuu gaaleewwan 'A' jala jiran yoo kan hinbeekne ta'e hiika isaanii itti himi.

Deebii gilgaala 'A'

1. Qaana'uu dhiiste.
 2. Du'e.
 3. gammachuun utaaluu
 4. Okkotee bishaanii xiqqoo shamarran xixiqqoon ittiin bishaan waraaban.
- B. Shaakala kanaaf deebiin sirrii ta'e kana jechuu osoo hinta'iin barattoonni yaada isaanii bal'inaan akka ibsatan jajjabeessi.

Deebii Gilgaala 2: Shaakala Yeroo Dubbisuu

Deebii shaakala A

Kaayyoon shaakaloota gilgaala kanaa barattoonni barreeffamicha saffsaaf akkaataa addaddaan dubbisuun ogummaalee dubbisaa addaddaa akka shaakalaniif. Kanaan walitti qabatee shaakaloonni hunduu kaayyoo mataa isaanii qabu. Kanaafuu barattoonni ajajawwan shaakalootaaf kennaman hubannoon dubbisuun gaaffiwwan akka deebisan taasisi.

- A.
1. Gaa'ila ilaalchisuun walqixxummaan koorniyaa kan hinjirre ta'uuf miidhaa sababa gaa'ilaatiin shamarranirra gahaa jiru agarsiisa.
 2. Torba
 3. Soba. Shamarran hindanda'an.
 4. Namittuu hinheerumne.

5. Gofaa
 6. Wareega intalli isaa akka guddattuuf godheef.
- B.**
1. Hireen Toltuu akka maqaa ishii tolaa miti. Kan rakkinaan guuttame. Dhiibbaa kana hundas kan itti fde ilaalcha duubatti hafa hawaasa ishiin keessatti guddatteeti.
 2. Aadaa hawaasichaati.
 3. Hawaasa keessatti dhiirri flannoo hiriyaa fuudhuu barbaaduu bal'aa kan qabu ta'uudha.
 4. Waarsaa ishii dhaalu ishii dhabsiise.
 5. Wanti ibsame hinjiru. Kanaafuu, argachuuf dhabuun hinbeekamu.
 6. Hingeenye. Eebbi isaanii, ibiddi gabbataan akka bahuuf yoo ta'u, ishii garuu gaa'ila gammachuu hinqabne, kan rakkinaaf ishii saaxiletu ishii qunname.
- C:**
1. nihamatu
 2. cimtuu/collee
 3. yaada madaallii/yaada qorannoo
 4. yaadannoo badaa/yaadannoo miidhaa yeroo darbee
 5. gammachuun u'utaalaa
 6. cimsee itti hime
 7. Okkotee bishaanii xiqqoo shamarran xixiqqaan ittiin bishaan waraaban
 8. kan gargaarsa hinqabne
- D:** Himoonni isaan barreessan hiika jechootichaa hubachuu isaanii akka mirkaneessu hubadhu.
- E:**
1. Quba itti qabu----- quba gara ishiitti agarsiisu
 2. Kaamettii----- collee
 3. Qeeqa----- madallii

4. Madaa----- miidhama qaamaa waan qaraan of muruun/wayiin rukutamuun/kufuuf kkf uummamu.
5. Kukkuruphisaa-----u'utaalaa
6. itti seerate----- seera itti tumate
7. buyyiitii----- ubboo bishaanii xiqqoo
8. ko'eettii ----- nama gargaarsa dhabuun jiruun guutufi dhabe

Gilgaala 3: Shaakala Dubbisuun Boodaa

Kaayyoon gilgaala kanaa barattoonni dhaamsa barreeffama dubbisan keessaa argatan haala qabatamaa naannawa isaaniin wal-maddii qabanii ilaaluun akka hojiitti hiikaniif. Kanaafuu, deebiiwwan gaaffiwwan kanneenii, sirriidha ykn sirrii miti jechuu osoo hinta'iin, hubannoo isaanii bal'inaan akka ibsatam jajjabeessi.

Barannoo 2: Shaakala Ogbarruu

Deebii Gilgaala 4:

1. Mammaaksonni isaan barreessan dhugumaan hawaasa keessatti kan mammaakkamaniif kan gadi-aantummaa dubartootaa agarsiisan ta'uu hubadhu.
2. Walaloon isaanii seera walaloon ittiin barreeffamu guutuun barreeffamuuf ergaa barbaaddame kan dabarsu ta'uu mirkaneessi. Barattoonni muraasni dareetti akka dubbisan taasisuun barattoonni kaan akka yaada irratti kennan taasisuun, walaloowwan isaanii haala marii sanaan sirreessanii akka barreessan jajjabeessi.

Barannoo 3: Shaakala Caaslugaa

Deebii Gilgaala 5:

Himoota isaanii keessatti bamaqoonni isaan itti fayyadaman akka maqaa bakka bu'an mirkaneessi.

Deebii Gilgaala 6:

Barattuu Cimtuu

Ayyaantuun barattuu cimtuu mul'ata guddaa qabdu. Maatiin ishii yeroo heddu barumsa addaan kuttee akka heerumtu dirqisiisuuf yaalanillee, ejjennoo cimaa qabaachun diddee barumsa ishii itti fufteetti. Tarfaasaan, barsiisaan ishii kan Afaan Oromoo, yeroo hunda ishii gorsa. Kun ammoo hamilee ishii daran jajjabeesseera. Bardheengaddaa barattoota mana barnootaa ishii hunda keessaa tokkoffaa bahuun iddoo keessummoonni kabajaaf maatiileen barattoota argamanitti badhaafamteetti. Gara fuulduraa piroofeesera taatee guddina Afaan Oromootiif qu'annoo addaddaa gaggeessuu feeti. Biiron Dhimma Dubartootaaf Daa'immaniiif Biiron Barnootaa Oromiyaa barattoota shamarranii ciccimoo akka Ayyaantuu deeggaranii jajjabeessuun mul'ata isaanii akka fixan baafatan gochuuf hojjetaa jiru.

Deebii Gilgaalaa 7:

Himoonni isaan barreessan, akkaataa fakkeeniyota kutaa barnootaa san keessatti laatameen, hennaa muraannaa kan agarsiisan ta'uu hubadhu. Himoota isaaniif akka ibsa kennan gaafadhu.

Barannoo 4: Shaakala Barreessuu

Deebii gilgaala 8

Keeyyata isaanii keessatti qub-guddeessaaf qoodduu sirriitti itti fayyadamuu isaanii mirkaneeffadhu.

4. Gaaffiiwwan keessa Deebii

Barattoonni barnoota boqonnaa kana keessatti baratan akka sirriitti hubatan gaaffiiwwan waliigalaa keessa deebii armaan gadii hojjechiisi.

Gaaffiiwwan armaan gadiif deebii gaggabaabaa kenni.

1. Ummata naannoo keetti walqixxummaan koorniyaa hagam dhugoome?
2. Dhiibbaan dubartootarra gahu bifa akkam akkamiin ibsama?
3. Jechoota /gaaleewwan armaan gadiif hiika kallattii kenni.
 - a) gaa'ila _____
 - b) waarsaa _____
 - c) kaamettii _____
 - d) ibidda gabbataa _____
4. Seera itti fayyadama qubguddeessaa qoodduutti sirriin itti fayyadamuun mata duree “Barnoota Shamarranii” jedhurratti keeyyata tokko barreessi.
5. Henna murannaatti fayyadamuun himoota shan barreessi.

5. Madaallii

Dhuma boqonnaa kanaatti, barattoonni dandeettiinwwan armaan gadii gonfachuu isaanii mirkaneeffadhu.

- Barreeffama dhiyaateef, saffsaan, sakattaaf suuta dubbisuun dhaamsa addaddaa barreeffamicha keessaa hubachuu isaanii,
- Jechoota dubbifama keessaa bahaniif hiika galumsaa hiika kallattii laachuu danda'uu isaanii mirkaneeffadhu. Wantoota hiika jechootichaa tilmaamuu isaan dandessise hubachuu isaanii ,
- Mammaaksota naannawa isaaniitti mammaakaman kan gadi-aantummaa dubartootaa mul'isan funaananii barreessuu isaanii,
- Maalummaa, tajaajila, ramaddiif saala bamaqaa hubachuuf himoota isaanii keessatti itti fayyadamuu isaanii,
- Qub-guddeessaa qoodduu barreeffama isaanii keessatti itti fayyadamuu isaanii,
- Maalummaa tajaajila henna murannaa hubatanii himoota isaanii keessatti itti fayyadamuu isaanii.

Boqonnaa 5: Burqaafi Dureettii

Seensa Boqonnichaa

Boqonnaa kana keessatti barattoonni mata-duree, “Burqaaf Dureettii” jedhu dubbisuun, faayidaa nama haara’a walbaraniin walqorachuun qabu akka hubatan taasisa. Akkasumas, akkaataa barreeffamni kalaqaa ittiin barreeffamu hubatu. Gama biraatiin, ogummaa barreeffama isaanii dhiyaate akkaataa addaddaatiin dubbisuun dhaamsa gaaffiwwan gosoota addaddaa deebisuu shaakalu. Dabalataanis, dandeettii jechootaaf hiika galumsaa; akkasumas hiika kallaattii laachuu cimsatu. Barannoo Caaslugaa keessatti ammoo, bamaqaa faayidaa isaa, sirna tuqaalee keessaa qubguddeessaaf qoodduu barreeffama keessatti sirriitti itti fayyadamuu, akkasumas, hennaa murannaa hima keessa galchuun itti fayyadamuu akka isaan danda’an gargaara.

1. Kaayyoo: Barnoota boqonnaa kanaatiin booda, barattoonni:

- barreeffama dhihaatef dubbisuun, ergaa isaa walii-galaa ergaalee xixiqqaa hubatu.
- hiika galumsaa jechootaa himu.
- Barreeffama keessatti sirna tuqaalee-sarara xiqqaa, sarara guddaa itti fufaatti fayyadamuun himoota addaddaa barreessu.
- seenaa hidda dhaloota isaanii barreeffamaan, fakkii f afaaniin ibsu.
- hennaa murannaa muranaalaa himoota keessatti sirriitti itti fayyadamu.

2. Qabiyyee

- Dubbisuuf dubbachuu
- Dubbisa, “Burqaaf Dureettii ” jedhu.
- Hiika jechootaa
- Caasuga- Bamaqaa, sirna tuqaalee-sarara xiqqaa, sarara guddaa itti fufaa, henna muraannaaf muraannaalaa
- Hidda dhalootaa barreessuu.

3. Mala baruu-barsiisuu

Barannoo 1: Dubbisuufi Dubbachuu

Deebii Gilgaala 1:

Kaayyoon shaakala kanaa barattoonni osoo barreeffama dhiyaateef dubbisuu hineegaliin beekumsa waliigalaa dubbifamicharratti qaban akka yaadataniif. Kun ammoo barreeffamicha haala gaariin dubbisanii akka hubatan haal-duree mijeessaaf. Kanaafuu gaaffiwwan kana gareen irratti mari'atanii gama bakka bu'aa isaaniin dareef akka dhiheessan taasisi. Deebii isaanii siirriidha ykn sirrii miti jechuu osoo hintaane, yaada isaanii sababa waliin akka dhiheessan gochuutu barbaachisa.

Gilgaala 2: Shaakala Yeroo Dubbisuu

Kaayyoon shaakaloota kutaa kana jalaa barattoonni yeroo barreeffamicha dubbisan tarsiimmoowwan dubbisaa addaddaa akka shaakalaniif. Kanaan walitti qabatee shaakaloonni hundinuu kaayyoo mataa isaanii qabu. Kanaafuu, barattoonni ajaja shaakalootaaf kenname hubannoon dubbisuun gaaffiwwan akka deebisan taasisi.

Shaakala yeroo dubbisuu

Deebii shaakala A.

1. Kalaqaan barreeffame. Kaayyoo boqonnichaa keessatti, asoosama dhihaate nidubbisu jedha.
2. Ilma jaarsaa waan ta'eef hasa'a jaarsummaa dhaggeeffachaa guddachuu isaati.
3. Akka tasaa waan walbaraniif.
4. Nama haara'aan yeroo walbarru osoo faaran walitti dhihaachuun waa heddu keessa hinseenin, siriitti walqorachuun barbaachisaa akka ta'e. Fakkeenyaaf, namoonni froma dhiheenya qaban jaalala keessatti kufuu malu.
5. Nama 3^{ffaa}n seeneffame. Seenaa kana keessatti , seenessaan waa'ee

mataa isaa osoo hinta'iin, waa'ee namoota biraa hima.

- B.**
1. Namni hawaasummaan jiraata jechuun, ilmi namaa gurmuun jiraata; namni qofaa ofi jiraachudhaan jireenya fayya-qabeessa jiraachuu hindanda'u jechuudha. Kun ammoo dhugaa ta'uu isaa haala qabatamaa jireenya keenyaarraa hubachuu dandeenya.
 2. Faayidaas miidhaas qabachuu danda'a. Namni namoota kaaniin dafee walii galee jiraachuu danda'uun isaa mallattoo sammuu nagaa qabeessa ta'e qabaachuti. Namootaan dafnee walii galuu danda'uun, hojii keenya haala gaariin akka raawwannu nudanddeessisuun ala, carraa addadaas nuuf banuu mala. Haa ta'u malee, nama agarre hunda waliin battalumatti walbaruun icciitii keenya hunda itti himuun, miidhaa hineeggamne nurra bulchuus mala. Asirratti eenyummaa nama walbarreenii suuta hubachuun barbaachisaadha.
 3. Dandeettiin akkanaa kan uumamaanis jiru ta'ee haala guddinaatiin kan gabbatu ta'a. Fakkeenyaaf Burqaa yoo fudhanne, haalli inni itti guddate, danddeettii isaaf gumaacheera.
 4. Burqaan danddeettii dafee namaan walbaruuf danddeettii haasa'aas akka qabu ibsa.
 5. Intala qaamaan miidhagduu, sammuu bilchaattuu.
 6. Magaalaa Galaanitti.
 7. Adeemsa uumamaa keessattis ta'ee, jireenya hawaasummaa keessatti, wantoonni haala gaariin akka deeman, wanti dursuun irra jiraatu dursuu qaba jechuudha.
 8. Tasa Ummanni Oromoo iddoo baayyeetti hanga abba-torbaatti wanta walhinfuuneef, dogoggora akkasii keessa akka hingalleef ta'uu mala.
 9. Fira ta'uu isaanii waan baraniif.
 10. Akka walgahan tilmaamuun nidanda'ama. Sababni isaas, Shaashamanneedhaa gara mana Roobaleetti faradoo yaabbatanii adeemuu eegalanii waan tureef, dhiyootti walarguun isaanii hin'oolu.

Dhumarrattis, “namni lubbuun jiru walarga jedhama mitiiree?” jedha.

- C.** Akkaataa odeeffannoo barreeffamichaa keessatti laatameen, himoota armaann gadii yaada sirrii ta’e dhugaa kan sirrii hintaane soba jechuun deebii isaa sababa wajjin kenni
1. Soba. Haalli yaadni kun dubbifamicha keessatti ittiin dhihaate haala gaarii akka ta’etti.
 2. Dhugaa
 3. Soba. Fin fenneetti dhalatee guddachuu isaa Dureettiitti himeera.
 4. Soba. Odeeffannoon yaada kana dhugoomsu barreeffamicha keessatti hinlaatanne.
 5. Soba. Dureettii umrii osoo hinta’iin, uummamatu ishii barsiise. Yaanni ishii umrii ishiitii oli.
- D.**
- | | |
|--------------------|-------------------|
| 1. battalumatti | 2. budduufkatu |
| 3. lugna/ dabeessa | 4. qorsa |
| 5. bilchaatte | 6. eegalan |
| 7. dannoo | 8. akaakilee |
| 9. godhate | 10. aara galfatan |
- E.**
- a. Haasa’a eegala
 - b. sagaleen isaa daran miira namaa hawwata/nimiidhaga.
 - c. faaran miidhagdi
 - d. baayyee gaariidha/wanti qulqullina hinqabne keessa hinjiru.
 - e. battalumatti tole jedhan.

Gilgala 3: Shaakala Dubbisuun Boodaa

Kaayyoon gilgala kanaa barattoonni dhaamsa barreeffama dubbisan keessaa argatan haala qabatamaa naannoo isaaniin wal maddii qabanii ilaaluun akka hubataniif. Hubannoo argatanis akkamitti jireenya isaanii keessatti akka itti fayyadaman akka yaadaniif. Kanaafuu, deebiiwwan gaaffiiwwan kanneenii, sirriidha ykn sirrii miti jechuu osoo hinta’iin, hubannoo isaanii bal’inaan akka ibsatan jajjabeessi.

Barannoo 2: Shaakala Caaslugaa

Deebii Gilgaala 4.

Himoonni isaan barreessan faayidaa f garaagarummaa hennaawwan lamaanii kan ibsan ta'uu mirkaneessi. Himoota isaaniirratti ibsa akka laatan gochuun hubannoo isaanii ilaali. Yoo barbaachisaa ta'e, shaakala mataa keetii laattef akka isaan dabalataan shaakalan taasisuu dandeessa.

Barannoo 3: Shaakala Barreessuu

Deebii gilgaala 5.

1. Ilmi abbaa Jabal, Hiikaan_ osuma jennu yeroo ammaa kana biyya Ameerikaatti Dhaabbata Mootummoota Gamtoomanii keessatti hojjeta_ bara dhalatu ani kutaa shanaffaan baradha ture.
2. Haati Daraartuu intalli ishii jalaa dhibamnaa ganda waa-beekaa deemtee furmaata argatte.
3. Yaroo lammaffaaf isa waliin qaaqee hinbeeku_ inni yeroo tokkoo sunuu gahaadhaa ol ture.
4. Osoo Qarshii miiliyoona diigdamii-torba argattee maal ittiin goota?
5. Torbee dhufu keessa giddu-galaa f Lixa Oromiyatti roobni cimaan nirooba jedhamee eeggama.
6. Fufaan yeroo gabaa bahu qarshii dhibba qaba ture; yeroo manatti galu garuu....

Deebii Gilgaala 6.

- A. Caasaan isaan barreessan sirrii ta'uu hubadhu. Barreeffama isaanii caasicha hordofuun akka siif ibsan gaafadhu.
- B. Madda amanamaaf sirrii ta'e argachuun barreessuu isaanii mirkaneessi. Madda odeeffannoo isaanii gaafadhu.
- C. Barreeffama kana irraa funaanii sirreessif. Barreeffama kanaaf, qabxii laachuun madaallif itti fayyadamuu dandeessa.

4. Gaaffiiwwan Keessa Deebii

Barattoonni barnoota boqonnaa kana keessatti baratan akka sirriitti hubatan gaaffiiwwan waliigalaa keessa deebii armaan gadii hojjechiisi.

Gaaffiiwwan armaan gadiif deebii gaggabaabaa kenni.

1. Muudannoo Burqaaf Dureettiirraa maal hubatte?
2. Barreeffama kalaqaaf barreeffama dhugaa maaltu adda taasisa?
3. Dandeettiin asoosama barreessuu uumamaan argama moo barnootaan gabbata?
4. Barreeffama keessatti tajaajila sarara xiqqaaf sarara dheeraa adda baasii barreessi. Fakkeenya himoota lamaan isaanii keessatti tajaajilaman afur barreessi.
5. Garaagarummaa hennaa murannaaf murannaalaa ibsi. Hennaawwan kanneen lamaanii himoota shan barreessi.

5. Madaallii

Dhuma boqannichaarratti, barattoonni danddeettiiwwan armaan gadii gonfachuu isaanii mirkaneeffadhu.

- Barreeffama dhihaateef, saffsaan, sakattaa suuta dubbisuun dhaamsa addaddaa barreeffamicha keessaa hubachuu
- Jechoota dubbisa keessaa bahaniif hiika galumsaa laachuu danda'uu,
- Tajaajila sarara dheeraa, sarara xiqqaaf, fuftuu hubachuun himoota isaanii keessatti itti fayyadamuu danda'uu
- Seenaa hidda dhalootaa isaanii caaseffamaaf, barreeffamaan barreessuu danda'uu
- Hennaawwan murannaaf muraannalaa tajaajila isaanii hubachuun himoota isaanii keessatti itti fayyadamuu danda'uu.

Boqonnaa 6: Onesmoos Nasiib (Wayitii 9)

Seensa Boqonnichaa

Boqonnaa kana keessatti barattooni mata-duree, “Onesmoos Nasiib” jedhu dubbisuun seenaa jireenya Onesmoos Nasiibf jaalala guddaa uummata isaaf qaburraa ka’uun gumaacha inni guddina Afaan Oromoof godhe akka hubatanii dinqisiifatan isaan taasisa. Gama biraatiin, ogummaa barreeffama isaanii dhiyaate akkaataa addaddaatiin dubbisuun dhaamsa gaaffiwwan gosoota addaaddaa deebisuu shaakalu. Dabalataanis, ogummaa jechootaaf hiika galumsaa laachuu cimsatu. Caaslugaan walqabatee ammoo, garaagartii sirna tuqaalee mallattoo waraabbii dachaa (“ ”)f mallattoo waraabbii qeenxee (‘ ’) hubachuun himoota keessatti sirriitti akka itti fayyadaman; akkasumas, maqaaf gosoota maqaa adda baasuun akka hubatan isaan gargaara. Dhumarrattis geerarsaaf seenaa namootaa barreessuu akka shaakalan isaan jajjabeessa.

1. Kaayyoo: Barnoota boqonnaa kanaatiin booda barattooni:

- namoota guddina Afaan Oromoof gumaacha godhan/bu’aa qabatamaa buusan himu.
- saffsaan dubbisuun yaadawwan ijoo/gurguddaa adda baasuun himu.
- sakattaan dubbisani qabxiiwwan gooree adda baasu.
- hiika galumsa jechootaa himu.
- seenaa namoota Afaan Oromoo guddisuuf carraaqanii barreessu.
- sirna tuqaalee mallattoo waraabbii dachaa (“ ”)f mallattoo waraabbii qeenxee (‘ ’) himoota keessatti sirriitti itti fayyadamu.
- maqaaf gosoota maqaa adda baasanii himu.
- geerarsa barreessuun ergaa inni dabarsu ibsu.

2. Qabiyyee

- Dubbisuuf dubbachuu
- Dubbisa, “Onesmoos Nasiib” jedhu.
- Hiika jechootaa
- Caasluga- waraabbii dachaaaf waraabbii qeenxee, maqaaf gosoota maqaa
- Geerarsaaf seenaa namootaa barreessuu

3. Mala baruu-barsiisuu

Barannoo 1: Dubbisuufi Dubbachuu

Gilgaala 1: Shaakala Dubbisuun Duraa

Kaayyoon shaakala kanaa barattoonni osoo barreeffama dhiyaateef dubbisuu hineegaliin beekumsa waa'ee Onesmoos Nasiib ilaalchisuun qaban akka yaadataniif. Kuni ammoo barreeffamicha haala gaariin dubbisanii akka hubatan haal-duree mijeessaaf. Kanaafuu, gaaffiwwan kanneen gareen irratti mari'atanii gama bakka bu'aa isaaniin dareef akka dhiheessan taasisi. Deebii isaanii siirriidha ykn sirrii miti jechuu osoo hintaane, wanta beekan qofa akka walitti himan gochuutu barbaachisa.

Gilgaala 2: Shaakaloota Yeroo Dubbisuu

Kaayyoon shaakaloota kutaa kana jalaa barattoonni yeroo barreeffamicha dubbisan tarsiimmoowwan dubbisaa addaddaa akka shaakalaniif. Kanaan walitti qabatee shaakaloonni hundinuu kaayyoo mataa isaanii qabu. Kanaafuu barattoonni ajaja shaakalootaaf kennaman hubannoon dubbisuun gaaffiwwan akka deebisan taasisi.

Deebii gilgaala A.

1. Hiikaa
2. Saddeet
3. Weerartootaan hatameeti.
4. Hinmilkooftne. Sababni isaas, mootummaan Minilik eeyyama wanta dhoorkateef.
5. Karaa Sudaan

B. Akkaatuma odeeffannoo barreeffamichaatiin, himoota armaan gadii soba ykn dhugaa jechuun sababa wajjiin deebisi.

1. Soba. Weerartoota yeroo duraaf isa hate gurguretu baaseef.
2. Dhugaa
3. Soba. Itti aanaa itti gaafatamaa Qoontsilaa Faransaayi kan ture, nama Weerner Munziinger jedhamutu bilisa isa baase.

- Hoolaa--- maqaa gamtaa
Halbee---- maqaa gamtaa
4. Oromiyaan Albuuda hedduu qabdi.
Oromiyaa---- Maqaa dhuunfaa
Albuuda---- maqaa gamtaa
5. Ummanni Chaayinaa hojjiidhaan cimaadha.
Ummanni--- maqaa dimshaashaa
Chaayinaa--- maqaa dhuunfaa
Hojii--- maqaa killayyaa
6. Obbo Ayyaanaan saawwan baayyee qabu.
Ayyaanaa--- maqaa dhuunfaa
Saawwa---- maqaa dimshaashaa
7. Finfnneen handhuura Oromiyaatti.
Finfnnee--- Maqaa dhuunfaa
Handhuura---maqaa gamtaa
Oromiyaa--- maqaa dhuunfaa
8. Firaal'ol muka muree mana ijaare.
Firaal'ol---- Maqaa dhuunfaa
Muka--- maqaa gamtaa
Mana—maqaa gamtaa

Barannoo 3: Shaakala Afoolaa

Geerarsa Barreessuu

Deebii Gilgala 5:

Geerarsi isaan barreessan kan hawaasicha keessatti geeraramu ta'uuf, yeedaloo eeganii barreessuu isaanii hubadhu. Kanuma mirkaneessuuf, barattoonni muraasni dareetti akka geeraran taasisi.

Geerarsa Gorsaa

waan abbaan koo na gorsee

Nan dhaggeeffadha obsee

Gaangoo hinleenjisiin jedhee

Namni gangoo leenjisuu

Miidhaa dugdaa hindhabuu

Gaggura hinhidhiin jedhee

Nasmni gaagura hidhu

Seela ilkaanii hindhabuu

Barannoo 4: Shaakala Barreessuu

Deebii Gilgaala 6:

- A.
1. “Jireenyi jaalala malee hiikoo hinqabu,” jette Biliseen.
 2. “Waadaan” filmiiwwan Afaan Oromoo keessaa tokko.
 3. “Afaan Ingiliizii Afaanota kaan nicaala,” jechuun warri morman jiru.
 4. Ogeeyyiin fayyaa ‘bargarii’ baayyisanii nyaachuun wanta nama furdisuuf of eeggannoo gochuun barbaachisaa akka ta’e gorsu.
 5. Kitaaba “Ogbarruu Afaan Oromoo” jedhamu naaf biti.
 6. “Wanti nama, nama taasise hojiidha,” jedhe Kaarl Maarkis.
 7. “Kitaaba’ seerluga Afaan Oromoo’ jedhu maxxansiisuufan jira ,”jedhe Addunnaan.
- B. Himoota isaanii keessatti akkaataa fakkeenyawwan laatamaniin sirna tuqaalee lamaanitti fayyadamuu isaanii mirkaneeffadhu.

Deebii Gilgaala 7A:

Seenaa kana haala sirriitti qindaa’een barreessuu isaanii, seenichi seenaa dhugaa ta’uu isaa seera caaslugaa hunda eeganii barreessuu isaanii hubadhu. Barattoonni seenaa kana barreessuun dura, namoonni guddina afaan Oromoof gumaacha guddaa taasisan eenyufaa akka ta’an dareetti irratti mari’achuun adda baasisi. Sanaan booda, namoota sanneen keessaa flatanii barreessuu

danda'u.

Deebii Gilgaala 7B:

Haaluma ajaja laatameetiin mana kitaabaa deemuun odeeffannoo kitaabotaa haala sirrii ta'een funaanuun qindeessanii dhiheessuu isaanii mirkaneeffadhu.

4. Gaaffiiwwan keessa Deebii

Barattoonni barnoota boqonnaa kana keessatti baratan akka sirriitti hubatan gaaffiiwwan waliigalaa keessa deebii armaan gadii hojjechiisi.

Gaaffiiwwan armaan gadiif deebii gaggabaabaa kenni.

1. Seenaa Onesmoos Nasiib gabaabsii dareetti himi.
2. Seenaa Oneesmos Nasiibirraa maal baratte?
3. Garaagarummaa saffsaaf sakattaan dubbisuu ibsi.
4. Mallattoo waraabii dachaaq qeenxeetti fayyadamuun himoota sadi sadi barreessi.
5. Maqaaf gosoota maqaa adda baasuun fakkeenya waliin ibsi.

5. Madaallii

Dhuma boqannichaarratti, barattoonni ogummaawwan armaan gadii goonfachuu isaanii mirkaneeffadhu.

- Barreeffama dhihaateef, saffsaan, sakattaa suuta dubbisuun dhaamsa addaddaa barreeffamicha keessaa hubachuu ,
- Jechoota dubbifama keessaa bahaniif hiika galumsaa laachuu danda'uu,
- Tajaajila sirna tuqaalee warabbii dachaaq waraabii qeenxee hubachuun himoota isaanii keessatti itti fayyadamuu danda'uu,
- Maqaaf gosoota isaa adda baasanii hubachuun himoota isaanii keessatti sirriitti itti fayyadamuu,
- Seenaa namoota Afaan Oromoo guddisuuf gumaacha godhanii barreessuu
- Afoola keessaa geerarsa barreessanii yeedaloo isaa eeguun geeraru.

Boqonnaa 7: Faayidaa Bosonaafi Bineensotaa (Wayitii 7)

Seensa Boqonnichaa

Boqonnaa kana keessatti barattoonni, dubbisa “Faayidaa Qabeenya Bosonaaf Bineensotaa” jedhu dubbisuun, bosonniif bineensonni bosonaa jiruuf jireenya ilma namaaf hagam barbaachisaa akka ta’an hubatu. Kuni ammoo bosonaaf qabeenya bosona keessa jiru kunuunsuu keessatti gahee isaanii akka gumaachan isaan danddeessisa. Shaakaloonni boqonnaa kana keessatti laataman dandeettii afaanii addaaddaa akka cimsatan isaan taasisa. Kutaa caaslugaa boqonnaa kana keessatti, maqaan akka maqibsatti akka tajaajilu hubachuun haaluma sanaan itti fayyadamuu danda’u. Shaakala dandeettii barreessuu keessatti ammoo garaagarummaaf tokkummaa wantootni qaban agarsiisuuf wantoota walbira qabanii barreessuu shaakalu. Dhumarrattis, mata-duree isaaniif laattamerratti, yaada dhiyaateef deeggaruun ykn mormuun afaaninis ta’ee barreeffamaan mormii dhiheessu.

1. Kaayyoo: Barattoonni, barnoota boqonnaa kanaatiin booda:

- barreeffama isaaniif dhiyaate akkaataa addaddaan dubbisuun ergaa isaa hubatu.
- faallaa jechootaa kennu.
- garaagarummaaf tokkummaa wantootaa hubachuun ibsu.
- maqaan akka ibsa maqaatti akka tajaajilu nihubatu.
- adeemsaaf akkaataa falmiin itti gaggeeffamu hubachuun falmii gaggeessu.

2. Qabiyyee

- Dubbisuuf dubbachuu
- Dubbisa, “Faayidaa Qabeenya Bosonaaf Bineensotaa” jedhu
- Hiika jechootaa
- Maqaa akka maqibsatti
- Qub-guddeessaaf qoodduu
- Wantoota walbira qabuun walmadaalsisuu
- Falmii gaggeessuu

3. Mala Baruu-barsiisuu

Barannoo 1: Shaakala Dubbisuufi Dubbachuu

Gilgaala 1: Shaakala Dubbisuun Duraa

Kaayyoon gilgaala kanaa barattoonni dubbisatti osoo hinseeniin, beekumsa isaanii waliigalaa gara dubbifamichaatti fduun akka dhaamsa dubbisichaa hubatan; akkasumas, jechoota/gaaleewwan dubbisicha keessatti hiika isaanii hubachuuf ulfaachuu danda'an dursanii akka beekaniif. Kanaafuu, gaaffiwwan 'A' jala jiran irratti mari'achuun wanta beekan akka walitti himan, jechoota "B" jala jiranis, yoo beekan akka walitti himan, yoo kan hinbeekne ta'e ammoo hiika isaanii itti himi.

Shaakala Yeroo Dubbisaa

Deebii Gilgaala 2:

- A
1. Bosonniif bineensonni bosonaa jiruuf jireenya ilma namaaf daran barbaachisaa ta'uu isaanif qabeenya kanneen kunuunsuu akka qabnu ibsa.
 2. Geeddarumsa qilleensaa hambisuu, madda galii ta'uu, madaallii sirnakkoo eeguu, madda qoricha addaddaa ta'uuf kkf.
 3. Kaarboondaayi'ooksaayidiin gara qilleensaatti akka lakkifamu taasisuuni.
 4. Bosonaafi bineensota bosonaa akka harkistoota tuuristootaatti itti fayyadamuuni.
 5. Sababa hoongee deddeebi'ee dhufuun lubbuu ummataaf beeyladooaa dhabaa turteetti.
- B.
- | | |
|--------|-------------------------|
| 1. 20% | 2. tokkoffaa |
| 3. 80% | 4. miiliyoona afurii ol |
- C.
1. a. sababa oo'insa qilleensa dacheetiin, dhangala'iinsa cabbii qarqara lafaa fduun olka'iinsi qaamolee bishaanii akka dabaluu taasisa.
b. geeddarumsa waytii roobaa
c. lolaa, hongee....
 2. kaarboondayi'ooksaayidii bosona keessa jiru akka gadi hinlakkifamne hammatee qabuuf kan duraan qilleensa keessa jiru ammo xuuxuun.
 3. Daldala kaarboonii jechuun biyyoonni industiriin guddatanii kaarboondaayi'ooksaayidii heddu maddisiisan biyyoota industiriin hinguddatiniif bosona heddu qabaniif maallaqa akka kanfalan gochuudha.
 4. kuruphee, bosonuu, karkarroo, booyyee f, kkf.
 5. Biyyee haratni lolaan haxaawwaman gara hidhaatti nam'uun hidicha guutuun hanga bishaan inni qabachuu danda'uu xiqqeessa.

6. qoricha oomishuuf
 7. Mammaaksichi ilma namaaf mammaakkame. Ilimi namaa yoo ofi jedhe bosona haakunuunsu ykn ofumaaf miidhama jechuudha.
- D.
- | | |
|--------------------------|---------------------------------------|
| 1. simachuu | 2. jibbisiisan/ijaaf qalbiif hintolan |
| 3 Nitufama/gadilakkifama | 4. mancaaste |
| 5. Ni'ulfaachisa | 6. Seeran ala |
| 7. goggogsuu | 8. faayidaa |
| 9. xiqqoo | |

Shaakala Dubbisuun Boodaa

Deebii Gilgaala 3:

Kaayyoon gilgaala kanaa barattoonni, hubannoo dubbisarraa argatan haala qabatamaa naannoo isaaniin walmaddii qabuun akka hubatan taasisuuf bosonaaf qabeenya bosonaa eeguu keessatti gaheen isaanii maal akka ta'e akka hubataniif. Kanaafuu gaaffiwwan dhihaatanirratti mari'achuun akka dareef gabaasan jajjabeessi.

Barannoo 2: Shaakala Caaslugaa

Deebii Gilgaala 4:

- A.
1. Bishaan lagaa osoo hindanf sin dhuguun dhibee namatti fduu danda'a.
 2. Aannan re'ee daran nama jabeessa.
 3. Seerri biyya keenyaa ilkaan arbaa heeyyama malee bitanii gurguruu nidhoorka.
 4. Naanna tokko tokkootti dammi daamuu qoricha jedhameet amanama.
 5. Naannawa gammoojjiitti bal'inaan midhaan mukaatu oomishama.
 6. Obbo Galgaloon horii gaanfaa 100f kanniisa gaagura 40 qaba.
- B. Maqaalee laataman kanneen sirriitti akka maqibsootaatti itti fayyadamuu isaanii mirkaneessi.

Fkn. Rooba gannaatti fayyadamuun oomisha gahaa oomishuu qabna.

Barannoo 3: Shaakala Barreessuu

Deebii Gilgaala 5:

- A. Qabxiwwan Qilxuuf Odaa adda baasan tarreessuu isaanii hubadhu.
- B. Qabxiwwan 'A' jalatti tarreessanirratti hundaa'uun Qilxuuf Odaa walmaddii qabanii haala tokkummaaf garaagartii isaanii agarsiisuun barreessuu isaanii mirkaneessi.

Deebii Gilgaala 6:

Kaayyoon gilgaala kanaa barattoonni seera falmii eeganii falmii gaggeessuu akka shaakalaniif. Kanaafuu, mata-duree flatanirratti ja'a ja'a ta'anii akka falman taasisi. Garee tokko keessatti, barattoonni sadi yaadota lamaan dhiyaatan keessaa tokko deeggaruun sadi ammoo kan biraa deeggaruun akka waliin falman taasisi. Garee hunda keessatti, barataan tokko dura-taa'aa ta'uun mormicha akka gaggeesisiisu taasisi. Erga afaaniinmormanii raawwataniin booda, qabxiwwan mormii isaanii akka sitti himan taasisuun gabatee-gurraacharratti qindeessitii qabxiwwan kanneenirratti hundaa'uun akka mormii isaan barreessan taasisi.

4. Gaaffiiwwan keessa Deebii

Barattoonni barnoota boqonnaa kana keessatti baratan akka sirriitti hubatan gaaffiiwwan waliigalaa keessa deebii armaan gadii hojjechiisi.

Gaaffiiwwan armaan gadiif deebii gaggabaabaa kenni.

1. Mata-duree "Qabeenya Bosonaa Bineensotaa" jedhurratti keeyyata gabaabaa tokko barreessi.
2. Faallaa jechoota armaan gadii barreessi.
 - a) araara _____
 - b) mancaasuu _____
 - c) badhaadhina _____
 - d) callaa _____
3. yemmuu tokkummaaf garaagarummaa wantootaa barreessinu jechoota maal maalitti fayyadamna?
4. Maqaalee akka maqibsatti tajaajilan shan barreessii himoota ittiin ijaari.
5. Seera falmiin itti gaggeeffamu barreessi.

5. Madaallii

Dhuma boqonnicharratti, barattoonni dandeettiiwwan armaan gadii gonfachuu isaanii mirkaneeffadhu.

- Barreeffama dhihaateef, saffsaan, sakattaa suuta dubbisuun dhaamsa addaddaa barreeffamicha keessaa hubachuu
- Jechoota dubbifama keessaa bahaniif hiika galumsaa faallaa hiika galumsaa laachuu danda'uu
- Maqaa akka maqibsaatti tajaajilamuun himoota barreessuu
- Garaagarummaaf tokkummaa wantootaa sirriitti barreessuu danda'uu
- Mata-duree laatameef irratti afaaniinis ta'ee, barreeffamaan falmii gaggeessuu danda'uu isaanii,

Boqonnaa 8: Garaa Kaasaa (wayitii 7)

Seensa Boqonnichaa

Boqonnaa kana keessatti barattoonni, dubbisa “Garaa Kaasaa” jedhu dubbisuun, wantoota dhibee garaa kaasaa namatti f dan, miidhaawwan dhibichi namarraan gahu; akkasumas, tooftaalee dhibee kana ittiin ofrraa ittisuun danda’amu akka hubatan isaan danddeessisa. Hubannoon kun ammoo dhibee du’a namoota, keessumattuu du’a daa’imman hedduuf sababa ta’e kana too’achuu keessatti qooda isaanii akka gumaachan isaan taasisa. Shaakaloonni boqonnaa kana keessatti laataman ogummaa afaanii addaddaa akka cimsatan isaan taasisa. Kutaa caaslugaa boqonnaa kanaa keessatti, maqibsaaf gosoota isaa adda baasanii akka hubatan, gochima akaakuu isaatiin adda baasanii akka hubataniiif himoota isaanii keessattis sirriitti akka itti fayyadaman dandessisa. Dabalataanis, amaloota keeyyata haala gaariin barreeffamee beekuun keeyyata gaarii akka barreessan; hima keessatti sababaaf bu’aa adda baasanii akka hubatanif yaada haqaaf dhuunfaa adda baasanii akka hubatan isaan danddeessisa.

1. Kaayyoo: Barattoonni, barnoota boqonnaa kanaatiin booda:

- barreeffama isaaniif dhihaate dubbisuun ergaalee guguddoof xixiqqaa adda baasuun himu.
- jechootaaf hiika galumsaa kennu.
- maqibsaaf gosoota isaa adda baasanii hubachuun himoota isaanii keessatti itti fayyadamu.
- gochimaaf gosoota isaa hubatanii itti fayyadamu.
- amaloota keeyyata haala gaariin barreeffamee hubatu.
- himoota keessatti sababaaf bu’aa adda baasanii himu.
- haqaaf yaadota dhuunfaa adda baasanii hubatu; barreeffama isaanii keessattiis itti fayyadamu.

2. Qabiyyee

- | | |
|--------------------------|---------------------------------|
| • Dubbisuuf dubbachuu | • Dubbisa “Garaa Kaasaa ” jedhu |
| • Hiika jechootaa | • Maqibsaaf gosoota isaa |
| • Gochimaaf akaakuu isaa | • Amaloota keeyyataa |
| • Sababaaf bu’aa | • Yaada haqaaf dhuunfaa |

3. Mala Baruu-barsiisuu

Barannoo 1: Shaakala Dubbisuufi Dubbachuu

Gilgaala 1: Shaakala Dubbisuun Duraa

Kaayyoon gilgaala kanaa barattoonni dubbisatti osoo hinseeniin, beekumsa isaanii waliigalaa gara dubbifamichaatti f duun akka dhaamsa dubbisichaa hubatan gargaaruf. Kanaafuu gaaffiwwan dhihaate frratti mari'achuun wanta beekan akka walitti himan jajjabeessi; karaa bakka-bu'aa isaaniin akka gabaasanis gaafadhu.

Shaakala Yeroo Dubbisuu

Deebii Gilgaala 2:

- A. 1, daa'imman waggaa shanii gadii
2. Namni dhibee kanaan qabame guyyaatti si'a sadi ykn sanaa ol gadteessuma qallaa akka bishaanii gadi taa'uu qaba. Yoo mallattoon kuni nama tokkorratti mul'ate, namichi, dhibee garaa kaasaatiin qabame jechuudha.
3. sadi
4. afur
5. Bishaan qulqulluu, soogidda/ashaboo f shukkaara walitti makanii obaasuudha.
- B. 1 miiliyoona 1.5
2. sadiif sanaa ol
3. baakteeriyoota, vaayirasiif maxxantoota gosa addaddaatiin
4. biiliyoona lamaa ol
5. biiliyoona tokkoo ol
6. bara 2004 sadarkaa sadaffaa qabachuun namoota 6.9% ajjeesera.
- C. 1. dhibee sombaati.
2. bishaaniif ashaboo/soogidda jireenyaaf barbaachisaan qaama namaa keessaa f xuun
3. ogummaan qaama isaanii dhibee of rraa ittisuu wanta dadhabuuf.

4. namni dhibee kanaan qabame guyyaatti si'a sadi ykn sanaa ol gad-teessuma qallaa akka bishaanii gadi taa'uu qaba. Gama biraatiin namni dhibee kanaan qabame saffsa irra deddeebii yeroo fayyaa ture ittiin gadi taa'u caalaa irra deddeebi'ee gadi taa'uu qaba. Mallattoon kun dhibee garaa kaasaa dhibeewwan kaanirraa adda baasnee akka beeknu nudanddeessisa.
5.
 - a. Garaa kaasaa daran cimaa ta'eef gad-teechuma bishaan fakkaatu gadi nama teechisu ta'ee sa'aatii ykn guyyoota hedduuf namarra turuu danda'a. Fakkeenyaaf, Koleeraan garaa kaasaa akka kanaa keessatti ramadama.
 - b. Gaditeechuma cimaa dhiiga makate. Kuni Afaan Ingiliiziitiin 'Dysentry' jedhama.
 - c. Garaa kaasaa walirraa hincinne; kan torbee lamaaf sanaa ol turu.
6.
 - Bishaan gad-teechuma (boolii) namaatiin faallame dhugaatiif, nyaata bilcheessuuf qulqullinaaf fayyadamuu. Dhoqqeeff bobbaan beeyladoo biroos lubbu-qabeeyyii ijaan hinmul'anne kan dhibee kanaaf sababa ta'an qabaachuu mala.
 - Hanqinni nyaataa mataa isaatiin ogummaa uumamaan qamni dhibee of rraa ittisu dadhabsiisuun dhibichaaf nama saaxiluu danda'a.
 - Nyaanni yoo qulqullinaan qophaa'uu baateef iddoo qulqulluutti kuufamuu ykn kaa'amuu baate, dhibee kanaaf sababa ta'a.
 - Nyaanni bonee bishaan faallameen oomishame, qurxummii f nyaatonni biroo bishaan faallamaa/xuraa'aa keessaa funaannamanis sababa dhibee kanaa ta'uu malu.
7. Biyyoota guddinaan duubatti hafan keessatti qulqullinni naannoos ta'ee kan dhuunfaa kan hanqina qabu ta'uu, namoonni hedduun nyaata gahaa kan hinarganne ta'uuf kkf.

2. Intala abshaala saniin hinmichoomiin.
Abshaala---maqibsa maalummaa agarsiisu.
Hinmichoomiin--- gochima gocha agarsiisu
3. Fardeen isaanii garbuu keenya nyaatan.
Isaanii --- maqibsa abbummaa agarsiisu
Nyaatan--- gochima gocha agarsiisu
4. Abbaan Tolaa hoolota torba gurgure.
Torba--- maqibsa lakk. Agarsiisu.
Gurgure--- gochima gocha agarsiisu
5. Namichi sanyii facaasuu kun Margaadha.
Facaasuu--- gochima gocha agarsiisu
Margaa---- maqibsa eenyummaa agarsiisu
6. Ganda keenya keessaa eenyu beekta.
Keenya---maqibsa abbummaa agarsiisu
Eenyu--- maqibsa iyyaafannoo
7. Intalli abbaa Galgaloo sun 'Moonaaliizaa' fakkaatti.
Moonaaliizaa—maqibsa maalummaa agarsiisu
Fakkaatti--- gochima walqabsiiftuu
8. Foon sangoolii Salaalee nimi'aawa.
Salaale--- maqibsa maalummaa agarsiisu
Nimi'aawa---gochima ta'umsaa
9. Gurbaa magaalli sun nimiidhaga.
Magaalli--- maqibsa maalummaa
Nimiidhaga--- gochima ta'umsaa
10. Namoonni tokko tokko dhibee garaa kaasaa ilaalchisuun hubannoo
dogoggoraati qabu.
Tokko tokko----maqibsa baayyinaa
Dogoggoraa--- maqibsa ta'umsaa
Qabu—gochima walqabsiiftuu

Barannoo 3: Barreessuu

Deebii Gilgaala 5:

Himoota armaan gadii keessatti sababa si'a tokko, bu'aa ammoo si'a lama jala sarari.

Fkn: Dhibeen garaa kaasaa, du'a daa'imman hedduu qaqqabsiise.

1. Hanginni roobaa bara darbe uummame, **beela fide**.
2. Roobsan yeroo hunda cimee waan qo'atuuf **daree keessaa 1ffaa bahe** .
3. **Dhibeen garaa kaasaa** bishaaniif nyaata qulqullina hinqabnerraa dhufa.
4. Uummanni Chaayinaa wanta cimee hojjetuuf **saffisaan hiyyummaa keessaa bahaa jira** .
5. **Addunyaarratti du'a daa'immaniif** **sababni sadarkaa tokkoffaan dhibee Sombaati.**
6. Hanginni nyaataa **dhibee garaa kaasaatiif nama saaxila** .
7. Ooggantoonni biyyoota tokko tokkoo wanta fedhii uummata isaanii **hineegneef humnaan taa'itaa isaaniirraa fonqolchamu.**
8. **Jaalatamaniifi kabajamni Onesmoos Nasiib ummata Oromoo biratti qabu** , **hojii qabatamaa inni uummatichaaf hojjeterraa burqa.**

Gilgaala 6:

Himoota armaan gadii keessaa kam kamtu yaada haqaa akka ta'an, kam kamtu ammoo yaada dhuunfaa akka ta'an adda baasuun sababa waliin ibsi.

1. Kilabiin kubbaa miilaa akka Arsenaal cimaan hinjiru.
Yaada dhuunfaa----namoonni biraammoo cimaan Maanchisar Yunaayitid jechuu malu.
2. Magaalli guddoon Xaaliyaanii Room jedhamti.
Yaada haqaa---Kuni dhugaa eenyumtuu hinmormine
3. Caccabsaan baayyee mi'aawa.
Yaada dhuunfaa--- Namoota biratti ammoo foon dheedhii ykn kan biraa ta'uu mala.

4. Obbo Nagawo sooressa badaadha.
Yaada dhuunfaa--- Namoonni biraa ammoo obbo Nagawo hangas mara sooressa miti jedhanii yaaduu malu.
5. Tolchaan Siifan baayyee jaalata.
Yaada dhuunfaa--- Namoonni biraa ammoo hagas mara hinjaalatu jechuun sababa dhiheessuu malu.
6. Magaalaan Fin fnee aanota 116 qabdi. yaada haqaa
7. Addunyaa keessatti waggaa tokkotti ummata biiliyoona lamatu dhibee garaa kaasaatiin qabama.
Yaada haqaa--- kuni kan qu'annoon mirkanaa'e.
8. Adaamaan bashannanaaf mijaattuudha.
Yaada dhuunfaa--- Nammoonni kaan ammoo yaada addaa qabaachuu malu.
9. Cimanii hojjechuun nama sooromsa.
Yaada haqaa--- haqa kana eenyutu morma?
10. Shamarrri akka Biqiltuu miidhagdu gonkuma hinjirtu.
Yaada dhuunfaa---- namni biraa ammoo miti jedhee amanuu mala.

Deebii Gilgaala 7:

Keeyyanni isaanii amaloota keeyyata kitaaba barataarratti ibsame guutuun barreeffamu isaa mirkaneeffadhu.

4. Gaaffiiwwan keessa Deebii

Barattoonni barnoota boqonnaa kana keessatti baratan akka sirriitti hubatan gaaffiiwwan waliigalaa keessa deebii armaan gadii hojjechiisi.

Gaaffiiwwan armaan gadiif deebii gaggabaabaa kenni.

1. Dhibeen garaa kaasaa dhibee akkamiiti?
2. Dhibeen garaa kaasaa akkamiin namatti dhufa?
3. Dhibee garaa kaasaa akkamitti of rraa ittisuun danda'ama?
4. Maqibsaaif gosoota isaa adda fakkeenya waliin ibsi.

baasuun ibsi.

5. Gochimaafi gosoota isaa fakkeenya waliin ibsi.
6. Amaloota keeyyata haala gaariin barreeffamee tarreessi.
7. Mata-duree “Akkaataa Dhibee Garaa Kaasaa Ittiin Ofrraa Ittisnu” jedhurratti keeyyata amaloota hunda guuttate barreessi.
8. Himoota sababaaf bu’aa of keessaa qaban shan barreessuun sababaaf bu’aa adda baasuun himi.
9. Himoota yaada dhuunfaa agarsiisan sadi, kan haqa agarsiisanis sadi barreessi.

5. Madaallii

Dhuma boqonnicharratti, barattoonni ogummaawwan armaan gadii goonfachuu isaanii mirkaneeffadhu.

- Barreeffama dhihaateef, saffsaan, sakattaa suuta dubbisuun dhaamsa addaddaa barreeffamicha keessaa hubachuu
- Jechoota dubbifama keessaa bahaniif hiika galumsaa laachuu danda’uu
- Maqibsaaf gosoota isaa adda baasuun hubachuuf himoota isaanii keessatti sirriitti itti fayyadamuu
- Gochimaaf akaakuu isaa hubachuun himoota isaanii keessatti itti fayyadamuu
- Amaloota keeyyata sirriitti hubachuun keeyyata barreessan keessatti agarsiisuu
- Himoota keessatti sababaaf bu’aa adda baasuu danda’uu
- Yaada haqaaf yaada dhuunfaa adda baasuun hubachuu.

Boqonnaa 9: Sirna Gada (Wayitii 9) Dheerina wayitii tokkoo daqiiqaa 40

Seensa Boqonnichaa

Boqonnaa kana keessatti barattoonni ogummaa dhaggeeffachuuf dubbisuu jaraa cimsuuf kan jara gargaaran gilgaala adda addaa nishaakalu. Kana malees, seerluga Afaan Oromoo keessaa gosoota walqabsiisotaa, caasaa himaaf ibsa gochimaa hima keessatti addaan baasanii hubatu. Shaakalli hiika jechootaa haala galumsa jaraan nigegeessu.

1. Kaayyoo: Barattoonni, barnoota boqonnaa kanaatiin booda:

- Dubbisa “Sirna Gadaa” dubbisuun hubanno cimsatu.
- Jechootaaf hiika galumsaa kennu.
- Gosoota walqabsiisota addaan baasuun itti fayyadamu.
- Caasaa himaa addaan baasuun himu.
- Ibsa gochimaaf gosoota isaa hima keessa galchuun itti fayyadamu.

2. Qabiyyee

- Dubbisa mataduree “Sirna Gadaa” jalatti dhiyaate
- Hiika galumsa jechootaa
- Gosoota walqabsiisotaa
- Ibsa gochimaaf gosoota isaa
- Caasaa himaa

3. Mala Baruu-Barsiisuu

Barannoo 1: Dhaggeeffachuufi Dubbachuu

Gilgaala 1: Shaakala Dhaggeeffachuun Duraa

Deebii gilgaala 1A

Gaaffiiwwan gilgaala kana jalatti dhiyaatan barattoonni osoo gara

dhaggeeffachuutti hince'iin dura gareen akka irratti mari'atanu yaadamee kan qophaa'ani. Atis barattoonni gareen gaaffiwwan dhiyaatan irratti akka mariyaatanu godhi. Deebii barattoonni kennanu hunda keessumsiisi. Kaayyoon gilgaala kanaas deebii murtaa'e tokko argachuuf kan qophaa'ee miti.

Deebii gilgaala 1B

Gara dhaggeeffachuutti barattoonni osoo hince'iin dura hiika jechoota dhiyaatanii akka tilmaamanu godhi. Tilmaammii jara hunda keessumsiisi.

Fakkeenyaaf jecha 'maalummaa' jedhu barattoonni 'eenyummaa', 'sabummaa' f kkf jedhanii hiikuu nidanda'u.

Gilgaala 2: Shaakala Yeroo Dhaggeeffachuu

Barreeffama waa'ee aadaa irratti qophaa'eef ati dubbistuuf dhaggeeffachaa barattoonni gaaffiwwan gilgaala kana jala jiranu akka deebisan godhi. Barreeffamichas al lama yookaan al sadii dubbisiif. Waan ati xiyyeeffachuun sirraa eegamu tokko yoo jiraate dubbisuu osoo hineegaliin dura barattoonni gaaffiwwan kana jalqaba akka dubbisanii yaada jaraa argatan godhi.

Deebii gilgaala 2A

1. amalaa f yaada baratamaa
2. amantaa, seera amalaa, afaan, aartii teeknooloojii, haala oomishaa f qophii nyaataa, amantaa, sirna siyaasaaf diinagdee
3. aadaa
4. Tokkoffaan, aadaan mallattoolee qabatamaarratti hundaa'a. Kunis mallattooleef qooqa fayyadamuun waliigaluu ofkeessatti hammata. Lammaffaan, aadaan kan waliiniiti. Ummanni hawaasa tokko amalootaaf karaa itti yaadu waliin hirmaata. Sadaffaan, aadaan nibaratama. Kana jechuun namni tokko aadaa kan baratu namoota hawaasa sana keessa jiran irraatti.
5. walqixa
6. guddinaaf dagaagina

Aadaa

Aadaan amalaaif yaada baratamaa ummanni garee hawaasummaa tokko keessa jiru baratu, uumuuf bocu. Aadaan, garee hawaasaa tokko kan biraarraa adda kan goduudha. Aadaan ummata tokkoo amantaa, seera amalaa, afaan, aartii, teeknooloojii, haala uffannaa, haala oomishaaf qophii nyaataa, sirna siyaasaaf diinagdee dabalata.

Qorannaan aadaa irratti godhaman hedduun jaraa akka ibsanutti, aadaan jireenya garee hawaasaa tokko keessatti iddoo guddaa akka qabu agarsiisa. Hawaasni tokko maalummaa isaa kan calaqqisiisu aadaa isaatiin. Aadaan hawaasa tokkoof akka mallattoo eenyummaatti gargaara jechuudha. Hawaasni kamiyyuu aadaa uffannaa, aadaa nyaataa, aadaa sirbaa, aadaa cidhaa, aadaa jireenyaaf kan kana fakkaatanu hedduu qabaachuu nidanda'a.

Kana malees, aadaan amaloota adda isa godhan baay'ee qaba. Tokkoffaan, aadaan mallattoolee qabatamaarratti hunda'a. Kunis mallattooleef qooqa fayyadamuun waliigaluu ofkeessatti hammata. Lammaffaan, aadaan kan waliiniiti. Sadaffaan, aadaan nibaratama. Kana jechuun namni tokko aadaa kan baratu namoota hawaasa sana keessa jiran irraati.

Aadaan gara gara. Ummanni kamiyyuu aadaa mataa isaa qaba. Ogeessonni aadaa dhimma kana hubachuun, hawaasni adda addaa aadaa walii akka hubatan jajjababeessu. Haaluma kanaan, namoonni hedduun aadaan kamiyyuu kan biraarraa adda ta'uu isaa hubachuun aadaawwan hunda walqixa kabaju. Aadaan tokko guutumaa guutuutti kan beeku nama aadicha keessatti dhalatee, jiraateef hirmaate qofa ta'ullee, namoonni biraa aadaa sana kabajuuf fedhuun nibaratu. Walumaagalatti, aadaan maalummaaf jireenya hawaasa tokkoo calaqqisiirra darbee guddinaaf dagaagina hawaasa sanaaf faayidaa hedduu qaba. Barbaachisummaan aadaa ofi beekuuf kabajuuf gonkumaa shakkii hinqabu. Mee nutis, hangam aadaa ummata keessa jiraachaa jirru akka beeknu of haagaafannu.

Deebii gilgaala 2B

Gaaffiwwan gilgaala kana jalatti dhiyaatan keessaa kan yaada sirrii hintaane 'soba' kan sirrii ta'e ammoo 'dhugaa' jechuun sababa jaraa wajjin akka barreessan godhi. Sababni jarri kennanus barreeffama ati dubbisteeff keessaa ta'uu akka qabu akeekkachiisi.

- | | |
|-----------|-----------|
| 1. Soba | 2. Soba |
| 3. Dhugaa | 4. Dhugaa |
| | 5. soba |

Gilgaala 3:Shaakala Dhaggeeffachuun Boodaa

Deebii

Kaayyoon gilgaala kanaa barattoonni hubanno dhaggeeffachuu keessaa argatan hangam haala jireenyaa yookaan naannoo jaraa wajjin walsimsiisuuf akka carraaqan beekuuf. Kanaafuu, atis barattoonni gaaffiwwan gilgaala kana jalatti dhiyaatan gareen akka irratti mariyatana godhi. Yaadni barattoonni kaasanu hundi akka deebiitti fudhatama.

Barannoo 2: Dubbisuufi Dubbachuu

Gilgaala 4: Shaakala Dubbisuun Duraa

Deebii gilgaala 4A

Gilgaalli kun qaama shaakala dubbisa duraa waan ta'eef deebii sirrii yookaan sirrii miti jettee murteessitu hinqabu. Atis barattoonni gareen gaaffiwwan dhiyaatan irratti akka mari'atana godhi.

Deebii gilgaala 4B

Jechoota gilgaala kana jalatti dhiyaatan osoo barattoonni gara dubbisatti hicc'iin dura akka hiika jaraa tilmaamanu godhi.

- Fkn: laayyoo: salphaa
yaa'ii : walga'ii, marii
luboota: miseensota, qoodafudhattoota

Deebii gilgaala 5: Shaakala Yeroo Dubbisuu

Deebii gilgaala 5A:

Osoo gara dubbisaatti hinseeniin dura jalqaba barattoonni gaaffiwwan dhiyaatan akka dubbisanii qalbeeffatan godhi.

1. Gadaa jechuun sirna ittiin bulmaata ummata Oromoo jechuudha.
2. Kuuchuu, Raaba, Dabballee, Doorii, Lubaaf Gadaa jedhamanii beekamu.
3. Fakkeenyaaf yaa'ii Oromoonni odaa jalatti godhatan keessaatti Abbaan Bokkuu karaa mirgaa yoo taa'u, qondaaltonni kaan karaa bitaa akka hangafummaa lammiif umrii isaaniitti walitti aanuudhaan taa'u. Mariinis yammuu adeemsisan, kan dubbatan hangafaaf quxisuu umriin waleeganiiti. Namoonni yaa'ii kanarratti argaman hunduu yaada kennuufs ta'e murtii dabarsuuf ilaalcha isaanii ibsuuf mirga guutuu qabu.
4. Ayyaanni kun kan dhangaan itti nyaatamee dhugamu, akkasumas waan mo'ataniif kan itti gammadamu.
5. Adeemsa marii seera haaraa irratti godhamu kun dargaggootaaf bakka itti dubbii dhaggeeffachuuu baratan ta'ee tajaajila.

Deebii gilgaala 5B

Gaaffiwwan gilgaala kana jalatti dhiyaataniif 'soba' yokaan 'dhugaa' jechuun sababaa wajjin akka deebisanu godhi.

- | | |
|-----------|---------|
| 1. Soba | 2. Soba |
| 3. Dhugaa | 4. Soba |

Deebii gilgaala 5C

Dubbisa waa'ee Sirna Gadaa irratti dhiyaate suuta jedhanii erga dubbisanii booda gaaffiwwan gilgaala kana jalatti dhiyaatan barreeffamaan akka deebisan godhi.

Deebii gilgaala 5D

- | | |
|------|------|
| 1. B | 2. C |
| 3. A | 4. B |
| 5. C | |

Gilgaala 6: Shaakala Dubbisuun Boodaa

Deebii

Gaaffiwwan gilgaala kana jalatti dhiyaataniif deebii murtaa'aa argachuu dhabuu nidandeessa. Xiyyeeffannaa kee ta'uu kan qabu, hangam barattoonni yaada dubbisa dhiyaatee haala jireenya jaraaf naannoo jaraa wajjin walqabsiisaniiru isa jedhu haata'u. Atis barattoonni yaada jaraa dhiyeessu irratti akka xiyyeeffatan gorsi.

Barannoo 3: Caasluga

Deebii gilgaala 7A

A. Walqabsiisota ida'ama yaadaa kanneen agarsiisan

- kana malees
- waan akka
- hoo
- akkasumas
- ammoo
- akkuma
- osoo
- silaayyuu
- dabalees

B. Walqabsiisota yaada faallaa kanneen agarsiisanu

- garuu
- haa ta'u malee
- ta'uyyuu
- ta'us
- tahulle
- karaa biraan

C. Walqabsiisota flannoo yaadaa agarsiisanu

- yookaan
- haa ta'u
- yookaanis
- kanaa achi
- yookaan immoo
- malee

D. Walqabsiisota bu'aa ibsuuf galan

- kanaafuu
- haaluma kanaan
- kanarraan kan ka'een
- kanaafyyuu

Deebii gilgaala 7B

Gilgaala kanaaf deebii adda addaa argachuu nidandeessa. Xiyyeeffannaan kee barattoonni walqabsiisota dhiyaatan sirriitti hubatanii hima irratti ijaaruu danda'uu jaraa haata'u.

Deebii gilgaala 8A

- | | |
|-------------|--------------|
| 1. Leenci | 2. Inni |
| 3. Caaltuun | 4. Gammadaan |
| 5. Tolaan | |

Deebii gilgaala 8B

- | | | |
|------------|------------|-----------|
| 1. nyaate | 2. ijaare | 3. deemte |
| 4. kennite | 5. bitatan | |

Deebii gilgaala 8C

- | | |
|------------------------------|-----------------|
| 1. kitaaba | 2. wuccuu |
| 3. mooraa mana barumsa jaraa | 4. qarshii naaf |
| 5. biqiltuu | |

Deebii gilaala 9: Shaakala Gochibsaafi Gosoota Isaa

Deebii gilgaala 9A

1. saffsaan (gochibsa akkaataaf haalaa)
2. fedhiin (gochibsa akkaataaf haalaa)
3. bor (gochibsa yeroo)
4. booda (gochibsa yeroo)
5. bakka kana (gochibsa bakkaa)
6. waggaa waggaan (gochibsa irra deddeebii)
7. guyya guyyaan (gochibsa irra deddeebii)
8. fraan (gochibsa akkaataa)
9. baay'inaan (gochibsa sadarkaa)
10. maaliif (gochibsa gaaffi)

Deebii gilgaala 9B

Gochibsa kennaman irratti hima akka ijaarunu godhi. Itti aansuun gosa isaas addaan akka baasanu taasisiin.

1. amma(igochibsa yeroo)
2. har'a(gochibsa yeroo)
3. darbee darbee(gochibsa irra deddeebii)
4. guutumatti (gochibsa sadarkaa)

5. bal'inaan(gochibsa sadarkaa)
6. eessatti (gochibsa gaaffi)
7. gaddaan (gochibsa akkaataaf haalaa)
8. sodaan(gochibsa akkaataaf haalaa)

4. Gaaffiiwwan keessa deebii

1. Waa'ee Sirna Gadaa maal yaadatta? Yaada kee bu'uureffachuun keeyyata tokko qopheessi.
2. Walqabsiisota kanaan gadii irratti hima ijaaruun garaagarummaa jaraa agarsiisi.

dabalees	malee
waan akka	tahulle
kanaafuu	ta'us
yookaanis	karaa biraan
silayyuu	ta'uyyuu
haaluma kanaan	ammoo
yookaan immoo	akkasumas
3. Himoota gosa ibsa gochimaa adda addaa agarsiisanu barreessi. Hima barreessite fuuldurattis gosa ibsa gochimaa kam akka ta'es barreessi.

5. Madaallii

Boqonnaa kana keessatti madaallii adda addaa raawwachuutu sirraa eegama. Barreeffama dhaggeeffachuuf dhiyaate sirriitti barattooni hubachuu jaraa mirkaneeffadhu. Gaaffiiwwan dhaggeeffachuu duraa sirriitti deebisuu yoo baatan dubbisicha al lama yookaan al sadii irra deddeebi'uun dubbisiif. Dubbisa mataduree "Sirna Gadaa" irratti dhiyaate saffsaan dubbisanii odeeffannoo waliigalaa baasanii barreessuu jaraa mirkaneeffadhu. Kana malees, dubbisa dhiyaate suuta dubbisuun gaafflee hubannoo barreeffamaan deebisuu isaanii qulqulleeffadhu. Jechoota dubbisa keessaa ba'an hiika jaraa sirriitti hubtanii flachuu jaraa ilaali. Lafa jarri hubachuuf rakkatanirratti haala jechichi dubbisa keessatti dhiyaate agarsiisuun gargaariin. Kana malees seerluga Afaan Oromoo keessaa caasaa himaa addaan baasanii himuu jaraa mirkaneeffadhu. Gosoota walqabsiisota addaan baasuun hima keessatti fayyadamuu danda'uu jaraas hubadhu. Shaakala dabalataa adda addaa kennuun bakka jarri hubachuuf rakkatan irratti gargaarsa addaa godhiif. Ibsa gochimaaaf gosoota isaa hima keessaa galchuun hubachuu danda'uu jaraa mirkaneeffadhu.

Boqonnaa 10: Guddifachaa (Wayitii 7) Dheerina wayitii tokkoo daqiiqaa 40

Seensa Boqonnichaa

Boqonnaa kana keessatti barattoonni aadaa Oromoo keessaa guddifachaan maal akka ta'e hubatu. Jechootaafs hiika sirrii kennuu danda'u. Dabalatanis, keeyyata keessaa hima ijoo, himoota callaaf hima goolabaa addaan baasuun barreessu. ogummaa barreeffama barattootaa kan cimsan shakalliin hedduu boqonnaa kana keessattis hammatamanii jiru. Haaluma kanaan, barattoonni gumee qopheessanii keeyyata akka barreessan godhamu. Kana malees, barattoonni hubannoof dandeettii sirna tuqaalee fayyadamuu irratti qaban nicimsatu.

1. Kaayyoo: Barattoonni barnoota boqonnaa kanaatiin booda:

- Aadaa
Oromoo keessatti guddifachaan maal akka ta'e dubbisa dubbisuun hubatu.
- Jechootaaf hiika sirrii kennu.
- Keeyyata keessatti himoota calla, hima ijooof hima goolabaa addaan baasuun hubatu.
- Gumee qopheessuun keeyyata barreessu.
- Ittifayyadama sirna tuqaalee irratti hubannoo gabbifatu.

2. Qabiyyee

- ogummaa dubbisuuf dubbachuu
- Jechootaaf hiika sirrii kennu
- Keeyyata keessaa himoota calla, hima ijooof hima goolabaa addaan baasuu
- Gumee qopheessuun keeyyata barreessu
- Sirna tuqaalee

3. Mala Baruu-Barsiisuu

Barannoo 1: Dubbisuufi Dubbachuu

Gilgaala 1: Shaakala Dubbisuun Duraa

Deebii gilgaala 1A

Gaaffiwwan gilgaala kana jalatti dhiyaatan gareen akka irratti mari'atanu godhi. Kaayyoon gilgaala kaanas barattoonni osoo dubbisa dhiyaatetti hince'iin dura

dhimmoota yaada dubbisa dhiyaatee wajjin walqabanu irratti mari'achuun hubannoo jaraa akka gabbifatanuuf. Kanaafuu, gilgaalli kun deebii murtaa'aa ta'e tokko hinqabu.

Deebii gilgaala 1B

Hiika jechoota gilgaala kana jalatti dhiyaatan osoo gara dubbisaatti hinseeniin akka barattoonni tilmaamanu godhi. Fakkeenya: dungoo =boba'aa yookaan ibsaa

Gilgaala 2: Shaakala Yeroo Dubbisuu

Deebii gilgaala 2A

1. Oromoon yoo mucaa dhabe kan nama biraa fuudhee akka kan isaatti guddisa. Kun guddifachaa jedhama.
2. Adeemsa mataa isaa qaba(deebiin gaaffi kanaaf keeyyata 2ffaa dubbisichaa dubbisi)
3. Jaarsi bakka guddaa qaba. Fakkeenyaaf yeroo deebii gaarii argatan, warri guddifachuu barbaadan waan mucaan uffatu qopheessu.
4. Sababni isaas mucaa haaraa akka godhataniitti lakkaa'anii maqaa ofi isaanii moggaasuuf.
5. Uffata uwwisuu, maqaa jijjiiruu, nyaataaf dhugaatii dhiyeessuu....

Deebii gilgaala 2B

Gaaffiwwan gilgaala kana jalatti dhiyaatan keessaa kan yaada sirrii hintaane 'soba' kan sirrii ta'e ammoo 'dhugaa' jechuun sababa jaraa wajjin akka barreessan godhi. Sababni jarri kennanus barreeffama ati dubbisteef keessaa ta'uu akka qabu akeekkachiisi. Sababa jaraas dubbisa dhiyaate keessaa akka argatanu hubachiisiin.

- | | | |
|-----------|-----------|---------|
| 1. Dhugaa | 2. Soba | 3. Soba |
| 4. Dhugaa | 5. Dhugaa | |

Gilgaala 3: Shaakala Dubbisuun Boodaa

Deebii gilgaala 3: Kaayyoon gilgaala kanaa dubbisa dhiyaate muuxannoo jaraa wajjin akka walsimsiisan gochuudha. Haaluma kanaan, barattoonni gaaffiwwan gilgaala kana jalatti dhiyaatan sodaa tokko malee akka deebisan jajjabeessiin.

Gaaffiwwan dhiyaataniif deebii sirrii yookaan sirrii miti jedhamu hinjiru.

Barannoo 2: Caasluga: Shaakala Jechootaa

Deebii gilgaala 4A

Jechoonni gilgaala kana jalatti dhiyaatan dubbisa mataduree “Guddifachaa” jedhu keessaa kan ba’an. Baratoonni hiika jechoota kanaa haala galumsa jaraatiin akka kennanu godhi. Dabalataanis, hiika galumsa jaraa kan ifa godhu hima akka ijaaranu taasisi.

Deebii gilgaala 4B

1. B 2. D 3. C 4. B 5. A

Deebii gilgaala 5

1. Kaayyoon Tolaa waan sadii: barnoota, beekamummaaf mana ijaaruu.
2. Haati koo waan afur bittee dhufte: dabtara, qalama, kopheef uffata.
3. Sirna Gadaa keessatti ilmaan kormaa sadarkaa torba keessa darbu: Dabballummaa, Gaammoma, Dagaggooma, Kuusama, Raaboma, Gadoomaf Yubooma.
4. Mata-duree kanaan gadii irratti mari’adhaa.
5. Naannoo keenyatti lubbu-qabeeyyii hedduutu argamu

Barannoo 3: Barreessuu

Deebii gilgaala 6A

Deebii gilgaala kanaa barattoonni gabatee dhiyaate keessatti akka barreessanu godhi. Keeyyanni tokko hima ijoo tokko qofa irraa ijaarama. Kana malees, keeyyanni tokko himoota callaa tokkoo ol qaba. Keeyyanni gilgaala kana jalatti dhiyaate hima ijoo tokkoof himoota callaa tokkoo ol qaba.

Hima jioo: Sirni Gadaa bu’uura dimookiraasiif sirna siyaasaa ummata Oromoo ta’ee hojjeta.

Hima goolabaa: Walumaagalatti, Sirni Gadaa sirna dimokiraasiiti jechuun nidanda’ama

Himoota callaa: Hima ijooof hima goolabaa ala kan jiranu hundi hima callaa jalatti ramadamu

Deebii gilgaala 6B

Matadureewwan gilgaala kana jalatti kennaman keessaa tokko flachuun akka keeyyata barreessan godhi. Keeyyata barreessan keessaa hima ijoo, himoota callaaf hima goolabaa addaan baasuun akka barreessanus haata’u.

Gilgaala 7: Shaakala Gumeefi Barreeffama Qopheessuu

Gilgaala kana osoo hineegaliin dura fakkeenya kenname sirriitti hubachuu jaraa addaan baafadhu. Fakkeenyi kenname barattoonni gumee akkam godhanii akka qopheessanuuf gumee qophaa'e bu'uureeffachuun akkam godhanii barreeffama akka qopheessan kan mul'isu.

Matadureewwan kennaman keessaa tokko flachuun jalqaba gumee akka qopheessanu godhi. Itti aansuun gumee qopheessan irratti barreeffama akka qopheessan taasisiin. Gumeef barreeffama jaraas gareen irratti akka mari'atanu haata'u.

4. Gaaffiiwwan keessa deebii

1. Mataduree «Guddifachaa » jedhu irratti keeyyata tokko barreessi. Keeyyata barreessite keessaas hima ijoo, himoota callaaf hima goolabaa addaan baasuun agarsiisi.
2. Jechoota kanaan gadiif hiika kallattii faallaa kenni.

	Hiika kallattii	Hiika faallaa
A.	danuu _____	_____
B.	qabeenya _____	_____
C.	ofummaa _____	_____

3. Mataduree barbaadde tokko flachuun gumee qopheessi.

5. Madaallii

Boqonnaa kana keessatti dubbisa mataduree “Guddifachaa” jalatti dhiyaate dubbisani barattoonni yaada isaa hubachuu jaraa mirkaneeffadhu. Kana malees, guddifachaan aadaa Oromoo keessaatti bakka inni qabu sirriitti addaan baasanii hubachuu jaraa mirkaneeffadhu. Hiika jechootaa haala galumsa jaraan addaan baasanii kennuu danda'uu jaraa qulqulleeffadhu. Keeyyata dhiyaate keessaa hima ijoo, himoota callaaf hima goolabaa sirriitti addaan baasuu jaraa mirkaneeffadhu. Garaagarumma jaraas sirriitti himuu danda'uu jaraa hubadhu. Matadureewwan dhiyaatan irratti gumee qopheessanii keeyyata ijaaru jaraa addaan baafadhu. Keeyyata ijaaran keessaa hima ijoo, himoota callaaf hima goolabaa addaan baasanii agarsiisuu jaraa mirkaneeffadhu. Sirna tuqaalee hima keessatti sirriitti fayyadamuu jaraa addaan baafadhu. Keessumaa sarara xiqqaaf tuq-lamee sirriitti hima keessatti gargaaramuu danda'uu jaraa mirkaneeffadhu.

Boqonnaa 11: Kunuunsa Qabeenya Uumamaa (Wayitii 7) Dheerina wayitii tokkoo daqiiqaa 40

Seensa Boqonnichaa

Boqonnaa kana keessatti barattoonni dubbisa waa'ee “Kunuunsa Qabeenya Uumamaa” jalatti dhiyaate dubbisuun yaada isaa hubatu. Yaada dubbisichaa muxannoo jaraa walqabsiisuun kunuunsa qabeenya uumamaa keessatti iddoo jaraa hubatu. Hiika jechootaa himaan walsimsiisuun hima hiika guutuu qabu ijaaru. Kana malees, faayidaa durduubee hubannoo mammaaksaa gabbifatu. Dabalataanis, himaaf gosoota himaa addaan baasanii hubatu.

1. Kaayyoo: Barattoonni, barnoota boqonnaa kanaatiin booda:

- Ergaa dubbisa mataduree “Kunuunsa Qabeenyaa Uumamaa” jalatti dhiyaate hubatu.
- Hiika jechootaa himaan walsimsiisuu danda’u.
- Durduubee hima keessatti itti tajaajilamu.
- Himaaf gosoota himaa hubatu.
- Hubannoo mammaaksaa gabbifatu.

2. Qabiyyee

- Dubbisuuf dubbachuu
- Hiika jechootaa himaan walsimsiisuu
- Faayidaa durduubee
- Himaaf gosoota himaa
- Mammaaksa

3. Mala Baruu-Barsiisuu

Barannoo 1: Dubbisuufi Dubbachuu

Gilgaala 1: Shaakala Dubbisuun Duraa

Gaaffiwwan gilgaala kana jalatti dhiyaatan qaama shaakala dhaggeeffachuu duraati

Kanaafuu, barattoonni gareen ta'uun akka gaaffiwwan dhiyaatan irratti mariyatan taasisi. Itti aansuun yaada jaraa afaaniin akka dareef dhiyeessan godhi. Kaayyoon gilgaala kanaa barattoonni dubbisa wa'ee kunuunsa qabeenyaa osoo hin dubbisiin dura kaka'umsa akka uumanuuf yaadameetu.

Jechoonni barreeffama keessaa ba'anis gilgaala kana jalatti dhiyaatanii jiru. Hiika jaraas osoo gara dubbisichaatti hinseeniin akka barattoonni tilmaamanu godhi.

Fakkeenyya:

Wantoota: dhimmoota

Barbaaduu: fedhuu

Gilgaala 2: Shaakala Yeroo Dubbisuu

Deebii gilgaala 2A

Gara dubbisaatti osoo hince'iin dura barattoonni akka gaaffiwwan gilgaala kana jalatti dhiyaatan dubbisuun qalbeeffatan godhi. Itti aansuun dubbisa dhiyaate saffsaan dubbisuun gaaffiwwan dhiyaatan akaka deebisanu taasisi.

1. Qabeenya uumamaa jechuun lafa irra jiraannuuf wantoota lafa irra jiran hunda jechuudha.
2. Kana jechuun akka jarri hinbarbadoofne godhanii fayyadamuun dhaloota dhufuuf dabarsuu jechuudha.
3. Jijjiirama qilleensa, gammoojummaa, lolaa, bubbeef kkf.
4. Jijjiirama hubannoof beekumsa akka ummanni fdu gochuuf carraaquu barbaachisa.

Deebii gilgaala 2B

Gaaffiwwan gilgaala kana jalatti dhiyaatan keessaa kan yaada sirrii hintaane 'soba' kan sirrii ta'e ammoo 'dhugaa' jechuun sababa jaraa wajjin akka barreessan godhi. Sababni jarri kennanus barreeffama keessaa ta'uu akka qabu hubachiisi.

- | | |
|-----------|-----------|
| 1. Soba | 2. Soba |
| 3. Soba | 4. Dhugaa |
| 5. Dhugaa | |

Deebii gilgaala 2C

Jechoonni gilgaala kana jalatti dhiyaatan dubbisa waa'ee kunuunsa qabeenyaa uumamaa keessaa kan ba'an. Hiika jechootaa haala galumsa jaraan akka himaa wajjin walsimsiisanu godhi.

- | | |
|------------------|-------------|
| 1. qabeenya | 2. dhaloota |
| 3. kunuunsa | 4. gadadoo |
| 5. barbadeessuun | |

Gilgaala 3: Shaakala Dubbisuun Boodaa

Kaayyoon gilgaala kanaa gaaffiwwan dhiyaataniif deebii murtaa'aa argachuuf miti. Barattoonni dubbisa waa'ee kunuunsa qabeenya uumamaa keessaa hubannoo maalii akka argataniif hubannoo argatan kana hangam muuxannoo jaraa wajjin walsimsiisuu danda'aniiru isa jedhu sakatta'uuf. Deebiiwwan barattoonni kennanu hangam faayidaa kunuunsa qabeenya uumamaa hubachuun hojiirraa oolchuuf akka kaka'an sitti agarsiisuu nidanda'a.

Barannoo 2: Caasluga

Shaakala Faayidaa Durduubee

Deebii gilgaala 4

Yaadannoo waa'ee faayidaa durduubee kitaaba barataa keessatti kenname akka dubbisani hubatan godhi. Itti aansuun durduubee gilgaala kana jalatti kennaman irratti akka hima ijaaranu taasisi. Hima ijaaranis akka dareef dubbisanu godhi. Gilgaala kanaaf deebii adda addaa argachuu nidandeessa. Atis barattoonni hima ijaaran keessatti durduubee sirriitti fayyadamuu danda'uu jaraa hordof.

Deebii gilgaala 5A

Jechoota gilgaala kana jalatti dhiyaatan irratti akka himoota fudhatama qabanu akka ijaarunu godhi. Deebiiin gilgaala kanaa garaa gara ta'uu nidanda'a. Kanaafuu qabxiin madallii deebii barattootaa:

1. Hiika jechoota kennamanii sirriitti hubachuu
2. Himi ijaarame fudhatama qabaachuu isaa

Haaluma kanaan, deebii barattootaa sirrummaa isaa ilaaluu nidandeessa. Barattoonnis himoota ijaaran afaaniin dareef akka dhiyeessanu taasisi.

Deebii gilgaala 5B

Gilgaalli kun barattoonni gosa himaa sirritti hubatanii addaan baasuu danda'uu jaraa kan ittiin hubattu. Yaadannoo kitaaba jaraa keessatti kennameef osoo gara gilgaala kanaatti hince'iin akka dubbisanii hubatanu haata'u.

- | | |
|---------------------|----------------------|
| 1. Hima raajeffanno | 2. Hima ajajaa |
| 3. Hima gaaffi | 4. Hima himaamsa |
| 5. Hima himaamsa | 6. Hima gaaffi |
| 7. Hima ajajaa | 8. Hima raajeffannoo |

Deebii gilgaala 5C

Mataduree kana jalatti yaadannoo waa'ee himaaf gosoota himaa ilaachisee kitaaba barataa keessatti kennameera. Barattoonni yaadannoo kenname kana dubbisuun akka hubatanu taasisi. Itti aansuun caasluga Afaan Oromoo keessatti himi akkamiin akka ijaaramu itti argasiisi. Kana malees, garaagarummaa hima yaada hir'uu, hima fudhatama hinqabneef hima qindaa'ina hinqabne itti agarsiisi. Barattoonnis akka afaaniin hima yaada hir'uu, hima fudhatama hinqabneef hima qindaa'ina hinqabne fakkeenya kennan gargaariin.

Jalqaba barattoonni gabatee gilgaala kana jalatti dhiyaate akka dabtara jararratti garagalchanu taasisi. Itti aansuun gosoota himaa kennaman jalatti hima shan shan akka barreessan godhi. Deebiiin gilgaala kanaa garaa gara ta'uu nidanda'a.

Kaayyoon gilgaala kanaas barattoonni gosoota himaa sirriitti addaan baasanii hubachuu jaraa lafa itti mirkaneeffatu.

Barannoo 3: Mammaaksa

Kaayyoon barannoo kanaa barattoonni mammaaksa adda addaa akka hubatanu gochuudha. Kana malees, mammaaksa naannoo isaaniitti argamanu fduun dareef akka dhiyeessanu taasisuudha.

Deebii gilgaala 6A

- | | |
|------|------|
| 1. C | 2. B |
| 3. C | 4. A |
| 5. B | 6. C |
| 7. B | |

Deebii gilgaala 6B

Deebiin gilgaala kana garaa gara ta'uu nidanda'a. Barattoonni mammaaksa naannoo jaraatti argamanu akka sassaabanii dareef dhiyeessanu godhi. Hiika mammaaksa fdaniirrattis akka mari'atan taasisi.

4. Gaaffiiwwan keessa deebii

1. Durduubee jechuun maal jechuudha? Faayidaa maalii qaba ?
2. Durduubee kanaan gadii irratti hima mataa keetii ijaari.
A. waan
B. waliin
C. waa'ee
3. Hima jechuun maal jechuudha ? Himni fudhatama qabu hima akkamiiti ?
4. Gosa himaa kanaa gadii irratti hima lama lama barreessi.
A. Hima himaamsa
B. Hima gaaffi
C. Hima ajajaa
D. Hima raajeffannoo

5. Madaallii

Madaallii boqonnaa kanaa barannoo barannoon qooduun raawwadhu. Barattoonni dubbisa waa'ee kunuunsa qabeenya uumamaa dubbisanii ergaa isaa hubachuu jaraa mirkaneeffadhu. Kana malees faayidaa kunuunsa qabeenyaa uumamaa hubachuun hojiirra akka oolchuuf kaka'an hubadhu. Hiika jechootaa hubachuun hima keessatti sirriitti fayyadamuu danda'uu jaraa mirkaneeffadhu.

Caasluga Afaan Oromoo keessaa faayidaa durduubee sirriitti hubatanii barreessuu danda'uu jaraa qulqulleeffadhu. Bakka hubachuuf rakkatanitti shaakala adda addaa dabaluuun gargaariin. Himaaf gosoota himaas sirriitti addaan baasanii hubachuu jaraa mirkaneeffadhu. Afaan Oromoon caasaa himni ittin ijaaramu addaan baasuun agarsiisuu jaraa ilaali. Gosoota himaa garaa garaa walkeessa makamanii dhiyaatan akka gosa gosa jaraan sirriitti addaan baasanii barreessuu jaraa qulqulleeffadhu.

Mammaaksa naannoo jaraatti argamanu keessaa muraasa fduun dareef dhiyeessuu jaraa hubadhu. Hiika mammaaksa dareef dhiyaatanii sirriitti hubachuu danda'uu jaraa mirkaneeffadhu.

Boqonnaa 12: Jireenya Baadiyyaafi Magaalaa (Wayitii 9)

Dheerina wayitii tokkoo daqiiqaa 40

Seensa Boqonnichaa

Boqonnaa kana keessatti barattoonni dhimmoota gurguddaa afur baratu. Tokko, dubbisa waa'ee jireenya magaalaa baadiyaa irratti dhiyaate dubbisuun ergaa isaa hubatu. Lama, hiika kallattiif hiika faallaa jechootaa gabbifatu. Sadii, dandeettii akkaataa keeyyanni ijaaramu gabbifatu. Afur, seera eeganii falmii geggeessuu danda'u. Kaayyoowwan boqonnaa kanaa galmaan ga'uuf jecha gilgaalli hedduun dhiyaateera. Atis gilgaala dhiyaate kana barattoonni sirriitti hubatanii akka hojjetanu hordof.

1. Kaayyoo: Barnoota Boqonnaa Kanaatin Booda:

- Dubbisa mataduree “Jireenya Baadiyaa Magaalaa” jalatti dhiyaate dubbisuun yaada ijoo isaa hubatu.
- Jechootaa hiika kallattiif hiika faallaa barreessu.
- Akkaataa keeyyanni itti ijaaramu gabbifatu.
- Seera eeganii falmii gaggeessuu cimsatu.

2. Qabiyyee

- Dubbisuuf dubbachuu
- Hiika kallattiif hiika faallaa jechootaa
- Keeyyata ijaaruu
- Seera eeganii falmii geggeessuu

3. Mala Baruu-Barsiisuu

Barannoo 1: Dubbisuufi Dubbachuu

Gilgaala 1: Shaakala Dubbisuun Duraa

Deebii gilgaala 1A

Gilgaala kana jalatti fakkiwwan lama dhiyaatanii jiru. Fakkiin inni tokko haala

jireenya baadiyaa yeroo ibsu, inni biroo ammoo haala jireenya magaalaa agarsiisa. Barattoonni garee gareen ta'uun akka fakkiwwan kana irratti mari'atanu taasisi. Hubbannoo jaraas akka dareef afaaniin dhiyeessan godhi.

Deebii gilgaala 1B

Gaaffiwwan gilgaala kana jalatti dhiyaatan qaama shaakala dubbisa duraati. Kaayyoon gilgaala kanaas hubannoo barattoonni jireenya magaalaa baadiyaa irratti qabanu waljijjiiruun dubbisa dhiyaatuuf akka ofqopheessan gochuudha. Waan kan ta'eef gilgaalli kun deebii murtaa'aa tokko hinqabu.

Gilgaala 2: Shaakala Yeroo Dubbisuu

Deebii gilgaala 2A

Dubbisa dhiyaatetti osoo hince'iin dura gaaffiwwan gilgaala kana jalatti dhiyaatan dubbisuun akka qalbeeffatanu godhi. Itti aansuun dubbisa dhiyaate barattoonni tooftaalee adda addaan dubbisanii akka odeeffannoo isaa argatan godhi. Haaluma kanaan, gaaffiwwan gilgaala kana jalatti dhiyaataniif dubbisa dhiyaate ariitiidhaan dubbisuun akka deebisanu godhi.

Deebii

1. Baadiyyaan yeroo hedduu bakka namooni hojii qonnaaf hojii horii horsiisuu raawwachaa jireenya jaraa geggeessan jedhamee yaadama. Magaalaan immoo gara biraan lafa namoonni hojii adda addaa kana akka hojii daldalaa, waajjiraaf warshaa harka caalmaan hojjechuun jireenya jaraa gaggeessan jechuudha.
2. Oomisha nyaataa, dhugaatiif warshaa adda addaaf kan oolu harka caalmaatti kan oomishamanus baadiyaatti.
3. Magaalaa jechuun bakka namoonni qubbannaa qindaa'aa ta'een walga'anii baay'inaan jiraatanu jechuudha.
4. Seenaa addunyaa keessatti magaalonna jalqabaa kan hundeeffaman waggoota kuma shaniin dura akka ture seenaan ni ibsa.
5. Kanneen keessaa dhiphina iddoo, yakka adda addaa, hiyyummaa faalamuu caqasuun nidanda'ama.

Deebii gilgaala 2B

Barattoonni gilgaala kana hojjechuuf dubbisa waa'ee jireenya magaalaa jireenya baadiyyaa irratti dhiyaate suuta jedhanii akka dubbisan haata'u. Jalqaba gaaffiwwan dhiyaatan dubbisani haaqalbeeffatan. Itti aansuun, gara dubbisichaatti ce'uun deebii sirrii ta'e haabarbaadan. Deebii jaraas sababa wajjiin barreeffamaan akka dhiyeessanu godhi.

1. soba. Dalagaan akkanaa kan jiru magaalaa
2. dhugaa
3. soba. Warshaan adda addaa waan jiruuf qilleensi gaariin hinjiru
4. soba . Baadiyyaarraa tajaajila kana argachuuf gara magaalaa deemu.
5. dhugaa

Gilgaala 3: Shaakala Dubbisuun Boodaa

Kaayyoon gilgaala kanaa barattoonni hubannoo dubbisarraa argatan muuxannoo jaraan walitti fduun akka gabbistan gochuudha. Kanaafuu, barattoonni gaaffiwwan gilgaala kana jalatti dhiyaataniif sodaa tokko malee yaada jaraa akka dhiyeessan gargaariin. Gilgaala kaanaafs deebii adda addaa barattoonni dhiyeessuu waan danda'anuu deebii jaraa hunda keessumsiisi.

Barannoo 2: Caasluga

Deebii gilgaala 4A

Jechoota gilgaala kana jalatti dhiyaataniif barattoonni jalqaba hiika kallattii akka barreessanu godhi. Itti aansuun hiika kallattil barreessan ifa kan godhu hima mataa isaanii akka barreessan itti himi.

1. simboo=miidhagina
2. maalaluu=dinqisiifachuu
3. diina= nyaapha
4. xaqanaa=abshaala
5. shakkii=mamii
6. dhoksuu=iccitiin qabuu

Deebii gilgaala 4B

Jechoota gilgaala kana jalatti dhiyaataniif barattoonni jalqaba hiika faallaa akka barreessan godhi. Itti aansuun hiika faallaa barreessan ifa kan godhu hima mataa isaanii akka barreessan itti himi.

Fkn. Adii= gurraacha

Tolaan kofoo gurraacha kaawwate.

1. raada=sangaa
2. diida=keessa
3. hidhe=hiike
4. alagaa=aantee
5. muguu=dammaquu
6. barii=galgala

Barannoo 3: Keeyyata Barreessuu

Waa'ee keeyyataa ilaachisee yaadannoo kitaaba barataa keessatti argamu akka barattoonni dubbisani hubatanu godhi. Yaadannoon dhiyaate keeyyanni maal jechuu akka ta'e, keeyyanni akkamiin akka ijaaramuuf keeyyanni qaama akkamii akka qabu kan ibsuudha. Kana malees, keeyyanni amaloota mataa isaa akka qabu ibsamee jira. Atis dhimmoonni kun maal jechuu akka ta'an fakkeenya kennuun barattootaaf ifa godhi.

Deebii gilgaala 5

Gilgaalli kun barattoonni keeyyata lama akka barreessanu kan gaafatu. Gilgaalli tokkobaadiyyaairratti, gilgaalli inni biraa magaalaa irraatti. Barattoonni odeeffanno gabatee keessatti waa'ee baadiyaaf magaalaa dhiyaate bu'uureeffachuun akka keeyyata lama barreessan taasisi. Keeyyata barreessanis jalqaba gareen akka irratti mari'atanu haata'u. Itti aansuun garee garee keessaa keeyyata gaariidha jedhamee flatame dareef akka dubbisan taasisi.

Barannoo 4: Falmii Gaggeessuu

Kaayyoon barannoo kanaa barattoonni seera eeganii falmii gaggeessuu akka danda'anu taasisuudha. Haaluma kanaan, adeemsi falmii gaggeessu maal fakkaachuu akka qabu itti himi.

Deebii gilgaala 6

Seera falmii eeguun barattoonni mataduree “Jireenya Baadiyaa moo Jireenya Magaalaa Wayya?” jedhu irratti falmii gaggeessu. Adeemsi falmii seera isaa eegee akka deemuu godhi. Kaayyoon gilgaala kanaa ‘garee kamtu moo’e’ isa jedhu yookaan ‘jireenya isa kamtu gaariidha’ isa jedhu deebisuuf miti. Kaayyoon isaa barattoonni seera falmii eeganii falmii gaggeessu akka danda'anu gochuudha.

Adeemsa falmii:

1. Jalqaba sadi sadii ta'uun garee uumu.
2. Itti aansuun, mataduree falmiif dhiyaate irratti kallattii falmii isaanii murteessu.

Garee 'A': Jireenyi Baadiyaa Jireenya Magaalaa Caalaa Gaariidha.

Garee 'B': Jireenyi Magaalaa Jireenya Baadiyaa Caalaa Gaariidha.

3. Kallattii falmii isaanii erga murteeffatanii booda, yaada falmiif isaan gargaara jedhan yaadan hunda sassaabbatu. Itti aansuun yaada isaaniiis falmiif akka mijaa'u gochuun qindeeffatu.
4. Dhumarratti garee yaada kallattii faallaa isaanii qabatee jiruu wajjin fuuldura daree isaanitti ba'uun falmii isaanii adeemsisu.

Hubachiisa: Adeemsi falmii gaggeessuu keessatti tartiiba eeganii dubbachuun, yeroo eeyyamame qofaa fayyadamuuniif yaada qofatti irratti xiyyeeffachuun barbaachisaadha.

4. Gaaffiiwwan keessa deebii

1. Jechoota kanaan gadiif hiika kallattiiif hiika faallaa kenni
Hiika kallattii _____ Hiika faallaa _____
A. kofoo _____

- B. sooruu _____
- C. mararuu _____
- D. eela _____
- E. mararfachuu _____

2. Keeyyata jechuun maal jechuudha? Amaloonni keeyyataa maal fa'i? Mataduree barbaadde tokko flachuun keeyyata amaloota keeyyataa guutu tokko qopheessi.
3. Seerri falmii gaggeessuu maal fakkaachuu akka qabu ibsi.

5. Madaallii

Kaayyoowwan boqonnaa kanaa galmaan ga'uuf gilgaalota barannoo barannoo jalatti dhiyaatan barattoonni qajeelfama kennaman eeganii hojjechuutu irraa eegama. Kanaafuu atis, barattoonni qajeelfama kenname hordofuun gilgaalota boqonnaa kana keessatti kennaman hunda hojjechuu jaraa mirkaneeffachaa deemutu sirraa eegama.

Yaaada dubbisa waa'ee jireenya baadiyaaf magaalaa irratti dhiyaate tooftalee adda addaa fayyadamuun barattoonni hubachuu jaraa mirkaneeffadhu. Jechoota kennamaniif hiika kallattii fi hiika faallaa kennuu danda'uu jaraa hubadhu. Toofataan kana ittiin hubattu keessaa tokko barattoonni hiika kallattii yookaan faallaa jechootaaf kennan kan ibsu hima ijaaruu yoo dandaa'ani. Atis kana raawwachuu jaraa sirriitti mirkaneeffadhu.

Keeyyata waa'ee jireenya baadiyaaf maagaalaa ibsan ijaaruu danda'uu jaraa qulqulleeffadhu. Keeyyanni jarri barreessanis hangam amaloota keeyyataa akka guute hubadhu. Barreessuun shaakallii walirraa hincinne waan barbaaduuf hanga jarri keeyyata haala waliigalaan fudhatama qabu tokko barreessanutti shaakalsiisi. Kana malees, seera eeganii falmii gaggeessuu jaraa mirkaneeffadhu. Adeemsa falmii gaggeessuu keessatti dhimmoota jiranu sirriitti hubachuu jaraa mirkaneeffadhu.

Boqonnaa 13: Sheek Bakrii Saaphaloo (Wayitii 8)

Dheerina wayitii tokkoo daqiiqaa 40

Seensa Boqonnichaa

Boqonnaa kana keessatti barattoonni bu'aa Sheek Bakrii Saaphaloo guddina Afaan Oromoof buusan nihubatu. Kana malees, seenaa guddina Afaan Oromoo keessatti namoota gumaacha godhan nibaratu. Waa'ee namoota kanaa ilaalchisaniis keeyyata nibarreessu. Dabalataanis, namoota Afaan Oromoon barreessanis kitaaba isaanii wajjin nitarreessu. Hiika jechootaa faallaa jechootaa nibarreessu. Mammaaksa barnoota cimsan barreeffamaan walitti qabuun dareef nidhiyeessu.

1. Kaayyoo: Barnoota Boqonnaa Kanaatin Booda:

- Dubbisa dhiyaate dubbisuun seenaa guddina Afaan Oromoo keessatti namoota gumaacha godhan hubatu.
- Hiika jechootaa faallaa jechootaa kennu.
- Hubannoo mammaaksa barnoota irratti dubbatamanuu cimsatu.
- Waa'ee namoota Afaan Oromoo guddisuuf carraaqan irratti keeyyata barreessu.

2. Qabiyyee

- Dubbisuuf dubbachuu
- Hiika jechootaa faallaa jechootaa
- Mammaaksa barnoota cimsan
- Keeyyata waa'ee namoota Afaan Oromoo guddisuuf carraaqanii barreessuu

3. Mala Baruu-Barsiisuu

Barannoo 1: Dubbisuufi Dubbachuu

Gilgaala 1: Shaakala Dubbisuun Duraa

Kaayyoon gilgaala kanaa barattoonni gara dubbisa dhiyaateetti osoo hince'iin

dura hubannoo jarri qaban sakatta'uuf. Kana malees, dhimmoota dhiyaatan irratti gareen mari'achuun hubannoo jarraa akka cimsatanuuf. Haaluma kanaan, gaaffiwwan gilgaala kana jalatti dhiyaatan osoo dubbisatti hince'iin dura akka gareen irratti mari'atan taasisi. Gabatee gilgaala kana jalatti dhiyaatees akka dabtara jaraa irratti garaglachanu haata'u. Gabaticha keessatti namoota Afaan Oromoo irratti barreessan kitaabolee jaraa wajjin akka guutan godhi. Barattoonni osoo gara dubbisaatti hince'iin hiika jechoota gilgaala kana jalatti dhiyaatan akka tilmaaman haata'u.

Gilgaala 2: Shaakala Yeroo Dubbisuu

Deebii gilgaala 2A

Dubbisa waa'ee Sheek Bakrii Saaphaloo osoo hindubbisiin dura gaaffiwwan gilgaala kana jalatti dhiyaatan dubbisuun akka qalbeeffatan haata'u. Itti aansuun dubbisa dhiyaate ariitiidhaan dubbisuun akka gaaffiwwaniif deebii barreeffamaan kennan godhi

1. Saaphaaloon lafa dhalootaa waan ta'eef.
2. A. Barreeffama walaloo gaggabaaboo Afaan Oromoon barreessuu isaanii.
B. Qubee Afaan Oromoo qopheessuu.
3. Sabboonummaa isaaniiti.
4. Kitaabaa xinnoo fuula diigdamaa "Shalda" jedhamtu, kan qubee haarawaan barreessan yeroo kana. Kitaabni kun kan amantii haafakkaatu malee cunqursaa yeroo sana ture balaaleffata.
5. Rakkoo hedduu isaan muudate. Mana hidhaa seenuurraa kaassee hanga biyya gadi lakkisanii baqachuutti gaa'anii turan.

Deebii gilgaala 2B

Deebii gilgaala kanaaf yaada sirrii ta'e 'dhugaa' kan hintaane ammoo 'soba' jechuun akka sababa wajjin dhiyeessan taasisi. Dubbisa dhiyaate suuta jechuun al lamaaf isaa ol akka dubbisanu godhi.

1. Soba. Lafa itti dhalateen waaman
2. Dhugaa
3. Soba. Gonkumaa akka qubee kamiiniyyuu barraahu hinhayyamne.
4. Dhugaa

5. Soba. Seenaa ummata oromoo waraqisa oromoos of keessaa qaba.

Deebii gilgaala 3: Shaakala Dubbisuun Boodaa

Kaayyoon gilgaala kanaa barattoonni hubannoo dubbisarraa argatan muuxannoo jaraan walitti fduun akka gabbistan gochuudha. Kanaafuu barattoonni gaaffiwwan gilgaala kana jalatti dhiyaataniif sodaa tokko malee yaada jaraa akka dhiyeessan gargaariin. Gilgaala kanaaf s deebii adda addaa barattoonni dhiyeessuu waan danda'anuuf deebii jaraa hunda keessummeesi. Dabalatanis yaada dubbisa waa'ee Sheek Bakrii Saaphaloo bu'uureeffachuun, barattoonni namoota Afaan Oromoo guddisuu gumaacha godhan keessaa tokko irratti keeyyata akka barreessan godhi. Keeyyata jaraas dareef dubbisanii irratti haamari'atan.

Barannoo 2: Caasluga

Shaakala hiika jechootaa

Deebii gilgaala 4A

- | | |
|------|------|
| 1. B | 2. A |
| 3. B | 4. C |
| 5. D | |

Deebii gilgaala 4B

- | | | | | |
|------|------|------|------|------|
| 1. C | 2. B | 3. B | 4. B | 5. B |
|------|------|------|------|------|

Barannoo 3: Mammaaksa

Deebii gilgaala 5A

- | | | | | |
|------|------|------|------|------|
| 1. C | 2. C | 3. A | 4. B | 5. C |
|------|------|------|------|------|

Deebii gilgaala 5B

Kaayyoon gilgaala kanaa barattoonni mammaaksa barnoota irratti naannoo jaraatti dubbataman akka hubatanu gochuudha. Haaluma kanaan, barattoonni mammaaksa barumsarratti naannoo jaratti dubbataman barreeffamaan walitti qabuun akka dareef dhiyeessan godhi. Mammaaksa dhiyaate irratti dareen akka irratti mari'atanus taasisi. Gilgaala kanaaf barattoonni mammaaksa barumsarratti naannoo jaraatti dubbataman hedduu fduu waan danda'anuuf deebiin murtaa'aa ta'e tokko hinjiru. Qabxiin mammaaksa barattoonni sassaabanii fduun ittiin kan madaaltu xiyyeeffanna mammaaksi kun barumsarratti qabanuun.

Barannoo 4: Seenaa Jireenyaa Barreessuu

Barannoo kana jalatti barattoonni seenaa guddina Afaan Oromoo keessatti nama gumaacha guddaa qaba/qabdi jedhanii yaadanu irratti xiyyeeffachuun barreeffama keeyyata lama ol qabu barreessu. Yaadannoo seenaa jireenyaa barreessuuf nama gargaaru kitaaba barataa keessatti dhiyaatee jira. Atis barattoonni yaadannoo kana akka dubbisanii hubatan gargaariin. Barreeffama qopheessanis dareef akka dubbisanu taasisi.

4. Gaaffiiwwan keessa deebii

1. Waa'ee Sheek Bakrii Saaphaloo maal yaadatta? Guddina Afaan Oromoof bu'aa maalii buusaniiru?
 - A. Yoo harka dhaban _____.
 - B. Adala riphe _____.
 - C. Namni alagaaf gubate _____.
 - D. Hanga farda bira geenyutti _____.
 - E. Garaa saree _____.
3. Seenaa jireenyaa akkamiin barreeffama? Seenaa jireenya kee irratti kan xiyyeeffatu barreeffama tokko qopheessi.

5. Madaallii

Boqonnaa kana keessatti madallii hedduu raawwata. Jalqaba dubbisa Sheek Bakrii Saaphaloo irratti dhiyaate barattoonni dubbisanii ergaa isaa hubachuu jaraa mirkaneeffadhu. Itti aansuun, barattoonni bu'aalee guddina Afaan Oromoof Sheek Bakrii Saaphaloo buusan akka barreessan taasisi. Kana malees, namoota Afaan Oromoorratti barreessan kitaaba isaanii wajjin barattoonni tarreessuu danda'uu jaraa mirkaneeffadhu.

Dabalataanis, hiika jechootaaf faallaa jechootaa hubachuun barreessuu jaraa qulqulleeffadhu. Mammaaksa dhiyaataniif xumura sirrii flachuu jaraa hubadhu. Kanaa wajjin walqabsiisuun, mammaaksa barumsarratti xiyyeeffataniif naannoo jaraatti dubbatamanu sassaabuun barreeffamaan dhiyeessuu jaraa mirkaneeffadhu. Seenaa guddina Afaan Oromoo keessatti nama gumaacha guddaa qaba/qabdi jedhanii yaadanu irratti keeyyata qopheessuu jaraa addaan baafadhu.

Boqonnaa 14: Afoola Oromoo (wayitii 10) Dheerinni wayti tokko 40'

Seensa Boqonnichaa

Barattoonni boqonnaa kana erga xumuranii booda maalummaa ogafaaniif faayidaa gosoota ogafaanii nihubatu. Jechootaa fs hiika kallattii nikennu. Gosoota ogafaanii keessaa ogwalaloof ciigoo maalummaa isaaniif faayidaa isaanii ni hubatu. Akkasumas, afoola Oromoo naannoo isaaniitti bifa walaloof bifa ciigootiin hawaasni fayyadamu dareetti fdanii dhiyeessu.

1. Kaayyoo: Barnoota Boqonnaa Kanaatiin Booda Barattoonni:

- maalummaa, faayidaaf gosoota afoola hubatu
- jechootaa hiika kallattii ni kennu
- faayidaa jechootaa hubatu.
- walaloof amaloota walaloo gabbifatu
- ciigoo keessaa soorgoof sookoo addaan baasuu danda'u
- walaloo mataa isaanii ni barreessu.

2. Qabiyyee

- Dubbisuuf dubbachuu
- Dubbisa “ Afoola Oromoo “ jedhu
- Gilgaalota hubannoo ogummaa dubbisuuf dubbachuuf oolan
- Weedduu jaalalaa
- Sirba cidha gaayilaa
- Hiibboo
- Oduu durii
- Hiika jechootaa
- Jechamoota
- Barreessuu

3. Mala Baruu– Barsiisuu

Barannoo 1: Dubbisuufi Dubbachuu

Deebii Gilgaala 1: Shaakala Dubbachuu

Kaayyoon shaakala dubbachuu, kun barattoonni dandeettii dubbachuu isaanii nama fuuldura bahanii akka dubbatan ija jabeenya akka horatan waan ta'eef, barattoota hundaafuu carraa ka'anii hiriyoota fuulduratti dubbachuu akka argatan taasisi/jajjabeessi/.

Deebii Gilgaala 2: Shaakala Dubbisuun Duraa

Xiyyeeffannaan guddaan shaakala dubbisa duraa barattoonni muuxannoo dura qaban gara mata dureetti fduun akka isaan mata duree tilmaamaan gochuu f, waan ta'eef gareen akka gaaffiwwan irratti mari'atan taasisuun yaada isaanii dhumarratti akka dareetti ibsan godhi.

Deebii Gilgaala 3: Shaakala Yeroo Dubbisuu

3A.1. 5 (shan)

2. Bosona keessan naanna'aa oole
3. Namichi ati jaalatte nama guddadha dargaggeessa jaalatte hin garre.
4. Namni kamiyyuu waan gaarii yaada. Hiyyeessis dureessis waan gaarii argachuu ni hawwa.
5. Yaanni ka'uu danda'u:
 - Namootaa waljaalatanii ijaan walbarbaadan
 - Namoota wal jaalatanii walarguun rakkoo ta'e
6. Jechoota baay'ee qalbii nama rarraasan fayyadame.

3B. Gaaffiwwan gilgaala kana jalatti ka'an hunda isaa akka irratti hirmaatanii barattoota kee jajjabeessi.

1. Mana mucayyootti
2. Eeyyee! Arga mana haadha ofiti baate maal gochuu f akkamitti jiraachuu akka qabdu itti hima.
3. Garaa laaftee hinboyiin jabaadhu gorsa jedhu qaba.
4. Kana booda fra irraa gara haalagaa deemta waan ta'eef jabaadhu

dhaamsa jedhu dhaamuuf.

5. Gorsa cimaa mucayyoo heerumtuuf, mucaa fudhuuf, hirmaattoota cidichaatiif dabarsa.

3C. shaakala jechootaa

- | | | |
|------|------|-------|
| 1. F | 4. B | 7. C. |
| 2. G | 5. H | |
| 3. E | 6. D | |

Gilgaala 4: Shaakala Dubbisuu Boodaa

1. Eeyyee
2. Eeyyee
3. 12
4. Eeyyee
5. Yaada adda addaa kaasuu danda'u waan ta'eef haalan keessummeessi.

Barannoo 2: Afoola

Gilgaala 5: Shaakala dubbisuun duraa

Kaayyoo shaakala dubbisa duraa barannoo 1ffaa keessatti ibsameera; haaluma saniin isa kanas hojjechiisi.

Gilgaala 6 : Shaakala yeroo dubbisuu.

- | | | | |
|------|------|------|------|
| 1. C | 2. B | 3. C | 4. D |
| 5. B | 6. C | 7. D | 8. C |

Gilgaala 6B: Shaakala jechootaa

- | | | | |
|-------|-------|-------|-------|
| 1. A | 2. C | 3. B. | 4. A. |
| 5. A | 6. A | 7. B | 8. C |
| 9. A. | 10. C | | |

Gilgaala 7: Shaakala dubbisa boodaa

- 1 Afoolli qabeenya hawaasa ta'ee dhalootaa dhalootatti kan afaaniin darbaa tureef darba jiruudha.
2. Mammaaksa, oduu durii, ciigoo, hibboo, jechama
Hiibboo -sirba
Tapha ijoollee - oduu durii
Geerarsa - Faaruuf kkf
3. Unata.

- Buufata/ hiidhaa/
 - Safara
 - Miidhagina
 - Filannoo jechootaa
 - Kalaqa sammuu gaafata.
4. Walaloo Oduu durii

Tokkummaa isaanii

1. Gosa ogafaniiti
2. Ergaa dabarsu

Garaagarummaa isaanii

Walaloo

oduu durii

- | | | |
|----|-------------------------|-----------------------|
| a. | Filannoo jechootaa qaba | hin barbaadu |
| b. | Unata qaba | hin qabu |
| c. | Qooddataa qaba | qooddattoota qaba. |
| d. | Bifa walaloo qaba | holooloo dhaan darba. |
5. Walaloorratti heddummaata sababni isaa jechootaa muraasaan ergaa guddaa dabarsa waan ta'eef.

Barannoo 3: Gosoota Afoolaa

Gilgaala 8: Shaakala ciigoo

- A. 1. Ciigoo : Loolan
Soorgoo: bokkaan
Sookoo: Waraanan
2. Ciigoo : Simbira
Soorgoo: Simbira /allaattii/ taate
Sookoo: isin bira jirti
3. ciigoo Afaan isaa
soorgoo sagalee bareedaa qaba
sookoo margi afanne gaariidha/ bareedaadha
4. ciigoo: Kaleessa hinhafne
Soorgoo: kun dur waan hafeedha

Sookoo: aadaa ummatichaa osoo beektu salfachuu dhabde.

B. Haaluma gaafatameen akka hojjetan jajjabeessi.

Gilgaala 9: Shaakala Hiiboo

- | | | | |
|----|------|----|---------------|
| A. | 1. B | B. | 1. Silmii |
| | 2. D | | 2. Hirriba |
| | 3. B | | 3. Abidda |
| | 4. C | | 4. Gaaddidduu |
| | 5. A | | 5. Buddeena |

Gilgaala 10: Shaakala jechamaa

- | | |
|------|-----------------------------|
| A. | B. |
| 1. A | 1. Waan lamuu hinargamne |
| 2. D | 2. Kan yeroof mul'atee badu |
| 3. B | 3. Kan namaaf naatu |
| 4. D | 4. Dallane |
| 5. A | 5. Haaloo kuufate |
| | 6. kan walhintaane |
| | 7. kan dafee hinfayyine |
| | 8. dubrummaa ishee gatte |
| | 9. kan gara deemuu wallale |
| | 10. maqaa balleessuu |

C. Jechamoota shan barreessanii dareef akka dhiyeessan taasisi.

Barannoo 4: Barreessuu

Gilgaala 11: shaakala barreessuu

Akkaatuma gaafatamaniin barattoonni akka hojjetanii f dan jajjabeessi. Qabxii itti kennuun hamilee f wal dorogommii isaan jidduutti uumi.

4. Gaaffiwwan keessa deebii

- A. Hiibboowwan armaan gadiif hiika isaanii barbaadi.
1. Ulee takkattiin saawwan karra tokko dachaafti.
 2. Xuunxoo fanniyoo ani hinfannifne Rabbituu fannisee naaf beeki.

3. Manni isaanii fagoo
Nyaanni isaanii nimi'aawa
Sarooni isaanii nama nyaatu
 4. Haati adeemtuu hingaltu
Abbaan sirba hindhiisu
Ijoolleen hinguddatu
 5. Dhaabaa hinta'u, dagalee hinta'u, isa malee hinta'u.
- B. Jechamoota armaan gadiif hiika kenni.
- | | |
|------------------|------------------|
| 1. Ija jabaata | 2. garaa bal'ata |
| 3. garaa laafa | 4. garaa nyaate |
| 5. bifa qabeessa | |
- C. Amaloota ogafaanii shan barreessi.
- | | |
|----------|----------|
| 1. _____ | 2. _____ |
| 3. _____ | 4. _____ |
| 5. _____ | |

5. Madaallii

- 5.1. Dubbisuuf dubbachuu Shaakala dubbisa duraarratti barattoota akka isaan muuxannoo isaanii gara mata dureetti f dan jajjabeessi.
- 5.2. Dubbisa "Afoola Oromoo "jedhu.
Dubbisni kun barattoonni si'aayinaan akka dubbisan hordof. Yemmuu dubbisuu dandeettii dubbisuu keessatti tarsiimoowwan akka gabbifataniif yeroo qabuufdhaan duukaa bu'i.
 - 5.2.1. Gaaffiwwan yeroo dubbisaa hojjechaa deemuu isaanii duukaa bu'i
 - 5.2.2. Teekinikoota dubbisuu gonfachuu isaanii gaaffiwwan yeroo dubbisaa dubbisa booda hojjechuu isaanii hordof.
- 5.3. Shaakala ogummaa jechootaa; Gilgaala 3C f 5B jala jiran hiika kallattii f haala galumsarratti hojjechuu isaanii mirkaneeffadhu.
- 5.4. Shaakala afoolagilgaalonni as jalatti qophaan (8, 9, f 10) afoola Oromoo hedduu keessaa isaan muraasa. Kanaaf, faayidaa, maalummaa, gosoota afaanii adda baasuu isaanii mirkaneeffadhu. Ogwalaloo, ogafaan kanneen biroos barreessanii akka dareef gabaasan gochuun duukaa bu'i.
- 4.5. Shaakala dubbisuun boodaa
Gilgaala 11 maatiif hiriyoota isaanii gaafatanii dareen alatti akka hojjetanii f dan jajjabeessi. Qabxiis itti kennamuun waldoorgommii keessatti uumi.

Boqonnaa 15: Durba Morma Lamaa (Wayitii 9) Dheerina wayitii tokko 40

Seensa Boqonnichaa

Barattoonni boqonnaa kana erga xumuranii booda, maalummaa sheekkoo, faayidaa sheekkoof gosoota sheekkoo ni hubatu. Akkasumas, jechamoota f haala hiibboon itti hiibbifamu ni hubata. Hiika jechootas, hiika kallattiif haala galumsaatiin qayyabatu.

1. Kaayyoo: Barnoota Boqonnaa Kanaatiin Booda:

- Maalummaaf faayidaa sheekkoo hubatu
- Jechamootaaf hiika kalattii kenni
- Jechamootatti fayyadamaa ciigoo ijaaru
- Hiibboo f akkaataa seera tapha hiibboo gabbifatu.
- Sheekkoof gosoota sheekkoo gabbifatu.

2. Qabiyyee

- Dubbisuuf dubbachuu
- Gilgaalota hubannoo dubbisuuf dubbachuuf oolan.
- Hiika Jechoota
- Ogafaan (sheekkoo, Hiibboo, jechamoota)

3. Mala Baruu – barsiisuu

Barannoo 1: Dubbisuufi dubbachuu

Gilgaalaa 1A: Shaakalaa dubbisuun duraa.

Shaakala dubbisaa duraa keessatti wanti raawwatamuu qaban ibsameera. Kanaaf, akkatuma saniin dalagsiisi. Jechoota dubbisuurratti gufuu ta'aniif hiika kenni.

B. 1. kolfuu 2. bira darbuu 3. daa'ima

Deebii Gilgaala 2A: Shaakala Yeroo Dubbisuu

1. Keeyyata 3ffaa
2. Namicha mucayyoo morma lamaa barbaadu.
Namicha karaa deemu
Mucayyoo akka namichi akka bulu goote.
3. Keeyyata 6ffaa
4. Yaanni ka'uu danda'u:
Abbaan gurbaa abshaalaa ta'uu dhabuu
Wanta namni jedhu haalaan gaafatanii hubachuu
Waa adda baafachuu dhabuun rakkoorraa nama buusuu isaa

- Deebii 2B.
1. Wanta hundaa jechamaan, ciigoodhaan waan dubbatuuf
 2. Mucayyoo warra mana ishee bulchite.
 3. Namichi mucayyoo barbaacha deemu
 4. Akkuma safuu ummata oromootti
 5. Dagaaguu, bal'achuu kan hindandeenye loon gosa saala tokko qabaniidha.

Gilgaala 2C

- | | |
|--------------|---------------|
| 1. milkii | 6. hawwii |
| 2. si'aayina | 7. gogsuun |
| 3. dallaa | 8. geechuun |
| 4. ulfna | 9. galaa |
| 5. horsiisuu | 10. horachuu. |

Gilgaala 3: Shaakala Dubbisuun Boodaa

Gilgaala kana jalatti haaluma gaafatamaniin akka deebii kennan taasisi.

Barannoo 2: Afoola

Gilgaala 4A; shaakala jechamaa

- | | |
|------|------|
| 1. I | 6. C |
| 2. H | 7. D |
| 3. J | 8. E |

4. B
5. A

9. F
10. G

Gilgaala 4B

1. Lola eegale
2. Beekkame
3. Kophaa ta'e
4. Duroome
5. Ari'e

Deebii Gilgaala 5A: Shaakala oduu durii

Deebii Gilgaala 5B

1. Hiriyoonna walamananii waa hojjechuu qabu.
2. leenca, ra'ee
3. leenca isatu ishee nyaachuu barbaade ykn ganuu barbaade
4. waan yaraa dalaguun sanyii namaaf gaarii miti yaadfa jedhu qaba.
5. waan hinyaanne natti dalagde.
6. Hiriyaan walhinbeekne malkaa dhufteetti walkaksiisti.
7. yoomessa uumamaaf iddoo qaba
8. ibsaa, namoomsuu,
9. cubbuu abbaan kee dalage jechuu isheeti
10. sheekkoo akka dareef dhiyeessan taasisi.

.Gilgaala 6: Shaakala Hiibboo

Gilgaala 6A

Gaaffiwwan as jalatti ka'an yaada isaanii bakka itti ibsatan waan ta'eef haalan keessumessi.

1. Yaanni ka'uu danda'u
 - Ijoolleedhaan taphatamuu isaa
 - Jechoota muraasaan darbuu isaa
 - Seera taphaa qabaachuu isaa f kkf
2. Sammu cimsa
 - Naannoo barsiisa
 - Naamusa barsiisa
 - Safuu barsiisa
 - Obsa barsiisaa f kkf

Gilgaala 6B

1. A
2. B
3. C
4. A
5. B

Gilgaala 6C

- | | |
|------------------------|-----------|
| 1. Udaan /gatteessuma/ | 2. Haadha |
| 3. Suunsuma | 4. Re'ee |
| 5. Masiinqoo/xiimboo | |

4. Gaaffiwwan Keessa Deebii

Jechoota armaan gadii hiika faallaa kenniif.

- | | | |
|---------------|-------------|-------------|
| 1. booseettii | 2. salphaa | 3. dura |
| 4. komii | 5. ol | 6. eebbisuu |
| 7. saffsuu | 8. madaaluu | 9. faallaa |
| 10. ganama | | |

5. Madaallii

- 5.1. Ogummaa dubbisuuf dubbachuu

Gilgaala 1: Shaakala dubbisa duraa keessatti barattoota gara mata dureef fduuf akka hunduu hirmaatan taasisi.

- 5.2. Dubbisa “Durba morma lamaa “jedhu.

Dubbisni kun sheekkoo baay’ee qalbii isaanii harkisu waan ta’eef, yeroo qabuutiin akka dubbisan godhi. Xiyyeeffannaa kee as jalatti dubbisuu gonfachisuu waan ta’eef kanneen armaan gadii ilaali.

5.2.1. Gaaffiwwan yeroo dubbisaa dubbisaatii hojjechuu isaanii ilaali. Yeroo kana ttarsiimoo saffsaan dubbisuu gonfachuu isaanii mirkaneeffadhu.

5.2.2. Gilgaala 2B jalatti gaaffiwwan jiran ammoo tarsiimoo suuta dubbisani gadi fageenyaan waa hubachuu gonfachuu; isaanii mirkaneeffadhu.

- 5.3. Shaakala ogummaa jechootaa

Gaaffiwwan gilgaalaa 3 jalaatti dhiyaatan barattoonni hiika jechootaa kallattiin, akkaataa galumsaatiin hubachuu danda’uu isaanii mirkaneeffadhu.

- 5.4. Shaakala afoolaa

Gilgaalli 4 (A, B, C), 5 (A, B), 6 (A, B, C)

Hundi isaanii waa’ee ogafaanii irratti xiyyeeffaatu. Kanaafs ogafaan kunneen ammoo, kanneen biroo irraa maaliin adda ta’u, maaliin ammoo walfakkaatu, faayidaan isaan qaban hoo? Kanneen jedhan hubachuu isaanii gilgaalota kennaman haalaan hojjechuu isaanii duukaa bu’uun mirkaneeffadhu.

Boqonnaa 16: Gaabbii **(Wayitii, 10) Dheerina wayitii tokkoo 40'**

Seensa Boqonnichaa

Barattoonni boqonnaa kana erga xumuranii booda, maalummaa asoosamaa, caacculee asoosamaa, hiika jechootaa f malleen dubbii ykn dubbii haalawaa maal akka isaan ta'an ni hubatu. Kanaaf, hordoffin kee baay'ee murteessadha. Tokkoon tokkoon dalagaa isaaniirratti wanta isaan irraa eegamu dalaguu isaanii duukaa bu'i.

1. Kaayyoo : Barannoota Boqonnaa kanaatiin Booda Barattoonni :

- asoosama dubbisan dhaamsa isaa hubatu.
- faayidaa asoosamaaf caacculee asoosamaa hubatu.
- hiika jechootaa cimsatu.
- malleen dubbii hima keessatti nihubatu.

2. Qabiyyee

- Dubbisuuf Dubbachuu
- Gilgaaloota hubannoo dandeettii dubbisuuf dubbachuuf oolan.
- Afoola
- Hiika jechootaa
- Ogbarruu

3. Mala Baruu– Barsiisuu

Barannoo 1 : Dubbisuufi dubbachuu

Gilgaala 1: Shaakala dubbisuun duraa

Akkaatan dubbisa duraa itti barsiifamu

Boqonnaa 14 keessatti daran ibsameera. Kanaaf, haaluma sanaan hojjechisi. Hiika jechootaa tilmaamsisuu hin irranfatin.

1. dukkuba mataa
2. hawwii
3. hin beeku.

Deebii Gilgaala 2: Shaakala Yeroo Dubbisuu

Barattoonni as jalatti tarsiimoowwan dubbisuu akka gonfatan waan ta'eef, gilgaala kana hojjechaa deemuu isaanii duukaa bu'i. Aritiin dubbisaa hojjechuu isaanii mirkaneeffadhu.

Deebii Gilgaala 2

1. Keeyyata 2ffaa
2. Yaada burqisiisan harkaa fudhuun madaali
3. Keeyyata 6ffaa
4. Waggaa 4
5. Keeyyata 10
6. Waggaa 2

Deebii Gilgaala 3A: Shaakala dubbisuun boodaa

Gaaffwwan qayyabannoo.

Gaaffileen as jalatti ka'an akkaataa hubannoo isaanii iddoo itti madaaltu waan ta'eef haalli hubannoo isaanii wanta dubbisan wajjin deemu isa hubadhuu.

Gilgaala 3B

Gaaffiwwan as jalatti ka'an gaaffiwwan hubannooti. Kanaaf, asoosamicha suuta dubbisuun akka deebisan taasisi. Hubannoo dubbisanii qayyabachuu isaanii mirkaneeffadhu. Deebii isaanii akka waldorgoomsiisan godhi. Caacculee asoosamaa akka isaan seeraan hubatan yaadannoos kennuufn cimsi.

Gilgaala 3C

Gilgaala kana jalatti gaaffiwwan ka'an jireenyaa isaaniitin walqabsiisanii wantoota hojjachuu qabani. Kanaafuu dalaguu isaanii duukaa bu'i. Akkaasumas, dorgommii jidduutti uumuun akka dandeettii isaanii itti fayyadaman godhi.

Barannoo 2: Afoola

Gilgaala 4A: Shaakala Jechamoota

- | | |
|--|------------------------|
| 1. Hirribaa ka'e | 2. Hindubbatu |
| 3. Akka salphaatti hin argamu | 4. Ni qota |
| 5. Hinsodaatu /hindhiisu/ irraa hindeebi'u | 6. Hinkuufamtu |
| 7. Yaadda'e | 8. Yeroo hunda yaadata |
| 9. Hin mugne | 10. Ciise |

Gilgaala 4B.

Akka hima itti ijaaran taasisi.

Gilgaala 5

Gilgaala 5A

- | | | |
|--------------|--------------|--------------|
| 1. Akkasaa | 2. Iddeessaa | 3. Akkasaa |
| 4. Iddeessaa | 5. Akkasaa | 6. Nameessuu |
| 7. nameessuu | | |

Gilgaala 5B.

- 1,3,5
- 2,4
- 6,7

Gilgaala 5c

Baasanii akka agarsiisan taasisi.

4. Gaaffiiwwan Keessa Deebii

A. Gaaffiiwwan armaan gadii akkaatuma gaafatamteen deebisi.

1. Caacculee asoosamaa torba barreessi
 - A. _____
 - B. _____
 - C. _____
 - D. _____

2. Tookkummaaf garagarummaa asoosamaaf ogafaanii barreessi
3. Amaloota Ogbarruu shan barreessi.
 - A. _____
 - B. _____
 - C. _____
 - D. _____
 - E. _____

5. Madaallii

5.1 Dubbisuuf Dubbachuu

Kaayyoon shaakala dubbisa duraa barattoonni muuxannoo isaanii gara mata dureetti fdanii irratti akka mari'atan gochuun ogummaa dubbachuu isaanii akka cimsan godhi. Hiriyoota isaanii fuulduratti bahanii yaada ibsachuu akka danda'aniif jajjabeessi.

5.2 Dubbisa “Gaabbii” jedhu

Dubbisni kun ogbarruudha. Ogbarruun ammoo barattoonni akka dubbisaniif barreeffamoota barattoonni dubbisuu jaalatan keessaa tokko; kanaaf, tarsiimoo dubbisuu akka hirataniif yeroo qabuufn akka dubbisan godhi.

5.2.1 Gaaffn yeroo dubbisaa dalagaa deemuu isaanii dukaa bu'i.

5.2.2 Tarsiimoo dubbisuu gilgaalota dhiyaatan hojjechiisuun mirkaneeffadhu.

5.3 Ogafaanii, kana jalatti barattoonni ogafaan hawaasicha keessatti itti fayyadama waan ta'eef faayidaaf bu'aa ogafaan hawaasichaaf qabu. Akka hubatan taasisi.

5.4 Ogummaa Ogbarruu

Kaayyon shaakala kanaa barattoonni maalummaaf bu'aa ogbarruu akka hubataniif. Kanaafuu hojii adda addaa dalaganii akka dareetti fdan gochuun hordof.

Boqonnaa 17: Xalayaa (Wayitii 6) Dheerina wayitii tokkoo 40

Seensa Boqonnichaa

Barattoonni boqonnaa kana erga xumuranii booda maalummaa xalayaa, faayidaa xalayaa, gosoota isaaf akkaataa xalayaan itti barreeffamu ni hubatu. Gosoota xalayaa keessaa xalayaa hojii f xalayaa dhuunfaas ni barreessu. Gama biraan ammoo hiika jechoota haala galumsaatiin ni hubatu.

1. Kaayyoo : Barannoota Boqonnaa kanaatiin Booda :

- maalummaa xalayaa ni hubatu
- akkaataa xalayaan itti barreeffamu ni gabbifatu
- hiika jechootaa haala galumsaan ni hubatu.
- ogummaa xalayaa hojii f dhuunfaa barreessuu ni horatu.

2. Qabiyyee

- Dubbisuuf barreessuu
- Dubbisa “ Xalayaa “ jedhu
- Gilgaaloota dandeettii barreessuuf dubbisuu cimsan
- Xalayaa dhuunfaa
- Xalayaa hojii
- Hiika jechootaa

3. Mala Baruu-Barsiisuu

Barannoo 1: Dubbisuufi Barreessuu

Gilgaala 1: Shaakala dubbisuun duraa

Kaayyoon shaakala dubbisa duraa muuxannoo barattootaa gara mata dureetti f duudha. Kanaaf barattoonni hirmaannaa cimaa akka godhan gochuun gaariidha. Gilgaalli 1ffaan yaada isaanii bakka ittii ibsatan waan ta'eef, yaanni kun sirriidha inni kun sirrii miti jechuun hin barbaachisu. Sirrummaa isaanii erga dubbisicha dubbisanii booda akka mirkaneeffatan taasisi.

Deebii Gilgaala 2: Shaakala yeroo dubbisuu

1. Yaanni ka'uu danda'u
 - Eebba hiriya isaa dhufuu akka hindandeenye garuu , kenna erguuf isaa. Gara fuulduraatti wanta gaariin akka isa qunnamuf kkf
2. Lama
3. Akka ilaalcha isaaniitti yaada fuudhi
4. Eeyyee
5. Hin qabu.

Deebii Gilgaala 3A: Shaakala dubbisuun boodaa

Akkaatuma hubannoo isaanitiin yaada isaanii keessummeessi.

Gilgaala 3B.

Gilgaala kana jalatti gaaffiwwan dhiyaatan wanta dubbisanii f muuxannoo isaanii walitti f duun wanta hojjettaniidha, Kanaaf, dalaganii akka dhufan jajjabeessi . Hojii isaanis waldorgomsiisuun waldorgoommii jidduu isaanitti uumi.

Barannoo 2: Hiika Jechootaa

Gilgaala 4A

1. dhugaa baatuu/naqaashii
2. Bicuu /tuffi)

3. Huccuu /kafana /uffata

4. Gaariidha /baroodha

5. Itti tole

Gilgaala 4B

1. E

2. B

3. A

4. D.

5. C

4. Gaaffiiwwan Keessa Deebii

A. Jechoota armaan gadiitti jala sararaman hiika isaanii akka galumsaatti barbaadi.

1. Fira gaafa golfaa alagaa gaafa kolfaa.

2. Diina moo'achuuf irraa siquu osoo hintaane itti siquutu gaariidha.

3. Bokkaan har'a roobe bubbee waan keessa make xinnoo ni ulfaata.

4. Tolaan kijiba dubbachuu hinjaalatu dubbachuu hinjaalatu.

5. Caaltuun hiree gaarii waan qabduuf carraa dhibba keessaa jalqaba irratti carraan ramaddii baheef.

6. Qananiisaan wadaroo sangoota isaati bitee gale.

7. Jaalalli dhugaa aarsaa hedduu nama kafalchiisa.

8. Gama hundaanuu carraa ofi yaaluun baay'ee gaariidha.

9. Qoree qara malee qaramte.

10. Hundumtuu yeroo isaatti miidhaga.

5. Madaallii

- 5.1. Ogummaa dubbisuuf barreessuu Kaayyoo guddaan shaakala dubbisa duraa muuxannoo isaanii gara mata dureetti fduudha , kanaaf hirmaannaa isaanii jajjabeessi..
- 5.2. Shaakala yeroo dubbisa. Barattoonni yeroo kana gilgaala 2 jalatti gaaffiwwan dhiyaatan dubbisaati tarsiimoowwan dubbisuu gonfachuu isaanii mirkaneeffadhu
- 5.3. Shaakala hiika jechootaa. Jechoonni gilgaala 4A jalatti dhiyaatan hiika akka galumsaatti hubachuu isaanii xiinxalata. 4B jalatti ammoo hiika faallaa kennuu danda'uu isaanii mirkaneeffatta.

Boqonnaa 18: Barreeffama odeeffannoo (Wabiitti fayyadamuu) (Wayitii 6) Dheerina wayitii tokkoo 40'

Seensa Boqonnichaa

Barattoonni boqonnaa kana erga xumuranii booda, maalummaa barreeffama wabii, akkataa itti fayyadama kitaabilee wabii, akkasumas jechoonni maal akka bakka bu'an ni hubatu. Mana kitaabas dhaquun wanta baratan kan hojiirra oolchu.

1. Kaayyoo : Barannoota Boqonnaa kanaatiin Booda Barattoonni :

- Maalummaa barreeffama wabii ni hubatu
- akkaataa itti fayyadama kitaabilee ni hubatu.
- jechoonni maal akka bu'an hubannoo cimsatu.

2. Qabiyyee

- Dubbisuuf dubbachuu
- Gilgaalota dandeettii dubbisuuf dubbachuu cimsan
- ogummaa jechootaa

3. Mala Baruu-barsiiisuu

Barannoo 1: Dubbisuufi dubbachuu

Gilgaala 1: Shaakala dubbisuun duraa:

Hojiiwwan dubbisa duraa keessatti raawwataman boqonnaa 17 keessatti, haalaan ibsamaniiru; waan ta'eef isuma hordof.

Hiika jechootaa.

- walitti qabu
- burqaa
- ragaa

Gilgaala 2: Shaakala yeroo dubbisuu.

Akkuma boqonnaa 17 keessatti ibsame tarsiimoowwan dubbisuu gonfachiisuu waan ta'eef tarsiimoowwaniirratti xiyyeeffadhu.

Deebii Gilgaalaa 2A.

1. Soba
2. Soba
3. Soba
4. Dhugaa
5. Soba

Gilgaalaa 2B

1. Gosa kaataaloojii
2. Baafata kitaabaa
3. Burqaa jalqabaa
5. Madda isaa ibsu

Deebii: 2C

As jalatti hiika jechootaa gama hiika kallattitin akka shaakalan godhi.

1. Ragaa
2. Karaa /qajeelfama
3. Hubannoo gadi fageenyaa
4. Hojjetamee dhumuu
5. Waliigala
6. Qeequu
7. Madaallii
8. Mul'isuu
9. Ragaa
10. Bulmaata

Gigaala 3A: Shaakala dubbisuun boodaa.

Gilgaalli kun hubannoo barattoonni wanta dubbisaniirratti qaban madaaluuf gaariidha. Kanaaf, yaanni adda addaa ka'uu waan danda'uuf, yaada isaaniirratti hanga waliigaltaniitti keessumeessi.

Gilgaala 3B.

Gilgaalaa kun wanti qophaayeeff barattoonni muuxannoo isaaniiif wanta dubbisan irratti hundaa'uun akka wanta irraa fooyya'aa ta'e hubataniif, Dareen alas mana kitaabaa dhaquun dhimmoota kana akka itti fayyadaman taasisi., Hojii mana kennuufn akkaataa itti fayyadama barreeffama wabii akka cimsatan godhi.

4. Gaaffiwwan Keessa Deebii

- A. Gaaffwwa armaan gadii akkaatuma gaafatamteen deebisi.
1. Barreeffama odeeffannootti fayyadamuuf wantoota barbaachisan tarreessi.
 2. Hiika jechoota tooftaa ittiin barbaadduu ibsi
- B. Jecha himoota adda addaa armaan gadii haalan xumuruu danda'an fladhu.
1. Fayyisaan jirbii funaansa gara gammoojjii .
A. deeman B. deeme C. deemte D. deemaniiru
 2. Namni hojii_____tiin kabaja
A. ishii B. isaanii C. isaa D. isee
 3. Iddoosaan niitii takka qaba._____ijoollee wajjin
Najjootti jijjiiramte.
A. Inni , Isaa B. Isheen, isaa C. Isaa, inni D. Isaa, ishee
 4. Isaan kaleessa moo dheengadda_____?
A. dhufe B. dhufan C. ta'e
5. Badhaasaan isheef wayyaa_____
- A. dhahe B. fooye C. hojjete D. hunduu

5. Madaallii

5.1. Dubbiisuuf Dubbachuu

* Dubbisa kennameef yeroo qaban keessatti akka dubbisan taasisi. Kunis ogummaa dubbisuu isaaniitarsiimoowwan dubbisuu irratti hunda'uun madaali.

- 5.2. Gilgaaloota ogummaa dubbisuuf dubbachuu cimsan. Gilgaalli 1 ogummaa dubbachuu isaanii bakka itti mirkaneeffatuudha. Gilgaalli 2 f 3 ammoo ogummaa dubbisuu isaanii tarsiimoowwan dubbisuurra dhabbatta bakka itti madaaltuudha.

Shaakala 3B

As jalatti barattoonni muuxannoo isaanii dareen alas deemanii akka cimsatan iddoo itti gootu waan ta'eef dareen ala mana kitaabaa deemuun waa hojjetanii dareef akka dhiyeessan godhi. Yeroo kanas qabxii kennuuf dhaan waldorgoommii isaanii jidduutti cimsi.

5.3. Shaakala hiika jechootaa.

Gilgaala 4 jalatti kallattiin hiika jechootaa hiikuu danda'uu isaanii iddoo mirkaneeffatuudha.

Wabii

- Adugna Barkessa 2009. Terminology-related Problems in Teaching Afaan Oromoo. Germany: vdm Verlag.
- Addunyaa Barkeessaa 2010. Natoo: Yaadrimee Caasluga Afaan Oromoo: Concept of Afaan Oromoo Grammar. Finfnne: Mega Printing Press.
2011. Sanyii: Jechaaf Caasaa Isaa (Word and Its Structure).Finfnnee: Efficiency Printing Press.
2011. Akkamtaa: yaadrimee Qorannoo Hujoo Afaan Oromoo Keessatti(Concept of Applied Linguistics in Afaan Oromoo Language. Finfnnee: Efficiency Printing Press.
- Catherine G. M. 2001. A Grammatical Sketch of Oromoo. RÜDIER KÖPPE VERLAG. KÖLN, ISBN
- Crystal, D.1997. The Cambridge Encyclopedia of Language. 2nd (edt.), Cambridge: Cambridge: University press.
- Dowens, W. . 1998. Language and Society. 2nd (edt.), Cambridge: Cambridge University Press
- O'Grady, W. and Dobrovolsky, M. 1996. Contemporary Linguistics Analysis, an Introduction.3rd (edt.), Tronto : Copp Clark LTD.
- Owens, J. 1985a. The Grammar of Harar Oromo. Humburge: Helmut Buske Verlage Humburge.
- Tamene Bitima 2000. A Dictionary of Oromo Technical Terms, Oromo-English. Berlin: RudigerKoppe Verlag Kolin.
- Temesgen Negasa. 1993. Word Formation in Oromoo. Addis Ababa University: Addis Ababa, (Un Published MA thesis).
1995. "Word Formation in Oromo" in Baye and et al. (eds.), Proceeding of Ethiopian journal of language and literature, NO. 5, ILS, Addis Ababa. Company.
- Wako Tola 1981. The Phonology of Oromo (Mecca) MA thesis, ILS, Addis Ababa University.
- Yule, J. 2006. The Study of Language (2nd edt.), Cambridge: Cambridge University Press.